



# ИТВЫВ КОДЗУВ

**10**  
ОКТАБРЬ  
1980



Тима Вень. 1914 во.



# Райвыл Кодзув

## ТАЙО НОМЕРЫН

КПСС XXVI съезд кежлö

✓ Иван ИЗЪЮРОВ. Тиман ловзьö . . . . . 3

Евгений УЛЯШЕВ. Шуд вöсна. Эраст ВАНЕЕВ. Ю вуджигöн. Владимир ЛОГИНОВ. «Тувсов кадö кокныд ловлы» (кывбурьяс) . . . . . 14

✓ Борис ШАХОВ. Тшöтшьяс (виль гижöдысь юкöньяс) . . . . . 15

✓ Анна ДОЛДИНА. «Чужан лунöй бара воис». Менам рöд. Лэбовтöны вояс (кывбурьяс) . . . . 36

✓ С. И. ШИРОБОКОВ. Сöветскöй Удмуртиялы 60 во 37

Тима Вень чужан лунсянь — 90 во

✓ Сергей МОРОЗОВ. Тима Вень ордын (очерк) . . . 44

✓ Тима ВЕНЬ. Ылі йöз мусянь ас чужан му йылысь 55

В. МАРТЫНОВ. Ф. В. Плесовский — фольклорист 58

✓ Виктор КУШМАНОВ. Нэмджынся сöвман туй . . . 60

ЛИТЕРАТУРНО-  
ХУДОЖЕСТВЕННОЙ  
ДА ОБЩЕСТВЕННО-  
ПОЛИТИЧЕСКОЙ  
ЖУРНАЛ

ЛЭДЗÖ КОМИ АССР-са  
ПИСАТЕЛЬСЛÖН СОЮЗ

ПЕТÖ 1926 ВОСЯНЬ

10

ОКТАБРЬ

1980

СЫКТЫВКАР

# СЕВЕРНАЯ ЗВЕЗДА

◆  
ЕЖЕМЕСЯЧНЫЙ  
ЛИТЕРАТУРНО-ХУДОЖЕСТВЕННЫЙ  
И  
ОБЩЕСТВЕННО-ПОЛИТИЧЕСКИЙ  
ЖУРНАЛ

◆  
ОРГАН  
СОЮЗА ПИСАТЕЛЕЙ  
КОМИ АССР

Главный редактор *П. Шахов*

РЕДАКЦИОННАЯ КОЛЛЕГИЯ:

*А. Ванеев, М. Игнатов, Н. Куратова, В. Попов, С. Попов,  
С. Раевский, И. Торопов (зам. главного редактора),  
Г. Юшков.*

~~~~~ \*

Гомөсдинса челядлөн библиотекаын.

Снимайтис В. Игнатов.



**Иван ИЗЪЮРОВ**

# Тиман ловзьӧ

**ПИСАТЕЛЬЛӦН ПАСИӦДЪЯС**

Тиманӧй!  
Ловъя тай вӧлӧмыд!  
Нималӧ олӧмыд:  
Вылъ эра воӧма тӧныд —  
Пуксьӧма ыдждалан

нӧмыд.

(Нӧбдинса Виттор).



Водзын зэв кузь туй — ылі Вой-  
вылӧ. Колӧ волыны Усинскӧ, Вук-  
тылӧ, бара прӧйдитны Печора кузя.

Сыктывкарса аэропортын пукси  
ыджыд самолӧтӧ, лӧдзчыси еджыд  
кышӧда креслӧ, видзӧдлі гӧгӧр. Во-  
дзын и бӧрын ме моз жӧ еджыд  
креслӧясын пукалӧны йӧз. Томъяс и  
пӧрысьяс, ставныс мича гожея пась-  
кӧмаӧсь. Водзын, кылӧ, шыалӧны  
челядь.

Томиник стюардесса висъталіс:  
корабльӧн веськӧдлӧ Коми граждан-  
скӧй управленийлӧн экипаж, рейс  
нюжалас часӧн-джынийӧн.

Ог первойысь лӧб ыджыд самолӧт  
вылад, и век жӧ сьӧлӧмыд полиштӧ  
бытьӧкӧ. Сы ыджда коромина сы-  
нӧдті лӧбӧ, сӧ мортӧс лӧбӧдӧ, и ча-  
сӧн-джынийӧн вайӧдас ылі войвывса  
Уса ю бокӧ, нефть перйысьяс дінӧ.  
Казытышти, кызди коркӧ, нелямын  
вит во сайын, тайӧ туй костсӧ ву-  
джигӧн додь пыдӧсын пукалі тӧ-  
лысь саяс.

Самолӧтын здук кежлӧ пемдыліс,  
сӧсся бӧр югдіс. Видзӧдлі гӧгрӧс  
ӧшиньӧд. Вӧлӧмкӧ, кымӧръяс сайы-  
нӧсь нин. Пыр ӧтмоза жувгисны са-  
молӧтлӧн двигательяс, кыптисны да  
вошины самолӧтлӧн кӧлесаяс. Мый  
кужӧ да вермӧ вӧчны мортлӧн ки!  
Кытӧнкӧ сайын, тыдалӧ, дзирдаліс

шонді, сьлӧн югӧръясыс югдӧдисны  
миянысь улынджык вата кодъ еджы-  
д кымӧръяссӧ, код пыр и муыс эз  
тыдав.

Стюардесса пукалысьяслы разӧ-  
діс газетъяс. Ме босьті жӧ газет,  
паськӧді. Пыр жӧ казялі бура ыджы-  
д статья, коді шусис: «Проблемы  
подземных кладовых». Гижӧма ста-  
тьясӧ паськыда тӧдса да нима сӧ-  
ветскӧй учӧнӧй. Ме ещӧ думысь шен-  
зышти, мыйла буретш меным весь-  
калі тайӧ газетыс, быттӧ нарощӧ  
корсьӧма.

Статьясьяс тӧдмалі унатор. Вӧ-  
лӧмкӧ, мӧд мирӧвӧй войнабӧрса во-  
ясӧ му шар пасьталаын му пытш-  
кысь перйӧма да сотӧма озырлунья-  
яссӧ (из шом, нефть, газ да с. в.)  
ӧна унджык сыысь, мый перйывлӧ-  
маӧсь тайӧ кадӧдзыс человечество-  
лӧн став истӧрияын. И водзӧ пыр  
ӧнджыка да ӧнджыка муӧ му-  
пытшса озырлуньяссӧ ломтас вылӧ  
перйӧмыс. «Кор воас талы пом?» —  
юалӧ статьясӧ гижысьыд.

Сӧветскӧй учӧнӧйыд тӧдчӧдіс:  
бӧръя 25 во чӧжӧн (1951—75 вв.)  
мир пасьтаын нефть перйӧм содіс  
пӧшти квайт пӧв, природнӧй газ  
перйӧм содіс ещӧ унджык — сизим  
пӧв. «Быть кӧвмас думыштлыны, —  
водзӧ гижӧ учӧнӧй, — мый мупытшса  
озырлуньясыд абу помтӧмӧсь. Сідз-

кӧ, колӧ найӧс видзны, не таргайтны лёк ногӧн».

Дерт, сёрнитны кӧ мян республика йылысь, думайтӧ ме, кӧнӧ нефть да из шом перйӧмьд заводитчис нэм джын сайын, а газтӧ заводитисны перйыны и сёрнджык, гашкӧ, тайӧ проблемаыс оз на сулав сэтшӧм ёся, дай мупытшса озырлунъяссӧ прамӧя абу на аддзӧма да стӧчмӧдӧма. Но и ми заводитим, шуам, нефтьсӧ быд во перйыны дас миллион тоннаясӧн, а газсӧ уна миллиард кубометр.

«Странаса торъя районъяслӧн чужӧмбаныс,— висътавсьӧ КПСС-лӧн XXV-ӧд съезд материалъясын,— пыр ёнджыка мӧдас тыдовтчыны гырысь народно-хозяйственной программаяс олӧмӧ пӧртӧмӧн да гырысь территориально-производственной комплексъяс лӧсьӧдӧмӧн... Кутас формируйтчыны выль Тимано-Печорской промышленной комплекс, сэтись нефтьлысь да газлысь месторождениеяссӧ используйтӧмӧн».

Дасӧд пятилеткаын, партиалӧн XXV-ӧд съезд бӧрын, Коми республика сетис странаса народной овмӧслы 120 миллион тонна саяс из шом, 70 миллион тонна нефть да газӧвӧй конденсат, 90 миллиард кубометр газ, 80 миллион кубометр вӧр, пӧшти дас миллион кубометр пиломатериал, и ещё уна мукӧдтор.

Та йылысь ме думайтӧ Усинскӧ лэбигӧн самолётын пукалитӧ.

Мый ме сэтись верма аддзывны ас синмӧн, регыд олӧгӧн? Кызди кужа висътавны та йылысь лыддысьсысяслы?

## 1. Усинск

1932 вося гождӧмын Нёбдинса Виттор да Василей Егор медся воддзясӧн коми гижысьяс пӧвстысь волисны Чибьюӧ, кызди сӧки шусьыліс талунъя Ухта. Сэні сӧки коймӧд во нин перйисны му пытшкысь нефть. Кызди и колӧ вӧлі лоны, асланыс ветлӧм йылысь найӧ гижисны бура ыджыд очерк «Уква — Войвыв Баку» да йӧзӧдісны «Ударник» журнал лист бокъясын. Гижӧдас висътавсис, кызди пемыд пармаын, Ухта юӧ

усьысь неыджыд Чибью бокын, сувтисны нефть перйысь джуджыд вышкаяс, страна пасътаысь — Москваысь, Грознойысь, Бакуысь — воӧм йӧз заводитисны тани стрӧитны кар, кыпӧдісны пӧсни и гырысь уна олан керка, электростанция, мастерскойяс. Тайӧ очеркыс вӧлі коми кыв вылын медся воддза гижӧд сы йылысь, кызди заводитис вежсьыны чужӧмбаныс коми пармалӧн.

Гортас воӧм мысти Нёбдинса Виттор пыр жӧ заводитис гижны ыджыд поэма аддзылӧмторъяс йывсьыс. Зэв жаль, поэмасӧ помӧдз вайӧдны эз вермы. Ӧти неыджыд юкӧн поэмасыслысь век жӧ удитис йӧзӧдны журналын 1933 воын.

Сьӧлӧмсяныс петан кывъяс аддзис поэт ылі войвылын индустриалӧн яр бияс ӧзйӧм йылысь висъталигӧн! Медводдзаясь на коми литератураӧ Нёбдинса Виттор пыртӧ «Тиман» кыв:

Тиманӧй!  
Тундраса гӧрайӧ!..  
...Омлялан шыясӧн,  
Кынтӧмӧн сорӧн  
Пыр тӧнӧ зуавліс тӧв...  
Тиманӧй!  
Ловъя тай вӧлӧмьд!..

Кутшӧма тайӧ кывъясыс инмӧны да лӧсялӧны талунъя лунлы, кор советской народ и збыльысь кутчысис ловзьӧдны Тиманӧс!

Куим во мысти, 1935 вося арын, усис шуд талаявны Нёбдинса Витторысь кок туйсӧ и меным — том гижысьлы, гижны бура ыджыд очерк да йӧзӧдны «Вӧрлэдзсысь» газетын сийӧ жӧ вося октябрын. Нёбдинса Виттор моз жӧ Сыктывкарсянь Вогвадиноӧдз кывті пароходӧн. Сэсся куимсӧ километр муні выль туй кузя грузӧвӧй машина вылын, пукалі орччӧн шофӧрыскӧд кабинаас.

Вӧлі арся сьӧд пемыд вой. Выль туйыс веськыд, ылысянь тыдалӧ паныд локтысь машинаяслӧн биыс. Первойсӧ, кызди меным кажитчывліс ылысянныд, биыс быттьӧ ӧти. Матыстчас да лоӧ кык. И дыр на оз весьтась мянкӧд. Сэсся дырӧн машинаыд шуркнитас боктіным, и бара лоӧ гӧгӧр сап пемыд.

Сё саяс машина сэки ветлісны выль туй кузяыс. Нёбдінса Витторлы кытсюрё ковмылёма на подён мунны, кыдзи асьныс ошйысисны, а местаясті кывтны и шняга вылын.

Но вот, кёнкё ылын быттьокё заводитіс кыптыны да матыстчыны асья кыа. Сійё öзйис пыр ярджыка да ярджыка.

— Мый тайё?— юалі ме шофёрлысь.

— Выль карлөн биясыс!— радпырысь висьталіс меным водителыд. Тыдалё, нимкодясис жё ачыс.

И збыль, вөр заводитіс югдыны, и недыр мысти гөгөр мөдісны öзйыны яр бияс. Менё босьтіс шемөс. Став вөрсө быттьө кисьтөма миллион биясөн! Кажитчис: та мында биыс эз вөв и Москваын, кытөн ме вөлі во сайын. Сыктывкар йывсьыд и сёрнитны нинөм: зэв на этша сэні сэки вөлі электрической биыд...

Усинскө ме веськалі август төлысы мича лун шөрө. Самолёт лэччис мулань, вуджис, кыдзи ме казялі, паськыд Печора. Регыд мысти син улө уси и Уса юлөн бура паськыд лөз отыс. Аддзылі и выль көрт пос, коді тасалис юсө. Но посёлоксө, көть ёна зіли вылысянныс видзөдлыны, эг казяв. Син водзті вуджөртісны паськыд нюръяс, войвывса ляпкыдик да посныдык пуяс, и ми, самолётын пукалысьяс, кылім, кыдзи самолётлөн көлесаяс небыда чишмуніны муө. Дерт, эз муө, шуны кө стөча, а шылыд бетонной визь вылө. Гөгрөс öшиньясөд матыникын тыдалісны эштөдтөм на выль стрөйбаяс.

— Пуксим Усинскө. Борт сайын 9 градус шоньд,— висьталіс стюардесса.

Аэропортын нин төдмалі: Усинск йитчөма сынөдса туйөн странадас кык каркөд, кытчөясө пуксьөны тані кыпөдчөм гырысь пассажирской лайнеръяс.

Бетонөн вевттьөм шылыд туй кузя ыджыд автобус өдйө вайөдіс миянөс Усинскөдз. Со и посёлоклөн выль кварталъяс — вит судта керкаяс. Зымвидзө и өкмыс судта ыджыд керка — усинскесаяслөн ошйысянтор. Кыптөны ещө выль өкмыс судтаяс. Кык выль микрорайонн

бур квартираясын олөны 20 тысяча олысь, мөд сы мында матыса негырысь посёлокъясын, кытысь позяс аддзыны быд сикас стрөйбасө: вагонъяс, балокъяс, во-мөд кежлө вөчёмъяс.

Кыдзи ставыс заводитчис Усинскын? Ме кө гижи история, то медся первой эськө корси документъяс, стөчмөді кад, вояс, гашкө, весиг лунъяс. Кыдзи писатель, ме гижас сэтшөмторъяс йылысь, мый өдвакө веськалас документъясө, мый помнитөны йөз, кутөны паметын.

И сідз, кыдзи ставыс тані заводитчис? Кыв позьө сетны Владимир Артемьевич Фаградовлы — КПСС Усинской райкомын талунъя первой секретарлы. Сы вөсна, мый Владимир Артемьевич вөлі начальникөн сійё нефтеразведочной экспедицияын, коді корсис нефть Уса ю бокысь да аддзис сійөс. Тайё экспедицияыс зэвтис медводдза брезент палаткаяс Уса ю бокө, Колва ю вомышь неуна вылөджык, көні сэсса быдмис Парма посёлок. Тані лои пристань, кыптісны гоз-мөд во кежлө стрөитлөм юр сюянінъяс йөзлы, и көні йөз олөны ёна нин дырджык. Унаысь да уналаын овлө тадзи. Гөгөр нюръяс, васөд егыръяс, кыті и резина бакилөөн прөйдитны сьөкыд. Удж вылө геологъяс лэбалісны вертолётъясөн.

Зато 1972 вося декабрын государственной комиссия вынсьөдіс Усинской месторождениеын корсьөм нефтьлысь запасъяссө, и буретш тасянь заводитчис Усинсклөн исторіяыс.

Локтісны эксплуатационной скважина пискөдысьяс, вышкомонтажникъяс, транспортникъяс. Заводитісны стрөитны нюръяс вомөн туйяс, бөрйисны места ыджыд посёлоклы, көні позис кыпөдны гырысь керкаяс, сетісны сэки сылы ним Пионерной, а бөрынджык лои Усинскөн, Пармасынь көкъямыс километр вылынджык, кос местаын, көні и төлыс во гөгөр чөж медся ёна өвтө лунвывсянь. Тадзи висьталөны татчөс олысьяс. Панель керкаяслы медводдза плитаяс вайисны Сыктывкарысь, Ухтаысь, Воркутаысь. Первой көрт туй кузя Печора карөдз, а сэс-

ся Печора ю кузя баржаясөн. Съкыдсыс-съкыд вöлі заводитны стрöитны кар ылі Уса ю бокрын! Став республика, став страна отсаліс Усинсклы, коді лои Ставсоюзса комсомольскöй стройкаөн.

1975 воын Коми республикаын лои котыртöма кык выль район — Усинскöй да Вуктыльскöй, а 1979 воын Уса ю вомөн лои эштöдöма ыджыд көрт пос стрöитöм, коді Усинскöс йитіс странакод. Усинсксаяс лолыштисны кокниджыка. Тани позьö содтыны: дасöд пятилеткаын выль Усинскöй районуи народнöй овмöс водзö кыпöдöм вылö вöлі видзöма 900 миллион саяс шайт, медясö, дерт, нефть перйöм сöвмöдöм вылö. И став тайö рöскöдъяссö Усинск вештіс.

Сьöлöмыс Усинсклөн — нефть комплекснöя весалан ыджыд выль цех, кодöс стрöитöма неважөн. Тайö цехыс öні весалö ваыс да быд мукöд ковтöмторъясыс нефть, мöдöдö сійöс нефтепровод кузя странаса народнöй овмöслы. Öні стрöитчö цехыслөн мöд öчередь. Сэки Усинкса цех лоö странаын татшöм цехъяс пöвстын медся буръяс лыдын.

Эм уна аслыспöлöслун тайö цехыслөн: став уджъяснас веськöдлö электроника да автоматика, цехыслөн абу весиг кобув: сійö гöгөр восьса, позьö шуны — улича вылын. Трубаяс, пачьяс, компрессоръяс — ставыс мавтöма еджыд алюминневöй краскаөн. Гöгөр сöстöм, чышкöмамыськöма, быттьöкö тани оз и весавны няйт нефть, сылыс дуксö он кыв.

Нефтьсö талун Усинскын перйöны кыклаыс — Усинскöй да Возейскöй месторождениеясыс. Корсьöма нефтьлыс выль месторождениеяс, Возейыс войвылынджык. Сэтчöдз öні нуöдсьö автомобильнöй туй, вöчöма 90 километр саяс, стрöитöма куим пос Колва ю вомөн.

Медым воыс-во содтыны нефть перйöмсö, быд во колö содтыны скважинаяслыс лыдсö. Ломтас перйöмыс быд во содö 20 процент вылö. Позьö вайöдны татшöм лыдпас: дасöд пятилеткалөн вит воөн тани писькöдöма да сдایتöма нефть перйысьяслы 400 саяс скважина. Вит

промыселын перйöма 37 миллион тонна нефть, 378 миллион кубическöй метр попутнöй газ, коді газопровод кузя мунö Печораса ГЭС-лы. Печораса ГЭС-сянь татчö воö электроэнергия.

Колö тöдчöдны: Усинскын паныдасьöны интересьясыс кызь гöгөр союзнöй министерстволөн да комитетлөн, та вöсна тани унатор на вöчсьö öта-мöдлыс вынъяссö артыштöг. Съкыд лыддьöдлыны строительнöй да монтажнöй организацияслыс лыдсö. Овлö, öти подрядчик надзмöдыштас уджлыс öдъяссö, и тайö пыр жö тöдчö мöд субподрядчиклөн удж вылö. Найö оз на вексяммыны артасыны öта-мöдлөн интересьясөн. 2000 гöгөр бурöвик тани уджалöны вахтöвöй методөн. Уджаласны тöлыс джын, а сэсся мöд тöлыс джын кежлас шойччыны мунöны Башкирияö, Волгоградскöй областьтö. Мый вöсна? Сы вöсна, мый найöс Усинскын семьясөн овмöдны некөн — көть стрöитчöны уна, а квартираяс оз тырмыны. Кытчö, шуам, öтпырйөн иналан 2000 семья? Волгоградскöй областьса öти бурöвöй управление ассьяс плансö кызыннас тыртö (позьö стöчмöдны — 80 процентсö) Усинскын бурöвöй уджъяс вöчöмөн. Бурöвикъяс уджалöны асланыс управлениеыс тысаяс километр сайын. Налөн удж бöрся контроль некодладорсянь абу: Усинкса НГДУ-лөн инженеръяслы сы вылö кадыс оз тырмы, асланыс тöждыс уна, а Башкирияса да Волгоградса инженеръяс — ылынöс.

Усинсксянь неылын эм промысел, кытыс петö съöкыд нефть. Прöстö ачыс сук нефтьыд скважинаöд оз кай, колö содтыны пластас давлениесö, пöсь руөн кизьöртыштни нефтьсö. Строительяс бара жö нюжöдчöны, кымын во нин вöчöны пöсь ру пластъяс сюян установкасö. Нюжöдöны строительяс и ва чукöртан установкаяс — сідз шусяна водосборъяс. Ваыс бара жö колö пластыс давлениесö содтöм вылö, мед пластсыс позис босьтны унджык нефть, мыйта сэни эм.

Оз на прöстö му веркöсад кай нефтьыд, сійöс колö кужны кыпöдны, босьтны. Корсьны, адззыны и

кужны босьтны! — татшом девизыс нефть перйысьяслөн.

Усинск посёлоксянь медся матын мёд номера промысел. Сійо сетö быд сутки 12 сюрс тонна нефть. Уджалöны тані 80 морт, на пиысь 11 инженер да техник. Пулыт сайын пукалысь нывбаба висьтасис Валентина Алексеевна Плотниковаөн. Скупа зэв висьталіс ас йывсьыс, ёнджыкасö промыселса бур йöз йылысь. Бöрынджык висьталісны: Валентина Алексеевна Плотникова — РСФСР-са Верховной Сöветын депутат, чужлöма Печора бокса сиктын. Велöдчöма Ухтаса горно-нефтяной техникумын.

Усинскысь позьö аддзыны матыса сиктыясысь петöм уна ныв-зонмös. Тані ставыс лыддысьсö 102 комсомольско-молодёжной коллектив, öтувтöны 2500 гөгөр том бурöвикös, вышкомонтажникös, шофёрös, строительös. И век жö йöз оз тырмы. «Усинская новь» газет быд номерын юöртö: предприятияяслы, стройка-яслы, туй вöчысьяслы колöны шофёръяс и трактористъяс, слесарьяс и электросварщикъяс, мукöд профессияа йöз. Бөръя гоз-мёд вонасылі войвывса Колва сиктысь стройка вылö локтісны 40 гөгөр том ныв да зон. Сиктын бара жö шогалöны — том йöзыс и сэнi колöны.

Гөгөрвоана: гырысь уджъяс кыпöдны — сійö и гырысь тöждъяс, гырысь сьöкыдлунъяс. Дерт, Усинскын, кыдзи и мукöд гырысь стройкаяс вылын, медводз тöждысисны производственной планъяс тыртöм вöсна: медся водзын план, нефть перйöм. Социально-культурной строительство да оланінъяс стрöйтöм кузя планъяс кызкö бокö кольлісны.

Бөръя воясö та кузя делöясыс тöдчымөн вежсисны: стрöйтöма бур оланінъяс 175 сюрс квадратной метр, 2056 места вылö школаяс, 760 места вылö детской садъяс, 800 места вылö клубъяс. Эштöдсьö мёд микрорайон панель керкаясысь. Неважөн овмөдісны ещö öти 79 квартираа выль керка.

— Кыдзи ті аддзанныд Усинсклысь аския лунсö? — юалі ме районаса главной архитектор Светлана Петровна Левыхлысь.

Светлана Петровна абу нин том архитектор, арлыда нывбаба, уджавлöма войвылын и лунвылын. Усинскын уджалö кык во.

— Ме эска: Усинск лоö зэв мича карөн! — нюммуныштіс архитектор. Недыр мысти содтіс: — Вескыда кö шуны, ми кольöм воын на сöмын заводитім вöчавны газонъяс, садитавны пуяс. Но эска: Усинск лоö Сыктывкар кодъ жö веж карөн. Вель стрöйбаяс проектируйтны миялы отсалöны Москваса, Ленинградса, Киевса, весиг Ташкентса да Алма-Атаса архитекторъяс. Кыптасны зэв мича да уна судта керкаяс — быт керка, техникъяслөн ыджыд керка. Тані лоö кык зал, уна кабинет, залъяс совещаниеяс вылö. Медводдза ыджыд керка Усинскын лэптöмаöсь 1975 воын, и со миян талун кык микрорайон. 1985 воын кутасны овны тані 50 сюрс морт. Аралам, мый 2000-öд воын войвывса выль карын олысьыс лоас 100 сюрс морт, не этшаджык. Усинскын олысьяслөн лыдыс быд во содö 2,5 сюрс вылö. Ставыс оланін сайын. Унджык стрöитам — унджык йöзöс меститам. Миян öд вель на уна лёкиник да посныдик керкаасын олысьясыс. Миянлы талун нин колö ыджыд хлебозавод, пионеръяслөн керка, йöз завод, кык-куим выль школа...

Дерт, Усинск быдмö лунысь-лун. Кыптö ыджыд спортивной комплекс. Сэнi лоö и варччан бассейн. Строительяс шуисны комплексö эштöдны партиялөн XXVI-öд съезд воссян лун кезлö.

Светлана Петровналы позьö эскыны: планъяс гырысьсöсь, Усинсклөн аския луныс зэв мича. Дерт жö, Войвылын регыд лоö вель ыджыд кар — войвывса нефть перйысьяслөн мёд столица.

Усинсклөн сьöкыдлунъяс лыдын — Печора бокса сиктыясысь торьялöм. Медматысса сикт — Колва, и сьöдз на комын километр саяс. Ксловаын «Усть-Усинской» совхозлөн отделение. Неыджыд отделение, колö шуны. Сэнi мөсьяслөн лыдыс оз во и кыксö юрöдз. Колва сетö Усинсклы 1000 килограмм йöv быд суткиын — со и ставыс. Кодлы сійöс юклан? Челядьлы, али магазинь-

ясын вузалан? Колö шуны, Усинскса магазинъясын вузалöны вуй и маргарин, курöг яй и порсь яй, но ставыс вайöм.

«Коминэфть» объединение важöн заводитис стрöитны Уса бокрын животноводческой комплекс, но делöясыс мунöны надзöн. Бөрйöма места, панöма кык скöтнöй двор 400 юр вылö, а кор сийö лоö дась — некод оз куж висътавыны.

Колö öнисянь тöждысьны комплекслы кöрым база лöсьöдöм йылысь, и бара жö уджыс мунö надзöн. Дерт, Уса ю пöлөн эмöсь местаяс видзьяс вöчöм вылö, сöмын колö нуöдны колана мелиоративнöй уджъяс. И бара жö тайö уджъяс мунöны надзöн. Уса ю бокрын заводитис уджавны Ухтаса машинно-мелиоративнöй станциялөн участок, кодi и кутас дасьтыны видзьяс «Новоусинскöй» совхозлы. Мелиораторьяс таво вöчисны медводдза зачин — выль совхозлы дасьтисны 70 гектар видз. А колiс эськö, мед уджъяс мунiсны бурджыка, и мелиораторьяс вöчисны видзьяссö эз дас гектарöн во, а сёясöн.

\* \* \*

Кыптö Уса ю бокрын выль кар. И оз дыр кадöн карыс ло, а матыса воясö. И Усинск воясь-во кутас сетны унджык нефть, мöдöдны Печораса ГРЭС-лы попутнöй газ.

Усинсккöд дзик орччөн «Пермдорстрой» трест стрöитö аэропортлы мича комплекс. Строительяс кöйысьöны эштöдны комплекссö таво. Посёлöksянь неылын лоас и кöрт туйлөн мича вокзал. Тайö «мича» кывсö танi кывлан унаысь. «Миян ставыс лоö мича!» — кöйысьöны строительяс. «Аскиа луныс Усинсклөн мича!» — радлö архитектор Светлана Левых, кодi паськыд Россияысь воöма войвылö стрöитны гажа кар.

Мича и гажа кар!

## 2. Вуктыл

Усинсксянь Вуктылöдз вуджи бура кузь туй кост. Первой теплоходөн час джын кывтi Усть-Усаöдз. Сэсянь

кати Печора карöдз сэтшöм жö «Заря» теплоходөн. Мöд луннас ещö на ковмис дзескыд «Заря» вылын пукавны асывсянь рытöдз, Печора карсянь воöдчыны Вуктылöдз.

Печора кузя теплоходнад катигөн этша мый и адзылан. Паськыд юлөн берегьясыс ылынöсь. Сиктьясыс кöнкö видзьяс саясöсь, керöсьяс вылынöсь жö, керкаяслөн мыгöръясыс муртса-муртса тыдыштöны. Теплоходным зургыштлас нырсö здук кезлö тыртöм берегö либö лыа дорö, лэдзас-босьтас йöзöс и бара туювö тэрыба водзö.

Во комын сайын меным удайтчылис Печора кузя кывтны пароход вылын. Помнита, сийö туйсö, кодöс öнi катим «Заря» вылад 8 час, пароходлы ковмис кывтны кык сутки.

Мунысьяс öнi вежсисны туй чöж. И век жö медся уна вöлины Вуктылö да Подчерьеö мунысьяс. Мекöд орччөн мунысь нывбаба буретш вöлöма Подчерьеысь. Ме юалi сылысь, мый вöчсьö тайö важъя сиктас, кöнi коркö ыджыдавлисны старOVERьяс.

— Мый тi! — весиг шензъыштис нывбабаыд. — Нинöм важъяыс эз колы! Кутшöм ещö бур сылысьяс! Рейд миян. Пурьясьысьяс уджалöны. Йöзыс став светсьыс! Выль керкаяс ставыс, радио. Пöшти быд керкаын телевизор... Тöварсö ваявны оз вермыны, сы мында нöбöны...

Ме водзвылын пукалысь арлыда нывбаба туй чöж лыддис «Войвыв кодзув» журнал. Мышсяныыс видзöдлi гижöд вылас: нывбабаыд вöлөм лыддьö Геннадий Юшковлысь «Чугра» роман. Воöма, сiдзкö, наöдз, кодьяс йылысь висъталiс романыс.

Вуктылö ми воим рытладорыс. Теплоход джынвийö коли тыртöм — чеччисны унаөн. Ме вöтчи чеччысьяс бöрся. Автобус пристаньсянь öдйö вайöдiс посёлөкöдз. Синмö пыр жö шыбитчисны вит судтагырысь керкаяс. Абу öти либö кык. Кажитчис, помыс керкаясыслы абу. И мöдтор шыбитчис синмö: проспект кодъ паськыд улича пöлөн ылöдз водзö быдмисны веж пуяс. И кузяла туй пöлөн газоньяс. Абу талялöмабсь, вöрзьöдлөтöмсь. Тöдчис вуктылса-

яслөн киподтуйныс: абу дышөдчө-маось оланіннысө мичмөдны и гажөдны.

Позьö шуны: Вуктыллөн история-ыс мича аслысногөн. Кор кутісны страна шөрсянь Войвыв Сибирлань нюжөдны газопровод, медым Сибирса газсө сетны странаса народнөй овмөслы, буретш Печора ю бокысь, матысь газопроводсянь, геологыяс аддзисны кельдылөз ломтаслысь гырысь запасьяс. Тайö лон зэв кивыв; Сибирөдз газопроводсө нюжөдөны на, а сы кузя кутіс нин визувтны Вуктылса газ. Миллиардыяс кубометр быд во. Тайö лон дас во сайын.

Тадзи чужис да быдмис Вуктыл, ыджыд посёлок Печора ю бокын, неуна вылынджык важья Подчерье сиктысь. Коркө, война воясө на, тайö местаяссяньыс неуна горулынджык, Еджыд Кыртаын, перйылісны из шом. Вөлі некымын негырысь шахта. Из шомыс татысь мунліс Печора кузя ветлысь пароходьяслы, Нарьян-Мар карөдз — Войвывса морскөй туйөд ветлысь суднояслы. Войнабөрсä воясө ме, кызди газетлөн корреспондент, воывлі на Кыртаас, весиг лэччылі шахтаас. Первойысь аддзылі, кызди му пытшкын перйөны из шом. Сёрөнджык шахтаясыс тупкысисны — из шомыс сәні эз вөв уна, шогмис сөмын ломтас вылө. Ичөт шахтаад из шомсө перйөмыс сувтіс дона. Öні шахтаяслөн съөд терриконьясыс вевтгысьсөмаось эжаөн, но пыр на сулалөны кызди памятникьяс сійө кадыслөн, кор Печора бокса из шом отсаліс советскөй йөзлы вермыны лөк врагөс, коді уськөдчыліс советскөй му вылө.

Талунья Вуктыл — мөд кадся быдтас, партиялөн XXV-өд да XXVI-өд съездьяс костын чужөмсөвмөм да вынсялөм. Та вөсна тані ставыс талунья нога. Позьö казьяны и аския Вуктыл карлысь мыгөрсө да серсө. А мый тані регыд лө кар, кызди и Усинскын, вуктылсаяс эскөны быдөн — посни и гырысь. Видзөдлыны сөмын, посни челядьлы кутшөм дворец тані эштөдсьө мөд микрорайонын! Мича, кыпид, варчан бассейна. И ортсысяньыс дворец кодь. Регыд татчө кутасны кот-

равны 280 нывка да зонка. И тайö садикыс — Вуктылын коймөд.

Ме аддзылі Вуктылысь тепличнөй овмөс, көні во гөгөр чөж воө свежөй өгурцы. Медся кодзыд төлысьясас овмөс сетө магазиньясө веж лук, редиска, дзоридзьяс. Таво көкьямыс төлысьсөн овмөс сетіс магазиньясө 82 центнер свежөй өгурцы, кодөс Печора бокын некор эз быдтывны.

Теплицаөн веськөдлө агроном Валентина Ивановна Щербань.

— Öгурцытө быдтыны ми велалім,— висьталө сійө.— А вот помидорьястө — ог на кужө. Нарошнө ветлім Сыктывкарөдз, төдмасим Сыктывкарса теплицаяслөн уджөн, көйдыс сәтысь вайим. А вот мяяннинөм на оз артмы, этша воө помидорыд мяян... Ог кужө, тыдалө. Но — велөдчам!..

Валентина Ивановна татчө воөма Украинаысь кык вө сайын. Кадыс, дерт, зэв дженьыд, мед велавны войвылын быдтыны не сөмын өгурцы, но и помидор. Овмөсын уджалысьяс өні лөсьөдчөны паськөдны теплицаяссө, воысь-во кыпөдны урожайсө, мед магазиньясын да столөвөйясын пыр вөлі ас быдтөм свежөй овощи.

Колө висьтаваны: «Комигазпром» объединение котыртіс Вуктылын и ассыс вель ыджыд совхоз — «Вуктыльскөй». Совхозын талун кежлө матө 1000 мөс. Вуктылкөд орччөн стрөитөм шөр отделениеын 415 мөс. Кыпөдөма бур скөт картаяс, сөстөмөсь, югыдөсь. Вөчөма дыр кежлө, капитальнөя, кирпичысь. Та вөсна и Вуктылса магазиньясын вузасьöны коставлытөг свежөй йөлөн. Сідзкө, тадзи позьö вөчны и Усинскын, но сәні оз тэрмасыны пуктыны подуvsө ассыныс скөт видзөм паськөдөм кузя.

Дерт, нефть перйөмлөн и газ перйөмлөн кыкнанныслөн эмось асланыс съөкылуньяс. Шуам, Вуктылса газ куйлө пыдынджык — скважинаяс колө писькөдны куим километр пыднаө. Но өні могыс сулалө ещө ыджыд — пырөдчыны ещө пыдө, квайт километр сайө.

КПСС Вуктылса райкомлөн пленум вылын неважөн муніс ыджыд сёрни КПСС ЦК-лөн июнь төлысьяс

пленумлөн и тогъяс йылысь да КПСС-лөн XXVI-öd съезд кежлө лосьодчөм йылысь. Вуктылса коммунистъяс чукөстисны районса став уджалысь йозос, газ перйысьясос и видз-му овмөсын уджалысьясос, паськөдны социалистической орд-йысьөм локтан партийной съездлөн честь кузя, достойнө лосьодчыны сы кежлө. Коммунистъяс сёрнитисны Вуктыллөн аския лун йылысь, мый джуджыдсьыс-джуджыд скважинаяс пьськөдөм бөрын газлөн запасьясыс ещө содасны.

Вуктылын перйөны не сөмын газ, но и конденсат. Дасөд пятилетка заводитчөмянь вуктылсаяс перйисны планысь вывти 3 миллиард кубометр саяс газ да 418 сюрс тонна конденсат. Вуктыл сідз жө важөн вештис государствоы став средствояссө, мыйта вөлі пунктөма татчө. Та боксянь республикаса вьль стройкаяс, кодьяс ёна паськалісны да вынсялісны-сөвмисны бөрья партийной съездьяс костын, лоины не сөмын коланаөсь став страналы, но и вештисны асьнысө, сетөны народной овмөслы зэв колана ломтас, и воысь-во кутасны сетны унджык.

Вуктылса газопромысловой управлениелөн знамя вылын — Трудовой Гөрд Знамя орден. И мед көть Вуктыллы ставыс дас арөс — сийө республикаын водзын мунысьяс лыдын, честьөн кутө тайө нимсө. Збыль кө шуны, бөрья төлысьяснас Вуктыл неуна кольчыштө конденсат перйөм кузя, но тані пунктөны уна вын, мед бырөдны кольччөмсө.

— Вося план ми быть тыртам, — шуө технологической компрессорьяс дінын уджалысь машинист Николай Ильич Гурьянов, татчөс ветеран.

Абу прөстөй газөвикьяслөн уджыс. Скважинаысь петысь газыд көть и öййө öдйө, но овлө — сийөс сьөкыд кусөдны. Оз на сідз ачыс газыд и веськыда мун газопроводө. Сборной пунктьясын, кытчө скважинаясысь лун и вой коставлытөг воө газыс, вөчсьө уна удж, мед сийөс весавны. Колө газсө торйөдны конденсатысь, весавны уна сикас ковтөм фракциясысь, весиг «косытыны». И тайө уджьяссө бара жө, кызди и нефте-

промыселъяс вылын, вөчөны машинаяс — автоматика да компрессорьяс пыр мунө газыс, разнөй давление улын да разнөй температураөн. Давлениесө да температурасө вежелалөмөн и торйөдсьө конденсат да заводитө ашшөр олөм — дзикөдз торйөн мунө газысь. Абу кокни уджыс и газопровод кузя газсө мөдөдөмыс: туй кузялаыс сийөс бара жө йөткөны водзө быд сикас станцияяс, гырысь компрессорьяс.

Газ талун сывдө сталь и сетө электроэнергия, сотчө советской йөзлөн квартираясын, конденсатысь вөчөны медся бур бензин, уна сикас материал, кодьясысь вурөны паськөм и көмкот.

\* \* \*

Вуктыл, кызди и Усинск, стрөитө став страна. Кутшөм сёрниа да кутшөм кывъя йөзөс тась сөмын он аддзы! Но өд делөыс не сөмын йөзын. Став страна пасьтаысь, позьө шуны, воөны татчө уна машина, станок, оборудование, стальной трубаяс. Локтөны уналаысь быдса строительной организацияяс да отрядьяс, асланыс инженерьясөн, техникьясөн.

Вуктылөдз көрт туйыд абу на, та вөсна уна груз вайөмыд сьөкыд. Эм туй Ухтасянь, но сийө медсясө төвнас. Ва туй абу жө гожөмбыд. Печораыд гожөмнад ёна косьмывлө, гырысь да сьөкыд баржаяснад он зэв и лыб. Сэссия өд ва туйыд вель кузь — Печора портсянь Вуктылөдз матө куимсө километр. Став сьөкыд грузтө колө вайны төвся төлысьясө да ытва дырйи.

Ставсө сетө страна Вуктыллы. Сибирса газ перйысьяслысь опытсө, научно-исследовательской да проектной институтьяслысь уджьяссө.

— Тайөн ми и вынаөсь, страна-лөн ыджыдсьыс-ыджыд отсөгнас, — шуө партиялөн Вуктылса райкомын пропаганда уджөн веськөдлысь Леонид Федорович Козлов. — Мый эськө ми вермим вөчны тайө отсөгтөгыс?

Леонид Федорович том коммунист на, но лыддьө асьсө Вуктылса ветеранөн. Тайө и збыль тадзи: уджалө

Вуктылын, позьо шуны, заводитчөм-сяныс. Вуктылос Ставсоюзса комсомольско-молодёжной стройкаон шуом бөрын сийо вөлі тані комсоргөн. Сэсся комсомольской вожакос мододисны велөдчыны Ленинградо партийной школао, а велөдчөмсө помалом бөрын бара вөзйысис татчө. Том коммунистысь корөмсө могмөдисны, сетисны зэв кыв кутана удж — веськөдлыны выль да ыджыд районын партийной пропаганда да агитация уджөн.

— Ми сувтөдам ас водзө татшөм мог,— висьталө Леонид Федорович, — мед вайөдны партиялысь кывсө быд уджалысьөдз, и нуөдны сийос кужөмөн, шаблонтөг. Могыс миян сыын, мед ышөдны трудовай коллективьясөс партиялысь шуөмьясөс олөмө пөртөм вылө. Миян районса партийной организация ыджыд, вынъяс миян бурөсь, и асланым партийной кывйөн ми зелям воөдчыны быд мортөдз... Кыдзи артмө — мөд делө.

Колө шуны, партия райкомын том коммунистыясыс уна. Со Борис Петрович Иевлев. Сылы абу на и комын арөс, чужлөма Лойма сиктын. Помавлөма сәні шөр школа, служитөма армияын, сэсся велөдчөма Сыктывкарса государственной университетлөн исторической факультетын. Армияас на служитигөн лоөма коммунистөн. Вуктылын Иевлев көкьямыс во, өні, кыдзи райкомса инструктор, отсалө сиктса овмөсьясын уджалысьяслы.

— Воө сьөлөм вылад партийной уджыс?— юалі ме Борис Петровичлысь.

— Зэв,— прөстөя вочавидзис меным сийө.— Пыр йөзкөд да йөз динын. Ог жалит, мый сөгласитчи партийной удж вылө...

Тані позьо висьтавны неуна и Вуктыл гөгөрсә сиктыяс йылысь.

Выль район котыртчөм бөрын, да ешө «Комигазпромлысь» совхоз котыртөм бөрын, кытчө пырисны матигөгөрсә скөт видзан фермаяс, кольөм дас онас гырысь вежсьөмьяс лоины и сиктыясын — Дутовоын, Шугөрын, Лемтыын, Подчерьеын, Лемтыбөжын. Выль совхоз заводитис выльмөдны скөт видзан фермаяс. Шугө-

рын лои стрөитөма кукань видзанін, өні эштөдсьө куканьяслы выль гид 200 юр вылө. Скөтос видзан выль помещенияс лоины и Дутовоын. Быд мөслысь совхозын өні лысьтөны 2700 килограммөн йөв, а медся бур дояркаяс 3500 килограммөдз. Газопромысловой управлениелөн орс лөсьөдис порсь видзан неыджыд ферма.

Вуктыл районса сиктыясө быдлаө воис газ. Пөшти быд керкаын өні өзйисны телевизорьяс, ог нин шуой радио йылысь. Содис төдчымөн сиктса уджалысьяслөн удждоныс. Фермаясын уджалысьяслөн төлысья удждоныс кыптис 300 шайтөдз. Вуктылса предприятияяс, строительяс да газ перйысьяс өна отсалөны сиктлы төв кежлө көрым заптан уджыяс вылын. Уна дас бригада Печора бокса видзьяс вылын гөжөмьясын уджалөны вежоньясөн. Нинөм на татшөмыс абу Усинскын, көні «Коминөфть» объединение нөжөдчө ассьяс подсобной видз-му овмөс лөсьөдөмын, матыса сиктыяслы отсөг сетөмын.

Вуктылын ме вөлі буретш сийо луньясө, кор государственной комиссия примитис строительяслысь выль школа 1176 велөдчысь вылө. Ыджыд, югыд да сөстөм школа восьтис өдзөсьясөс сентябрь 1 лунө. Югыд классьяс, актөвой да спортивной зальяс, ыджыд столөвой. Учебной мастерскойын да предметной кабинетьясын выльысь-выль оборудование. Оти кывйөн кө, татшөм школаөн вермас ошйысьны любой кар миян республикаын. Школа бердын стрөитөма гараж да теплица. Шуөма восьтыны челядьлысь театр.

Школаө воисны 26 том учитель — Сыктывкарса государственной университет да педучилище помалысьяс.

Вуктылад том йөзыд уна, и быдөн радейтөны спорт. Стрөитөма клубно-спортивной комплекс, көні эм и варччан бассейн. Окотитысьяс вермөны во гөгөр купайтчыны, велөдчыны варччыны.

Вуктылын өні эм и асланыс олимпийской чемпион.

Артмис тайө тадзи. Международной спортивной «Турист» клублөн

путёвкаясөн Вуктылса комсомолецъяс ветлісны Москваё XXII-өд Олимпиада вылө, на лыдын вөлі и бурөвөй мастер С. Седых, кодлөн бригадаыс Вуктылын первойөн тыртис дасөд пятилеткалысь план. Накөд тшөтш вөліны разведочной бурение кузя управлениеын уджалысь аккумуляторщик К. Говорухин, Е. Черненко, Н. Богачейкин. Кыдзи төдса, Олимпиада вылын вөлі и туристыяслөн «Олимпийской миля» вылө ордысьём. Олимпийской милялөн кузьятыс 1980 метр. Вуктылса комсомолец Женя Черненко аслас группаын олимпийской милясө котөртис медся өдийө. И мукөд группаысын котөртисьяс некод эз панйы Вуктылса зонмөс. Тадзи Е. Черненко лои олимпийской чемпионөн.

Олимпиада вылө ветлысьяс талун висьтавлөны том йөзлы, мый аддылысны Москваын, көнъясын вөліны. Гижисны та йылысь и асланыс «Сияние Севера» газетын.

Вуктылын ёна паськалөма и художественной самодеятельность. Самодеятельной артистыяслөн бригадаяс воыввлөны и сиктыясө.

Вуктылса самодеятельной артистыяс волісны творческой отчётөн республикаса столицаё — Сыктывкарё. Вөлі налөн мый петкөдлыны столицаса гырысь сценаыс вылын, мыйысь и нуисны гортаныс уна диплом.

— Вуктылса том йөз кужöны уджавны и гажөдчыны,— висьталө Вуктылса газопромысловой управлениеын комсомольской комитетса секретарь Модест Еликов.

Меным лои шензьямөн, кор Модест Еликов шыөдчис ме динө комиён. Еликовьяссө комияс пөвстсьыд эг на паныдавлив.

— Бать менам Леткаса,— висьтасис Модест, сэсса содтис:— Ме и тэнсьыд гижөдъястө да книгаыстө лыдыввлі... Сідзкө, ми тэкөд важөн төдсаөсь.

Модест Еликов чужлөма Усть-Вымской районуын Кожмудор сиктын, кытчө батыс сылөн коркө волөма став семьянас. Модест помалөма Ухтаса горно-нефтяной техникум, вөлөма нин армияын, уджавлөма бурөвөй мастерөн. Öні коймөд

во юрнуөдö газөвикъяслөн комсомольской комитетын. Ог вермы не вайөдны татшөм лыдпасьяс, кодьясөс висьталіс Модест: налөн комитет өтувтө 320 комсомолецөс. И джын дорсьыс унджыкыс высшөй да средне-специальной образования том йөз.

\* \* \*

Выль школа примитигөн ме паныдаси отделочникъяслөн бригадир Анна Яковлевна Кораблевакөд. Тайө нывбабаыс бура дыр нин веськөдлө маляръяслөн да штукатурьяслөн бригадаөн, кодлы пыр сетöны эштөдны Вуктылын медся гырысь стрөйбаяссө. Зиль аныяс сьөлөмсяныыс да вын жалиттөг уджалісны выль школа эштөдөм вылын. Кыдзи нө! Асланыс челядьлы выль школа, кодөс асланыс жө ныв-пиян сэтшөма виччысьöны. Öтилаян выль школа, мөдлаян ыджыд олан керка, коймөдлаян выль джуджыд скважина, кытысь уськөдчис петны газ — кутшөм бурджык пөдарок вермас лоны партиялөн XXVI-өд съездлы!

— Ассыным кар мичмөдам да гажөдам!— нюмуніс бригадир.— Та вöсна и ог төдлөй мудз! Став вын пуктім, медым школасө эштөдны велөдчан во заводитчигкежлө. И со — эштис. Öні и асланым челядьлы синманыс абу яндзим видзөдлыны!

Школа примитысь государственной комиссияса членьяс лыдын вөлі и районса главной архитектор Людмила Ивановна Соболева. Меным висьталісны нин: Людмила Ивановна — Вуктылса ветеран, волөма татчө 1970 воын, Ухтаса индустриальной институт помалөм бөрын. Соболева ветлөдліс выль школа кузя, көсийс аддыны кутшөмкө тырмытөмтор, но Кораблевалөн бригада и збылысь уджалөма сьөлөмсянь, сьökыд мыйкө вөлі аддыны. Öти неыджыд кост дырйи ме эг вермы кутчысьны, юалі век жө:

— Людмила Ивановна, кутшөм лоө Вуктыл кызь во мысти?

— Кызь во мысти?— ме вылө видзөдліс главной архитектор, сэсса серөктыштіс:— Дерт жө, дзик мөд. Сэк кежлө карын лоө эштөдөма куим-нөль микрорайон, кутасны ов-

ны 30—40 тысяча морт. Ёна ыджыд карён Вуктыл оз ло. Но медяса — кар веждас. Вуктылсаяс и өнi пуктöны уна вын посёлөксö благоустроитöмö. Лоö эштöдöма Шөр площадь, сэнi лоö джуджыд гостиница, административнöй керкаяс. Лоö стадион, парк... Местасö ми лöсьöдам нин. Паркыс лоö Печоралөн берег пöлөн...

Людмила Ивановна локтiс Вуктылö сэки, кор танi кыпöдсис первой вит судта керка, пуктыссис подув первой микрорайонлы. 1974 воын районсö лон эштöдöма. 1975 восянь кыпöдсьö мөд микрорайон. Таво сийöс сiдз жö кызвыннас лоö эштöдöма.

— Чайта, мян планъяс збыльмасны! — содтiс Людмила Ивановна. — Таво косялам медбөръя бак!

Колö шуны: Вуктылын бырöдöны важ баракъяс, кодъясöс кыпöдлiсны татчö медя водзаясөн волысьяс. Эмöсь на öти судта пу керкаяс, но наын быдлаын торъя квартираяс.

Усинскын и Вуктылын öнi паськалö социалистическöй ордйысьöм Коммунистическöй партиялөн XXVI-öд съезд ним кузя. Нефть да газ перйысьяс, строительяс, видз-му овмöсын уджалысьяс ордйысьöмсö панiсны «XXVI-öд съездлы — 26 ударнöй вежон» пас улын. Уджалысь коллективъяс, бригадаяс шедöдöны выль вермöмъяс быд лунъя уджын, сетöны планысь вывтi продукция, мед достойнöя, трудöвöй пöдаркиясөн воöдчыны партиялөн съезд восигкежлö.

Меным эськö аслам пасйöдъяс помын кöсйыссис сувтлыны и öти зэв тöдчана вопрос вылö. Дерт, Печора да Уса юяс пöлөн вöчсьöны гырысь уджъяс. Котыртсьö Тимано-Печорскöй комплекс, вежсьö войвывлөн, мян пармалөн чужöмба-

ныс. Усинскöй районса Усть-Уса да Нöвик сиктъясын олысьяс меным норасисны, мый бөръя воясö Печора горулын, Уса ю вомысь улынджык, заводитiс чинны чери. Усинскын нефть перйысьяс менö эскöдiсны: быттьökö Уса да Колва юясö налөн эз лэччы няйтис ни нефть сора ваис. Нефтькөд кайöм ва торйöдсьö да бөр суйсьö скважинаясö пластлысь давлениесö содтöм вылö. Тыдалö, ва весалан сооружениеяс век жö оз на тырвйö вермыны весавны васö. Нöвикын менö гөститöдiсны Печораысь кыйöм чериөн, сысь нефть дук кылö. Тыдалö, нефть перйысьяслы колö на чорыджык мераяс примитны, мед юясö эз веськавны нефтьлөн да няйт валөн колясьяс.

Позьö индины и татшöмтор вылö. Вуктылын Комсомольскöй проспект помын дзик туй саяс заводитчö вөр. Но... став пуясыс косьмöмаöсь.

Мыйла косьмö вöрыс бетонөн вевттьöм туйяс пöлөн? Вөлөмкө, мыжаöсь туй стрöитысьяс. Туйлысь полотносö вöчигөн найö тупкасны ва туйяс, и сылы некытчö визувтыны. Вөр «пидзöсöдз» ваын сулалö воясөн, төв и гожöм, тулыс и ар. Тайö ваас сiсьмö турун, сiсьмöны пу вужъяс, дай сынöдыс оз веськав пу вужъяслы. И весиг войвывса ляпкыдик козьяс, кодъяс абу велалöмаöсь во гөгөр чöж «пидзöсöдз» ваын сулавны, заводитöны косьмыны.

Кодi вермас дугöдны татшöм уронсö вöрыслы?

Со кутшöм думъяс менам кыптiсны ылi войвылö волiгөн. Бурыскөд да мичаыскөд орччөн, мый вöчсьöкыпöдсьö сэн, эм и омöлыс, ковтöмыс. А колiс эськö, мед татшöм омöлыс вöли этшаджык. Ставыс тайö ас саяным.

*Усинск — Вуктыл.  
1980 вося август.*

## Шуд вöсна

И бара кыскö вөрö зарни арыс,  
Код медся муса, кöть и  
сернас важ.  
Ме чайта сэк, мый шуда  
став му шарыс,  
Мый пармаын моз сэнi  
чукйөн гаж.  
Мед эськö збыльысь олём  
вöли татшөм,  
Мед эськö шудлысь тöдiсны жö дон.  
Мед öвсисны жö Öтувталём Штатын,  
Да вунöдiсны страшнöй  
кыв — нейтрон.

□ □ □

Эраст ВАНЕЕВ

## Ю вуджигөн

Сикт весьтö кор вои ме,  
Вуджöдчысьöс чукöстi.  
Узьысь вөрсянь воча мем  
Сöмын йöла букöстiс.

Лөнъ ва вылын кокньыда  
Еджыд руыс кыпöдчö.  
Аддза: мöдар дорöсö  
Тэрмасьöмөн ныв лэччö.

Öзйис жугыль чужöмöй  
Сэк, кор пыжас сöли ме.

Сийö вуджысь нывкаыс  
Менам шудöй вөлöма.

Сыкöд куим во сайын  
Татi жö и вуджимöй.  
Сэки нö ме мөвпыштны  
Татшөмторсö кужи мöй?

Мелi, югыд тöлысьыс  
Копыртчöма ваөдзыс...  
Эг и тöдлöй кызди ми  
Кылалiм сикт сайöдзыс.

□ □ □

Владимир ЛОГИНОВ

\* \* \*

Тувсов кадö кокньыд ловлы,  
Некор жугыльöн он овлы.  
Пожöм ягын сьöла сьылö,  
Муыс руалö да сылö.

Эжва-мамлөн гыыс горзьö,  
Потöм гарья рас выв ловзьö.  
Майбыр, шуда тувсов луньяс,  
Кöка вой кодъ ясыд думьяс!

# Т Ш Ё Т Ш Ъ Я Я С

6

Вөлі вөскресенньо, шондіа гажалун. Гожомнад и вөскресенньо лунөз весь овны сиктса йёзыд, уджыс сюрөгырысьлы и челядьлы. Турун пуктыны петөм водзвылын куим друг — Ольо, Вась да Ёгор — вежоннин төчила бергөдлісны косаяс төчитанінын. Талун бригадир сетіс шойччан лун, и зонкаяс асывсаяныс ва дорын, купайтчисны, гожйөдчисны — дурисны ва дор паськыд да мича лыа вылын. Юрьяснысө вылө чатөртөмөн өдөбсаясны-котөртасны ваас — кок увсыныс ваис резсьө, гашкө, кык метра ылнаө, да, корсьөкыд нин лоө кокъяссө васыс лэпавны, чарөстөмөн ызгысаясны ваас, дыр уяласны-суналасны өтамөд бөрсаяныс вөтлысьөмөн. Талун коймөдыс нин купайтчисны и васыс петігас найөс тірөдіс, пиньясныс зяткакылісны, и зонкаяс өдйөджык шматкысисны пөсь лыапиас. Добра купайтчөм бөрад татшөм лыаыд! Ёгор да Ольөксан гатшөн читкыралісны синъяснысө. Ёгор пөсь лыанас тыртіс асьсө морөсөдзыс. Ольөксан видзөдіс рытиввывсаянь ньөжйөника кывтысь юра кымөрьяс бөрсая. Дыр кө видзөдны — быд пөлөс серпассө тэныд кымөрьясыс лөсьөдласны: и ошкөс, и порсьөс, а тонө со дзык Чапаев кодь артмис. Пельпом вылас плавгөм буркаа, шашкаа кисө вылө лэптөма да лэбзьө-төвзьө белөйяс вылө. Сөмын вөлыслөн бөрья кокъясыс абуджык артмөмаөсь: дженъыдөсь и

кызөсь. Енэжса серпасьясыскөд өтшөтш вежөрас пырис гожея лунлөн гажашьясыс: челядьлөн ваын сялькөдчөмыс да шуда гөлөсөн чилзөмыс, чиркьяслөн помасьлытөм чвирчкөмыс. Ставыс тайө чукөрмиссьөлөм лөньөдан өтувья оръявлытөм шыө, и Ольөксан кывзысис, кывзысис, и кытчөдз синсө эз восты да видзөдлы ваас сяльөдчыс челядь вылө, сылы кажитчис, быттьө ставыс тайө олө и кылө көнкө ылын, бокин. Вась куйліс кымыньөн и гудйисис лыаас.

— Танө зэв мича турунвиж клянича сюрис, — шөпнитіс Вась, котөртліс ва дорас, пожйыштіс адзөмторсө да гатшөн жө водіс өртъясыскөд орччөн.

— Ух, кутшөм мича шондіыд, быттьө виж зарни чунькытш пытшкын турунвиж зарни пөртмасьө.

— Оз овлы турунвиж зарныс. Вайлы, — шуис Ёгор да нетшыштіс кляничасө Вась кыись. Ёгор бөрын дыр видзөдіс шонді вылас клянича пыр Ольөксан.

— Сө дивө, сэтшөм ылын, а кыдзи шонтө. И васө, и лыасө, и дзоньнас мусө, — пыдісаянь ышловзис Вась.

— Шондіыд сы вылө и эм, — во-чавидзис Ёгор.

— А мыйла нө төлысьыд матын-джык, а оз шонты?

— Шонді вылас пө и пытшкас пө помся взрывайтчө, сэтыс и шоныдыс. А төлысьыд ачыс көдзыд, и асьсө сійөс шонді жө югдөдө.

— Да ме төда... Но вот мыйла тө-

лысьыд матынджык овлө шондї-  
өдзыд, а көдзыд?

— «Мыйла, мыйла...» Сирасин, —  
скөравтөг нерис Васьос Ёгор. —  
Көнтусь выйла, вот. Ме өд тэ мында  
жө тода, өтик классын велөдчам.

— А ме сїдз юася, ассыым. Тө-  
лысь вылад пө некод оз ов. А, колө-  
кө, олөны, некод вед эз прөверитлы.

— Коркө прөверитасны...

— Коркөтө, эськө, гашкө, и лоө  
да, кор ми быдмам, да пөрысьмам,  
да кулам нин. И нинөм төдны ог ку-  
төй.

— А, колөкө, и кувтөдз на. Со тай  
көрт аэропланъяс вөчалісны да сы-  
нөдас лэбалөны, өшійны тай небось,  
мед сьөкыдөсь кө. Кутшөмкө аэро-  
план жө вөчасны да и лэбзылас-  
ны... Быдмам да ми асьным на и  
лэбзылам сэтчө...

— Но и кваст поз жө тэ эськө,  
Ёгор, ачыд весиг лётчикнас лоны эн  
на и көйыв-а...

— Чкаловъяс тай Севернөй по-  
люс вомөн Америкаөдз лэбисны, а  
Гризодубоваяс пуксьывлытөг Даль-  
нөй Востокөдз, — Ёгор дор сувтис  
Ольөксан. — А кор ми быдмам, сэки  
и төлысь вылөдз вермам лэбзывны.

— Сэтчөдз дыр на ковмас лэбны  
да төлысь вылад он на и веськав, —  
эз көйы сетчыны Вась.

— Мый нө он веськав, тыдалө да.

И медбөрын куимнанныс воисны  
жө сэсся өтсөгласө: коркө кө вөчас-  
ны сэтшөм аэроплантө, то төлысь  
вылад веськаласны, оз вошны. А сэт-  
шөм аэроплантө, дерт, коркө вөчас-  
ны. Со тай телефон и радио вөчө-  
маөсь. Москваын сьылөны-йөктө-  
ны, а Пожөмдінса сельсөвет пы-  
зан вылө мича ящик кодь сувтөдө-  
маөсь да сэтчө Москваса сьылөмыс  
да грымакылөмыс воө да кылө. Ди-  
вөсьыс дивө жө вед. А кувтөдзныс  
на кө сэтшөм аэроплантө вөчасны?!  
И зонкаяс бара өти кывйө воисны:  
налы лётчикө колө велөдчыны.

Пажын бөрын другъяс шуисны  
котөртлыны Пожөмдінөдз, пырав-  
ны сельсөветө, колөкө, радио кыв-  
зыны сюрас, дежурнөйыс кө лэдзас.

Пожөмдінөдз найө джын туйсө  
нин мунісны, кызд Кырув грездса  
медводдза керка сайсянныс налы  
воча быйкнитис велосипеда.

— Велосипед! — куимнанныс ра-  
дысла чеччалігтырйи котөртисны  
туй шөртисы шуркйысь велосипедлы  
воча. Очкиа Семө Прокө — челядь  
пыр и төдисны сельсөветса секретар-  
рөс, сьлөн кындзи матігөгөрс  
сиктъясас велосипедыс сөмын сель-  
поса председательлөн вөлі — мый  
вынсьыс тальччаліс педальяс вылас,  
сьөкыда гөгыльтчө-вежнясьө вело-  
сипед көлесаыс лыаа туй вывті.

Велосипедакөд паныдасьөм бө-  
рын зонкаяс бергөдчисны да вөт-  
чисны сы бөрся, суөдисны сулик пө-  
сялөм Семө Прокөос, зілісны инмөд-  
чывны югьялысь велосипедө.

— Мый нө, Прокө дядь, Кырув  
грездсалөн өшкыс котөртөдис али  
мый, тадзи пөсялөмныд, — серам-  
пыр горөдис Ёгор.

— Война, челядь, война... Прокө  
сьөкыда ньылыштис дульсө, пырк-  
нитис юрнас, лудъя, зумыд пода туй  
вылө вуджөм бөрын өддзис тюрны,  
өдйө ылыстчис зонкаяссянь.

Челядь шемөс сулалыштисны туй  
шөрас, видзөдлісны өта-мөд выла-  
ныс да кыв шутөг котөрөн вөччисны  
велосипед бөрся.

Велосипед туйыс вайөдис найөс  
колхоз правление дорө. Велосипе-  
дыс нөролөн сулаліс кильчө сюръя  
бердын, а ачыс Семө Прокө мыйкө  
лыддис бумага вылысь да кияснас  
шенасьөмөн висьталіс колхозса  
юралысь Митрей Иванлы да накөд  
сулалысь кык мужиклы.

— Но — гадъяс! — Прокөос кыв-  
зөм бөрын чорыда шунс Митрей  
Иван, весиг шөка лыясыс котшнит-  
лісны. — Оз и лэдзны мирнөя уджав-  
ны. Но — гадъяс! Рочьяс вылө,  
Краснөй Армиялы паныд войнаөн...  
Но фашистскөй гадъяс! Ничего,  
Краснөй Армия зутшөдас сьылі ку-  
зяныд, Краснөй Армия тэныд абу  
сись Европа кузя гуляйтөм!

Казяліс зонкаясөс, горөдис:

— Нолтө, пионеръяс... Колө прав-  
ление дорө йөзөс чукөртны. Став  
грездсө. Митинг вылө. Котөртөй,  
висьталөй быдөнлы: фашистскөй  
гадъяс мян вылө уськөдчөмаөсь.  
Война заводитчөма, челядь, война!..

Ольөксан котөртігмозыс на ква-  
титис палич кодь бедь да сійөн и  
кутис камөдны Көсьта Марпа кер-

ка стен пӧлӧныс лӧсьӧдӧм сӕрйӧ. Кос потшкыд троньгӧмӧн шковгис. Кильчӧ вылӧ котӧрӧн петис повзӧм Марпа.

— Мый нӧ, господи помилуй, Ольӧксан? Тэ тадзи камӧдан?

— Война, Марпа тьӧт. Фашистьяс миян вылӧ уськӧдчӧмаӧсь. Ставныдтӧ правление дорӧ корӧны митинг вылӧ,— ӧти лолыштигкост горӧдис Ольӧксан да котӧртис водзӧ.

— Ой-ей-ей-ей-ей! — лажынтчыштӧмӧн шлапкис Марпа тьӧт кияснас да тэрыба кутис разны чышьянсӧ.

Ольӧксан эз стӧча тӧд, мыйла колӧ ӧдйӧджыксӧ вочашорсаясӧс чукӧртны. Эз ӧд Вочашор вылӧ уськӧдчыны. Сийӧ эз на вермы гӧгӧрвоны ни тӧдны, мый тайӧ лунсянныс и найӧ сиктын крута вежяс став олӧмыс. Мый найӧ, дас нель-дас квайт арӧса детинкаяс во мысти колясны сиктас медгырысь мужикъяс пыдди.

Кор кашкысь Ольӧксан бӧр воис правление дорӧ, митингыс вӧли заводитчӧма нин. Йӧзыс, гашкӧ, тысяча. Том мужичӧйяс да бабаяс, дзор тошка пӧляс, на костти дугдывтӧг визъялисны челядь — зон-посни и нывкаяс. Ставсьыс вылын — сарай пос вылӧ джынвыйӧдзыс кайӧмаӧсь — тыдалисны Семӧ Прокӧ, Митрей Иван да школаса директор Кирилл Кириллович. Ольӧксан синъяснас корсис другъяссӧ. Найӧ детинкаяс чукӧрын пукалисны стынсайса потшӧс вылын. Сэтчӧ жӧ и Ольӧксан писькӧдчис.

— Вот, дона ёртъяс! — гӧлӧс тырнас горзис Митрей Иван. — Кӧть кутшӧм мед ён эз вӧв миян Красной Армия, а отсӧг сылы ковмас, мед ӧдйӧджык фашистьясӧс пасьвартны. А отсӧгыс миянсянь лӧӧ, перво-наперво, асьныд гӧгӧрвоанныд, колхозын — муяс вылын, видзъяс вылын — бура уджалӧм. Талунсянь мужичӧйяслы висътасътӧг-юасътӧг некытчӧ не мунны. Асьныд гӧгӧрвоанныд — война, быдтор кежлӧ колӧ лоны дасъӧн. Вот тадз, дона ёртъяс...

Вӧвлытӧм чӧв-лӧнь ӧшйис сынӧ-дас йӧз юр весьтын. Вель дыр кад колис, кызди Митрей Иван помалис

сӕрнисӧ, а места вывсьыс некод эз вӧрзьӧдчы, весиг визъялысь челядьшы ни тӧв сулалисны. Митрей Иван важ мозыс сулалис сарай пос вылас да синкым увсянныс йӧз вылас видзӧдлӧгтырйи дӧрӧм соснас чышкалис пӧсьсӧ плеш вывсьыс, ниртис чужӧмсӧ, сьылисӧ.

— Вопрос, вопрос кӧсья сетны,— торкис чӧв-лӧньсӧ гора кыз гӧлӧс. Шамыртӧм кулака кияссӧ вылӧ лӧптӧмӧн да найӧс сарай посланьыс нӧжӧдӧмӧн сулалис Педот Ольӧксей. — Ме, кызди вӧли пограничникӧн, талун жӧ желайта мунны фашистьяслы паныд доброволецӧн. Кодлы сетны заявлениесӧ?

Вӧлисти бара ставыс шызис-гызис йӧз кодзувкоткарын. Митрей Иван лӧптис кисӧ:

— Лӧня, ёртъяс, лӧня! Некутшӧм заявлениеяс гижны оз на ков. А кор ковмас — висъталасны.

— Неправильнӧ! — сарай пос вылын сулалысьяс дорӧдз матыстчӧм бӧрын вынсьӧдис асьыс шуӧмсӧ Педот Ольӧксей. — Ӑни жӧ кора гижны менӧ доброволецӧн!

— Гижалӧй доброволецъясӧс! — горӧдисны медводдза радъясын сулалысь том йӧз чукӧрсянь.

— Ёртъяс! Некутшӧм тшӧктӧм та кузя миян пока абу, — лӧньӧдис том йӧзӧс Митрей Иван, — но доброволецъяслысь список позьӧ вӧчны. Ыстам районӧ, а сӕни тыдовтчас, кодӧс кор корасны!...

Правление керка дорысь некод эз тэрмась разӧдчыны, митинг помасъӧм бӧрын сулалисны торъя чукӧръясӧн, ас костаныс зилисны выль пӧв тӧлквив босътны виччысьтӧм лӧк юӧрсӧ, видзӧдлыны ылӧдзык водзӧ, кызд-мый тайӧ вермас вежны налысь олӧмсӧ. Медыджыд чукӧр артмис сарай пос помас Педот Ольӧксей гӧгӧр, медсясӧ том мужичӧйяс да бурлак-зонъяс. На гӧгӧрын матын виччысисны муса другъяснысӧ, кодъяс друг кӧсийӧны найӧс кольны, жугыль синъяса том аняяс. Семӧ Прокӧ сарай пос кер пом вылӧ лепитчыштӧмӧн школьной тетрадь лист бокӧ гижалис доброволецъясӧс.

Сарай пос мӧдар бокас вель уна йӧз чукӧртӧма Пиля Ӑндрей. Ольӧксанъяс первой писькӧдчылисны доб-

роволецьясö гижсьысыяс дорö, сэс-ся вöтчисны Педот Öльöксей бöрся, кодi доброволецö первойöн гижсьöм бöрын вуджис мöдар пос бокас варовитысыяс дорö.

Кыз пу чурка кокыс Пиля Öндрейлөн пушка моз чурвидзис сарай пос керъяс вылас, ачыс дыр дулля-лис газетысь косялöм бумага дорсö да гөрöдъяса кос чуньяснас топыда гартыштіс руд махоркаысь кыз чигарка, шыльöдыштіс сійöс чунь помъяснас, някыртіс-гөрddзалис öтар помсö и мöдарнас тувыйштіс вомас, да табак тшынсö горша кыс-кыштöмысь вель дыр кежлö семды-ліс тшöкъялöмысла.

— К-хе... к-хе... к-хе... Да-а, ерманечыд, эн шуöй, едрена мач, вывті лют тышкасьныд-воуйтныд. Со менсьым сöтыштісны ерманскöй вылад...— ки пыдöснас шлапнитіс волялöмöдз шылялöм пу кокас.

— Коркöясö эн висьтав,— вома-ліс старикöс Педот Öльöксей.— Öні мян Краснöй Армияыд абу важ царскöй армия.

— «Öні... öні...»— нерис Öльöксейöс Öндрей.— Ме нö сэки, егена гач, думайтан, тэ дорысь омöльджык да полысьджык али мый вöлі? Егена гач, ме тышкасигъясад кöть дас мортысь эг повзъыв... А ерманечыд вот, едрена мач, повзöдліс...

— А öні сэсся тэ мянöс повзöд-лан,— крукыштіс кодкö варовмöм пöльöс.

Öндрей быдсөн тшöкмуні, петук моз гоньгöдіс юрсö, морöссö:

— Тэ аслад сісь юрöн мый кöсь-ян ме вылö öшöдны? Мыйысь мы-жавны?! Ог ме повзöдлы, егена гач, а висьтала: ерманечыд кö уськöд-чис — ы-ыдж-ы-ыд тыш вермас ло-ны, уна вир вермас кисьтны...

— Шуöны тöдлытöг пö уськöдчö-ма. А кыз нö сійö сы пасьтасö, Вой-выв моресянь да Чёрнöй мореöдз кö, тöдлытöгыс вермис уськöдчыны? А пограничникъясыс нö?

— А некод эз чайт. Мян жö на-код договор вöлі.

— Вот вед, а газетын гижлісны, мый Германияыдлы пö зэв уна шоб-ді мян мöдöдісны. Мыйла нö, сідз-кö, сетісны?

— Эз сетны, а вузалисны.

— Но мый кöть и вузалисны, ни-нöмла вöлі... Аслас Гитлерыслөн, дерт, кёнкö, куш ларъясыс... Кыс-та ыджда странаыслы уна няньыс. Ылöдісны мянöс, стервоаясыд...

— Да-а, ми найöс вердам, а найö мянöс жö понъяс моз пурны усь-кöдчисны. Тайö, бара, дзик шпионъ-яс няньтö ылöдлісны...

— Мун татысь, пель бокад сö-тышта гудрасьöмсыд. «Шпиёнъяс, шпиёнъяс...»— чушьяссö нюжöдö-мөн нерис-скöраліс Педот Öльöк-сей.— Висьталисны нин тай: Герма-нияыдкöд мян договор вöлі, мед öта-мöд вылö не уськöдчыны. А со найö, гадъясыд, мый керисны... Но ми налы петкöдлам пужсö, дыр ку-тасны помнитны,— кулакъяссö вы-лö лэптöмөн грöзитіс фашистьяслы Öльöксей.

Челядь нимкодъпырысь видзöдіс-ны паськыд пельпомъяса, значокъ-ясөн тыр морöса Педот Öльöксей вылö: татшöм багатыръясыд öдйö шегъяласны фашистьястö. Сы вöсна и митинг вывсьыс мунігөн и Ёгор-лы, и Öльöксанлы, и Васьлы кажит-чис, мый вочашорсаяс прöста тадзи шызисны да ёна майшасисны. Ста-линыс нö — мый! Мед босьтчылас! Гитлер коддьöмыдкöд сылы и вöч-ныс нинöм.

## 7

— Öльö, чеччы, пиук, Визюктö колясны,— кысянькö зэв ылысянь Öльöксан вежөрö воö мамыслөн гö-лöсыс. Кылö пöдöнча вуглөн голь-скысьöм: сідзкö, мамыслөн идрас-сьöма нин да кайис карта пос кузя сарайö. Öні сэсся мамыс пырас пос-водзö да залавка вылын кутас йöv сысьявны, пöдöнчасыс гырничьясö кисьтавны. А сылы колö чеччыны да вомлöс кока Визюксö мир туй вылö вöтлыны. Вежöрыс Öльöксанлөн воссьыліс муртса кежлö и бөр туп-йысис, ланьтіс.

— Öльöксан, Öльöксан, век на тай абу чеччöмыд!— гораа да стрöг-джыка нин чуксалис мамыс.— Нол-тö, живö, йöвтö тай зэв радейтан-ныд.

Öльöксан вештіс ас вывсьыс шо-

ныд эшкынсö, лэптыштіс вонсö. Ны-  
рас öвтыштіс сöстөм, чöскыд уль ту-  
рун дук: тöрыт ыбывса боръясыс  
паськыд мешöк тыр вайліс Визюк-  
лы вомул вылö да сарай пельöсас  
пыркöдліс. Пидзöсчаныөн петіс вон-  
сьыс, кок чуньяс вылас кыпöдчылö-  
мөн чöскыда нюжмöдчыштіс да  
веськöдчис сарай öдзöсланьыс. Са-  
раяс вöлі мойдын кодь. Öдзöс щель-  
ясöдыс писькöдчөм шонді югöрыс  
öшаліс сарай рöмыдас зарни занавесөн,  
а джоджас плавгысис веськыд  
векни визьөн да яра югзьöдіс  
паськыд, сьöдасьөм плакаяс выв-  
сьыс быд визь, быд чут, ёгтор, шöри  
вундіс стен бердас сувтöдөм пызь-  
лар, сы весьтын көрт тув йылын  
öшалысь лаз. Öльöксан паськыда  
восьтіс пытшкөссяньыс пу тувйөн  
пыкыштілөм öдзөссö — и яр шондіа  
асыв югыднас ойдіс сарай пытшкө-  
сын быд пельöс, шонавны удитөм  
сынöдыс пуркнитіс Öльöксанлы чу-  
жөмас. Сійö вель дыр тіліс да чит-  
кыраліс синьясөсö шонді водзас, сэс-  
ся дышапырысь тапиктіс-лэччис шо-  
навны удитөм сарай пос керьяс выв-  
ті. Синьяснас корсис ньöрттор. Кы-  
тшовтіс загун гөгöрыс, восьтіс  
öдзөссö: Визюкыс слöймöма нин  
картасьыс петны да дуввидзис öдзөс  
водзас, летйöдліс ситөсь бöжнас,  
вомсö вежньöдлігмоз веськодя ви-  
дзöдіс Öльöксан вылö да дзик жö  
веськодя, нинөм вöчнысö да, бакөс-  
тіс.

— Бы-а, бы-а... Лок, пет сэтысь,  
аслад вомлөс кока пöдругаяс дорö-  
дзыд колльöда, барыняөс,— стрöга,  
но ньöти скöравтөг шыасис Визюк  
дорö Öльöксан, лэдзис загунсьыс да  
бөр сиптіс öдзөссö, небыдика ин-  
мöдчыліс ньөрнас Визюк бокö.—  
Тэа-меалы бы-акайтны сöмын и ко-  
льö... Йöз талун война вылö мунö-  
ны, фашистьяскöд тышкасьны, а  
ми... Тэ сідз жö быд лун веж луд  
йирны кутан, а ме тэнсьыд йöвтö  
чурскыны... Э-эк!— Öльöксан скөр  
йылысь швичнитіс-сяркнитіс ньөр-  
нас потшöс кузя. Мöд вежон нин со  
война мунö, а немечьясöс век на  
абу сувтöдöмаөсь, кар бөрся  
кар босьталöны. Колö вöлі Педот  
Öльöксея коддьöмьястö сразу босьт-  
ны отсөг вылö. А повесткасö сылы

сöмын тöрыт вайöмаөсь, да воча-  
шорсаяслы ещö дас öти мортлы  
тшöтш. Тöрыт рытнас грезд пасья-  
лаыс пывсянъяс вöдиталісны.

Öльöксан сувтыштіс да гач  
кокьясö пидзöсъясöдзыс пуджис:  
кык потшöс костеьыс асья шондыс  
абу на удитöма лысвасö косьтыны  
да лысваыс удитіс нин гач кок помь-  
ясас көласьны. Но лөсьыд вöлі шла-  
пиктыны көмтöгыс: небыд лудйыс  
сьöлөм малыштімөн ыркöдіс кокь-  
яссö.

Öльöксан Визюксö вайöдіс грезд  
помас мир туй вылö чукöртчөм  
мөсьяс дорöдз, мед эз жуьйав —  
шлячнитіс сійöс ньөрйөн да бөр бер-  
гöдчис гортас. Воньяс бөр водтöдз  
петкöдчыліс мамыслы — пыраліс  
керкаас. Мамыс ноксис пачводзас  
скөвөрöдаясөн. Сідзкө, көвдумьяс  
көсйö пöжавны, а, колөкө, пызя  
шаньгаяс. Öльöксан ёна радейтö вы-  
лыссö шöртыс нөкьялөм пызя  
шаньгатö!

— Талун бригадирыд некытчö эз  
нарадит, шойччан лун пö война вы-  
лö мунысьяс колльöдөм ради. Мит-  
рей чожыдлы вот көсья туй вылас  
пызя шаньгаяс пöжыштны,— казя-  
ліс Öльöксанөс да шыöдчис мамыс.  
Сылөн друг вежыньтчис чужöмыс,  
туйысис водз дöранас да бергöдчис  
Öльöксанлы мышкөн. Мамыслөн  
пельпомьясыс сыркьялісны. Вель  
дыр чөв олөм бöрын Öльöксанлань  
бергöдчывтөг тшöктіс:

— Тэ, пиук, водлы на, водз на да.  
Кынöмыд кө сюмалö — йöвсö юышт.  
Сэн пызан вылас...

Öльöксан бара пырис шоньд эш-  
кын улö. А мамыс бөрдö... Митрей  
чож вöсна, көнкө. Сылы повестка  
жö вайöмаөсь. «А мый лоö, кор сійö  
мунас?!»— ёвкнитіс Öльöксанлөн  
сьöлөмыс аслас медся гуся думсьыс.  
Та йылысь некод, некод на оз тöд,  
весиг сылөн медся бур другьясыс.  
Но мый сійö мунас война вылö, оз  
кө удит помасьны, Öльöксан шуис  
аслыс чорыда. Мед көть и арлыдыс  
оз судзсьы... Нинөм, разведчикавны  
кутас. Фашистьяс ныр увті кутас  
ветлыны да налысь пулеметьяссö да  
танкьяссö лыддыны. Некод весиг  
думыштны оз куж, а сійö Красной  
Армияса разведчик!.. Вот сöмын кы-

дзи фронт вылөдзис воөдчыны — эз на ставсө удит думыштны. Гырысь-яскөд оз артмы, найө оз босьтны. Колө мөд ног...

Пажын бөрын грездса керкаясын, ывла вылын кыліс сьылөм и бөрдөм, йөктөм и горзөм. Челядь керка дорсянь керка дорөдз котралісны, окота вөлі ставсө видзөдлыны. Дас кык морт талун прөщайтчөны рөд-вуж чукөрын муса другьясыскөд да пөдругаясыскөд, гашкө, медбөрья-ысь өта-мөдсө аддзөны, кылөны.

Көть и сьывны горөдлөны, и томьяс йөктыны петавлөны,— гажыс оз лыб, оз серав, оз кыпөд: оз өд найө талун мусаяснысө, донаяснысө прө-стө армияө колльөдны, а ...война вылө! Окмысөд лун ылын рытив-вылын грымакылө вөвлытөм тыш... Кутшөмкө звермөм Гитлер Рөдина-нымлысь мусө таялө танкьясөн, ыпьялөны карьяс, сиктьяс... Кис-сьө вир...

Талун Илья Наста, Сава Мишлөн пөчинокысь вайөм мича том гөты-рыс оз нин кык воськолөн бөрын мужик бөрсяыс вөтчы, а орччөн, топыда кутчысьөмөн, Сава Миш милөсьта өшөдөма ассьыс ош лапа кодь кисө гөтырыслөн шылъыд пельпом вылө, том гозья орччөн му-нөны Мишлөн вежаньыс ордө, гө-ститны-прөщайтчыны.

— Лок татчө, Мишук, енув пельө-сас пуксы,— корө нин со вежа-ныс.— Гашкө-й, медбөрьяысь чөс-кыд гортса сөянтө, дитюк...

— Но, но, тэ мый, пөрысь выжив, сьөлөмьяс йөзлысь нормөдан?— скөрысь шыасис занавес сайсьыс тотшиктысь-петысь Пиля Андрей, Сава Мишлөн вежайыс.— Со ку-тшөм молодечьясөс мөдөдам егена гачьяслы паныд да нинөм на водз-ывыв лимзыны...

Ачыс гора кыскыштіс нырнас, пуксис пызан пельөсас вежайөн шуыськөд орччөн, скөрысь шлопкис еджыд вина дознас шуйга ки пыдө-сас — гөрд сургуча пробкаыс лы-йыштіс йиркөдзис. Сэсея тыртис кузь кока гранья румкасө винаөн да сетіс гөтырыслы.

Көсьта Марпа сө чукурөн юмыр-тіс вом дорьяссө да нюжөдіс кисө,

видзөдліс енув пельөсын пукалысь вылө да чөвтис пернапас:

— Бур туй тэныд, пиукөй, мед Микаил-аркангел видзас тэно став лөксьыс: висьөмысь-порчаысь, пуля-ысь-пикаысь...— и румкасө ньөжйө-никөн пөлынтьөмөн чурскис сэтысь джынсө да бөр нюжөдіс көзаяныс-лы.

— Ну-у, Микаил да и Саввович,— кыпөдіс румкасө Пиля Андрей,— ыджыд туйө ми тэно колльөдам... Сьөкыд дырйи эн дрөгнит, вөрөглы мышкөн эн бергөдчы да бөр лок дзоньвидзаөн... Татшөм тэныд на-каз,— и гумыльтіс-куштіс румкасө.

Пиля Андрей чолькнитіс румкаас выль пай, мыччис вежайөн шуысь-лы, эз вермы кутчысьны, зымнитіс кулакнас пызанө, пу кокнас джо-джө, горөдіс курыда:

— Э-эк, не этайө кө эськө!— вач-кис пу кокас,— ме эськө тіянкөд тшөтш талун жө... Менам накөд важ щөт на коли!

— Вежайө! Ми накөд ставсьыс рөщитайтчам, важсьыс и виль-сьыс,— шуис Миш да койыштіс румкасьыс гөгрөстөм вомас, эз тшөкнит, эз нюкыртчыв, сөмын судзөдчыліс черинянь дорөдз да че-пөль чериөн колльөдіс винасө пытш-көдзис.

Вина тыра румка ветліс кнысь киө, көтшас пельөсас пукалысь-ясөдз, разяліс кывьяссө пукалысь-яслысь, варовмөдіс, сюсьмөдіс-збой-мөдіс...

Потшөс вылө гизыгысьөм челядь кывзысисны гурйыв восьса дзирья өшинь пыр петан зыкас, коді пыр ыдждіс и ыдждіс. Колльөдчысь том нывьяс кылө горөдісны сьывны:

Ыджыд лэптысьөма кымөр,  
Гымалөмыс кылө.  
Гижөд воөма том йөзлы  
Мунны война вылө...

...А яр шондіыс и талун эз нюж-мась. Сөмын на сійө вөлі юр весь-тын, сьавкйис пөсьөн Вочашор грез-дын гуляйтысьясөс, а со удитөма нин дзикөдз рытиввылө катовтчы-ны, исковтө вөртасланьыс. Лөня, мичаа пөртмасьө сідз жө, кызди и төрыт, войдөрлун — быд лун. А йөз

мунёны война вылө. Бёрдёны и сьылёны. Коддзём йёз кулакъяснас шенасьёны, горзёны, мед Красной Армия өдийоджык песовтас сьылдзирсө пеж Гитлерлысь, пеж скотиналысь, сволочлысь, зывок фашистылысь!..

Колльодчысьяскөд орччөн восьлалисны и другъяс — Ёгор, Ольёксан да Вась. Ёгор гусьён шөпнитис ёртъяссылы:

— Ме ачым регыд жө... Война вылө! Сөмын некодлы кыв ни джын!

Ольёксан синъяссө паськөдөмөн видзөдис Ёгор вылө, нинөм эз сяммы шуны.

## Көн эз потласьны снарядъяс

### 1

Ольёксан Сьөдтыдорысь, ылі видз вылысь, петис сёрөн нин да воймис. Думайтис, өдийө рөдтас гортөдзысь, а эз сидз артмы. Седлөалөм вёлыслы голяас домалөмөн Ольёксан ещө кык вөв катөдис. Найө тракйысисны да унджык туйсө ковмис восьлөн мунны. Но Ольёксан ёнасө эз и тэрмась. Талун эз мудз, августшөрса рытыс шоньд, лөнь, и лөсьыд вөлі седлөас пукавны и быдтор йывсьыс думайтны. Сійө таво турун пуктыны заводитчөмсянь гожөмбыд Сьөдтыдорса видзъяс вылын уджалис, весиг гортас өтчыд эз кайлы. Ён кодъ тушаа дас витөд арөсө петөм детинкаөс верстыө мужикөс моз нин уджөдисны: машинаөн ытшкис и куртис, чөвтны сувтөдлісны. Сэсся эськө бригадирысь шуис жө да: 70 гөгөр трудодень пө төлысья уджсьыс. Ольёксан и ачыс радліс: эз на быд зонка та мында трудоденьтө вөч.

Дырджык лои пуктысьөмнысь, весиг повзъылісны: «еджыд гутъяскөд» тшөтш мынасны видз вылысь. Мужичөйястөгьд. Оти бабаяснад да пөрысь пөляснад. Но эштөдисны жө турун пуктөмсө «еджыд гутъяс» лэбзъытөдз. И Ольёксан гортас кайыс кыпыд руа.

Горт сиктас воигөн нин заводитис ёна востымасьны. Рытиввылын енежтасысь дзоньнас ыпнитлас-өзйылас, быттьө ыджыдсьысь-ыджыд, енеж джын пасьтаысь пач пөдан вештыласны да өгыръясөн доналөм пач пытшкөс тыдовтчылас. Енежыслөн воссьылөмысь, пыдисянь, быттьө му пыдөссяньысь тэрмасьтөг, но скөра муркйөдлөмысь эз повзөдды, а чужтис ыджыд майшасьөм. Ольёксанлы кажитчис, мый тайө енежас петкөдчыліс ылын рытиввылын да лунвылын чардөн-биөн мунысь тышысь, и татчөдз кыліс сьлөн шуштөм шыысь. Сійө газетъясысь төдис, мый фашистыяс бара на наступайтөны. Донбасс нин босьтөмаөсь, Кавказ гөраясь дорөдз воөмаөсь, Дон ю вуджөмаөсь да Сталинград дорөдз матыстчөны... Волга дорөдз!.. Кодкө мөй кужис да вермис думыштылыны, мый татшөмтор вермас лоны! Москва дорад эськө төвнась фашистыястө бура камөдисны, ылөдз найөс, гадъясөс, сэтысь бөр вөтлісны. И сьөлөм вылас йөзлөн сэтшөма кокняммывліс!.. И вот бара... Кымын мужичөй нин Вочашор грездысь мунис, а некод на бөрсө эз лок. Сөмын похоронкаяс... Кымын мамөс да гөтырөс нин семдөдліс сійө дзольник бумагаторйысь! Прамөй мужикысь грездас некод нин эз коль, куш синтөмъясь да пельтөмъясь, да Пиля Андрей моз коктөмъясь... Вот и батсьө тулыснась бссьтисны...

Куим друг пысь грездас өтнась Ольёксан колис. Ёгор кольөм ар на фронт вылө пышйис. Весиг сизимөд класс эз кут помавны, война бөрас пө. Васькөд тшөтш сылы туй вылас сукар гусьён дасьтисны. Колльөдисны водз асьысь, быттьө Пожөмдинө школаө лэччисны. Ёгор тэрмасис районөдз, мед пароход вылө удитны. Сёрман кө да йи сувтас, карөдзыд подөннад сьөкыд лоө воөдчыны. Ёгор мунөм бөрын Ольёксан да Вась Ёгорлысь мамсө кыз мый вермисны ылөдлісны, мед сельсөветө висьтавны эз удит. Татшөм сёрнитчөм вөлі другъяс костын.

А таво седьмой помалөм бөрын и Вась карө лэччис педучилищеө велөдчыны. Вот сөмын Ольёксанлы

грездысь мунан туйыс вöлі тупкöса. Лиза чойыс кольöм восянь кер дорын уджалö, мамыс висьласьö, а ичöт вокыс витöд классö на вуджис. Да кытчö и мунан? Лётчикö велöдчыны оз на босьтны, война вылö оз жö...

Гортас Öльöксанöс вöлöм виччысьö ыджыд радлун: Ёгор другяньыс письмö! Дзöнь во некодлы нинöм эз юörtлы. Кыдзи мунис, сідзи и вошис.

Öльöксан восьтис конвертсö да перйис сэтысь нель пельö куснявлöм куим тетрадь лист, видзчысьöмөн веськöдліс пызан вылас да горша заводитис лыддыны. Письмöсö гижöма рочөн:

«Лети, лети письмо мое птицей, горячий привет передай скорей моему самому лучшему другу, на дальней сторонке живущей...»

Öльöксан весиг балябöжсö гыжыштис. «Во, кыдзи рочнад велöдчöма,— завидьпырысь думыштис Öльöксан.— Весиг кывбурён письмö кужö гижны, и лöсьыда артмö».

Но водзöсö гижöма комиөн.

«...Бур лун или бур рыт менам первой друг Сашалы! Аслам письмöын первой кывтясөн ме ыста тэныд биа пöсь чолöм, бур шуд да бур олöм, ещö бур дзöньвидзалун. А сэсся некымын кывйён кöсгя гижыштны аслам öнйя олöм-вылöм йылысь. А ола ме öнй да уджала нефть пергян шахтаын бурильщикөн. Тэ, дерт, сійö он тöд мый лö, но ме тэныд час висьталышта. Сійö, сідз кö бытгö шуны, му пытшкöссяньыс муас жö розгяс вöчалам — розгяс вöчалöмыс и шусьö бурениеөн. А сійö розгясöдыс сэсся нефть петö, а нефтьсö сійö му веркöсöдзыс шахтасьыс насосгясөн качайтöны. А кыдзи ме сэтчö веськалі? Районной военкоматад менö сэки фронт вылад эз босьтны. Корисны документгяс, а кысь мен сійö? Ме ньöби билет пароход вылö да карöдз лэччи. А карад менö военкоматад бара ылöдисны, шуисны, мун пö сэтчö да сэтчö, сэн пö тэ кодь доброволецгястö гижалöны. Ме ййыд вериті да муні, а сэнй вöлöм ФЗО-ö босьталöны. Но öнй ме ог нин ёнасö жалит. Таті көрт

туй мунö да кокниджык лö фронт вылад веськавны. Сэсся нефтьыс ёна жö öнй колö, сыысь карасин да бензин вöчöны. Неважөн ми нефть тыра эшелон Ленинградö мöдöдім, а нефтьсö сійöс перйим планысь вывті. Вот тадзи ми тасянь отсалам фронтлы. А ещö миян бригада тышкасьö фронтöвöй бригада ним вöсна. Уджалам фронт вылын моз жö, и сійö нимтö ми быть шедöдам. Но дзикöдз татчö ог кольчы. Фронт вылö муна. А тэ вед менö тöдан: шуи кö — муна жö нин, он менö кут. Ми весиг öтикöд самбоён тышкасьны велöдчам. Ок, сэтшöм ёна лөг петö фашистгяс вылö! А ещö менö примитисны комсомолö. Вот и ставыс. А дыр некодлы нинöм эг гиж, яндзим вöлі да. Муні фронт вылö, а веськалі ещö на ылöджык войвылö. Сэсся ачыд гиж письмötö быдсяма вильторгяс йылысь, мый миян Вочашорын лои. Приветгяс висьтав Педьö Васьлы и мукöд ёртгяслы да грездсаяслы, коді менö тöдö. А седьмой класстö ме помалі жö ФЗО-ас велöдчигмоз. Таво сэсся кöсйöны восьмой восьтыны, удж бöрын кутасны велöдны, да ме гижси жö. Вöлöмкö, зэв уна колö тöдны, мед шахтаад уджавны, да ещö мукöдысь мед не кольны. Вот öнй сэсся, ме чайта, дзик нин став йывсьыс гижы, а мый вунöді — мöд письмöын гижя.

Тэнад другыд Ёгор Юдин».

Öльöксан дыр гöгрöдліс посни буквагясөн кыкнан лист бокгясас гижалöм листгяссö. «Вот кытчö веськалöма Ёгор, нефть пергянйö! Ачыс нефть перйö и! Самолётгяслы, танкгяслы! Оз бара сы моз бабаяс пöвстын турунөн ноксьы. Көть и абу фронт вылын, а фронт вылын кодь».

Öльöксан видзчысьöмөн бөр сюйис листгяссö конвертас, а конвертсö пунктис енув пельöсö, джаджйö. Аски ачыс письмö гижас, кузьöс, быдтор йывсьыс. А талун вöлі сёрнин, карасинтö лавкаад гежöда вайлöны и дыртö лампанад овны оз позь. Аски сылөн шойччан лун и быдторсö лунтырнад удитас.

А водз асывнас Öльöксангясö пыравліс Ёгорлөн мамыс.

— Но-о, сьöдтыдорсаяс тай воö-

маось нин,— аддзис Ёльёксанёс да быттьё чуймёмён шыасис Ёльёксан дорё Пекла. А ачыс эськё нарошнё пырис Ёльёксан дорё ошйысьны. Пинас.— Но и бур, эштіс кё сёсса турун пуктём, ид шепьяс чегьясьны нин кутісны, уджалан ки оз тырмы. А менам вед аддзысис, Ёльёксан, Ёгорыд,— радлан гёлёсён юёртіс, медбёрын, гашкё, главнёйсё, мый ради и пырис Пекла Ёльёксан дорё да кутіс шлюпкыны-бёрдны.— Аддзысис, аддзысис менам сёлёмшёр. Письмё ыстіс, деньга — витсё шайт переводён ыстёма! Велёдчёма нефть перйыны... Кужёма тай менам Ёгорушкаыд нажёвитчыныд. Меным сы мында сё-ём ыстёма! А кытчё меным сы мындасё, уна-ё меным вед и колё... Мед сёмын ачыс дзоньвидза вёлі да пёт-а. А ме... Аддзысис, аддзысис, дона пи...

Ёльёксанлён луныс сідз-тадз и коліс. Ошинь ув йёрсё кытшовтіс, куим прасла потшёс, нёровтчёмаось да, майёгьясён пыкёмён веськёдіс. Гажыс тёлыс чёжнад бырёма гортсьыс да Ёльёксан быдлаті керка пытшкёссё шобис-видлаліс. Здук кезлё Тима Анна пыравліс, быттьё быдмыштёма, чужёмыс и кокьясыс гожьялёмаось Ёльёксанлён дорыс абу омольджыка. Зёв гажа да радлан гёлёсён висьтавліс Вочашорса выльторьяс. Ошйысис, мый ачыс го-жёмбыд видз вылын вёлі, рытьяс-нас мамыслы скётной дворын отса-сьё.

Рытнас, ужнайтём бёрын, Ёльёксан гудёкасис кильчё пос вылас, и сы дорё матыстчисны Педьё Веня да Жонь Петыр. Ёльёксан тупйис гудёксьё.

— Боевой привет труженику на сенокосном фронте,— Педьё Веня паськыда нюмъялёмён нюжөдіс кисё здоравайтчыны. А сы бөрся киасьёмён жё здоравайтчис и Жонь Петыр. Көть найё арлыднас сы дорыс ёна ыджыдджыкось и некор эз ёртасьлыны. Да кутшём ёртасьём, Педьё Веня кодь бурлак-зоньясыд найёс и матё эз сибөдлыны. А талун со Педьё Веня ачыс веськыд кисё нюжөдіс Ёльёксанлы кыдзи рөвня. Ёльёксан нимкодя и сёлёмсянныс топөдліс сылыс кисё. Тёрыт мамыс

висьтавліс нин, мый Педьё Веня раничёма да гортас воёма. Зёв пё тшап — бура воуйтёмсьыс медаль сетёмаось. И, со, сійё, геройыс, Ёльёксанкөд орччён пукалө. А со и пельпомас шлапкис Ёльёксанлы да шуис:

— Молодец, Саша! Ми тэнё виччысим нин да виччысим... Понимаеш, нывьяс көть пруд пруди, а ни өти гудёкасьыс абу. И друг кылам гудёк шы... Давай, мися, Петя, не задерживаясь, прамой наводкой Ёльёксан дорё... Талун йөктігмос унджык нывьяскөд топөдчывны сюрё... Ха-ха-ха!..

— Тэд, дерт нин, эз на сюрлы,— мыйкө төдёмён моз сераліс Жонь Петыр.

— Тэ, Петя, йөзлыс больгём эн кывзы. Бөрё-водзё кытчөкө пыравлан — и сразу нин чөрт его знает мый думайтёны. Вот өні ми гымгыштам да топөдчыштлам. Сідз, Саша?— Педьё Веня видзөдіс Ёльёксан вылө гажаа, но юаліс серьёзнёя, кыдзи тшөтшьялыс, кодлы Педьё Веня моз жё позьё вёлөстьё ветлыны.

— Ме ог төд... Мамё вед...

— Кха, мый нё мамыд, бурлак мортёс өд тэнё оз жё мөд кутны. Пошли...

— А гудёксьё нё босьта жё?— падьяліс Ёльёксан.

— Гу-удё-өк!— чуймёмён видзөдіс Педьё Веня Ёльёксан вылө.— Сійё и главнөй гажыс-а. Да гудёк шы вылад миян нывьясыд кыдзи нярбордыяс еджыд вылө лэбзясны! Но... Вай эн на ворс, а то Вочашорса став нывьяссё шызьёдам. Менам эм мирөвой идея, ветламөй Кырув грездө, чөрту вочашорсаясёс. А сэтчө пё локтёмаось эмтээсыс тракторьясён гөрны, а трактористьясыс ставныс нывьяс. Ыыммм, абу пё нывьяс, а,— Педьё Веня матыстліс өти гөрөдө чукөртём чуньяссё нюжөдём чушьяс дорас да чупнитіс:— Вв-воо! А?— бергөдліс юрсё орччөн муныс Жонь Петыр да Ёльёксанланьё.— А тэнё, Саша, медся том да мича трактористкаыскөд төдмөдам!

Ёльёксан гөрдөдіс. Нывьясыд эськө сылы эм көть абуаныс, юаліс

Венялысь, кутшом медаль сылөн та-  
тшом мичаыс, да мыйысь сетисны.

— Этійо?— Веня перйис зепсыс шуйга кисо да инмодчлыс чуньяс-  
нас медаляс. Ольоксанлы кажит-  
чис, мый Венялөн шуйга ки чунь-  
ясыс эз вөрөшитчыны.— Тайо ме-  
даль «За отвагу». А сетисны развед-  
као ветломысь. Командованиелы вө-  
лөм колө «язык», то есть колө вөлі  
фронт сайсыс кыйодны кутшомкө  
фрицөс да вайодны ловъяөн. Вот и  
босьтис мян помкомвзводса стар-  
шой сержант Еремчук менө да Лы-  
совөс. Сійо кыскө Иркутской об-  
ластысь, буракө, вөлі. Фронтсө  
вуджны войнас лөсьыда вуджим да  
өти фрицөс-мотоциклитөс эськө  
пургыльтим туй вывсьыс. Мян пом-  
комвзвода мастер вөлі сы кузя. Сут-  
ки, гашкө, кыйодчим вөсныдик су-  
туга туй вомоныс нюжөдөмөн. А вот  
фронтсө бөр вуджигөн мянөс казя-  
лисны да сэтшөма кутисны «гөсти-  
төдны»!.. И пулемётъясысь, и ми-  
наясөн... Проволочной заграждение-  
яссө нин вуджим да асланым окопъ-  
яслань матыстчим. Первой Лысо-  
вөс наповал... Сэсся Еремчуклысь  
кыкнан коксө ранитис, оз вермы  
кыссыны... Вот сійо и командуйтө:  
«Рядовой Карманов! Бери фрица и  
доставляй до командования. Это те-  
бе приказ, а потом за мной». Пер-  
войсө сійо ачыс көртавлөм фрицөсө  
кыскис. Эз эськө ыджыд и вөв фри-  
цыс да кыскыныд абу кокни. Гөгөр  
пуляяс швичлөдлөны, минаяс бу-  
кайтөны... Мянладорсянь эськө өна  
жө заводитисны лыйлыны. И меным  
паныд локтисны. Ме налы фрицөсө  
сети, а ачым Еремчукла. Бөр кысси-  
гөн нин этайо шуйга киас осколөкөн  
сөтыштіс, гырдызасыс улөджык, да  
пуля дзижнитис кок пөкйөс. А па-  
метыс сійо разведка вылө ветло-  
мысь вот ещө коли,— Веня петкөд-  
ліс шуйга ки лапасө: чуньяс лөзова-  
төсь, крукыштчөмаөсь. Сэсся сюй-  
ліс кисө зептас да кыскис резина  
мач.— Вот, этайөс шамрала лун и  
вой. Первойсө весиг мачсө ог вөлі  
вермы кутны, а өні со топөдыштла  
нин. Врачьяс шуисны, кута кө ды-  
шөдчытөг шамравны, чуньясөй важ  
моз кутасны уджавны. Вот кор  
нывьясөс шуйга киөн верма ча-

быртлыны, мед найо чилөстласны —  
сэк бара фронт вылө. Тадзи меным  
военком и шуис. Но ничево, сюрлас  
на нывьяслы менам шуйга кийсь  
чилзыны, а фрицьяслы курыд син-  
ваөн бөрдны,— зумыша и серам со-  
рөн помалис висьталөмсө Веня.

Сөрнитігмозыд эз и казявлыны,  
кызди Кырув грездад матыстчисны.  
Педьө Веня шлапкис Ольоксан  
пельпомө:

— А өні давай, медлөсьыдтө да  
медгорасө — шондібаной, мед мө-  
дар сикт помөдзыс кылас. Шызьөд-  
лам талун кырувсаясөс,— и ачыс  
мича кыз гөлөсөн горөдіс гудөк  
бөрся:

Көні тэ, көні тэ, көні тэ  
гуляйтан,

Көні тэ, окаянной,  
Мөдөс завлекайтан?

— Вот тадз ветлөдлывлөны Воча-  
шорса зонъясыд!— тшапа гогнитис  
юрнас Педьө Веня да выльысь горө-  
діс, а сылы отсасис Жонь Петыр:

Тані ме, тані ме,  
Тані ме гуляйта.  
Тані ме, окаяннойис,  
Мөдөс завлекайта.

— Тонө,— индіс пемыдас чусыд  
би югөръясөн төдчысь өшиньяс вы-  
лө,— Рөман Оксиньлөн керкаыс.  
Сэн трактористкаясыд патеруйтөны.  
Биа, сідзкө, гортанысөсь и оз узны.  
Вперөд,— өвтыштіс кинас, реши-  
тельнөя кежис мир туй вывсьыс да  
веськөдчис дзуввидзысь югөръяс-  
лаңыс. Пос помас Веня зепсыс  
перйис помъясөдыс көрталөм съөд  
лента, сюйис юрас да сэтчө өшөдіс  
шуйга кисө. Вескыднас шылькни-  
тіс-лөсьөдіс паськыд тасма увтыс  
гимнастөркасө, тапнитис-видліс ме-  
дальсө, веськөдчис-гоньгөдчис.—  
Вот так. Юръяснытө вылөджык, ор-  
лы! Нинөмысь эн полөй, коді эм —  
ставнысө пленө босьтам,— и сюся  
таркөдіс-кайис кильчө пос кузяыс.  
Кильчө өдзөсыс вөлі осьса, посво-  
дзас кыліс чорыд карасин дук. Веня  
кималаснас корсис өдзөс вугсө,  
душ-мөдысь тотшнитис да тшөктөм-  
сө виччысьтөг кыскыштіс өдзөссө  
асланыс.

Енув пельёсас сулалысь пызан вылын ёйис карасин лампа. Лампа бокас нёрөдөм видзөдчан водзын пукаліс улыс дөрөм кежсыс том ныв да гребёнкаён сыналіс морөс вылас плавгысьом мича шабді рөма кузь юрсисө. Джодж шөрас, пызан дорсяныс көтшасөдзыс вольсалөм вольпасьяс вылын куйлісны ещө нельөн. Зонъяслөн керкаас друг пырөмыс ставнысө весьөпөртіс. Видзөдчан водзын пукалысь ныв повзём синъясөн видзөдліс пырысьяс вылө, гораа чилөстіс, кияссө наксалис — кыз сойяснас вевтис джынвийө восьса морөссө, быттьө асьсө моздорас кватитіс, да тювкнитіс пачводз занавес саяс. Вольпасын куйлысьяс шебрассө щөка улөдзныс тракнитісны-кыскыштісны — кык нывкаыслөн кокъясныс воссисны да чилзөмөн жө зілісны бөр суйны кокъяссө шебрас улас. Медбөрын, повзёмыс, буракө, прөйдитіс жө да лөнісны, нель гоз син шебрас увсяныс чуймөмөн видзөдісны то лөсьыд статя, сьөд лента йылө өшөдөм киа да медаля зон вылө, то медбөрын сулалысь гудөка Ольөксан **вылө**.

— Фронтөвөй привет нашим боевым подружкам-трактористкам! — ньөти падмывтөг гора чолөмаліс нывъясөс Веня.

Шебрасувса нывкаяс синкымъяснысө вылө кыпөдлөмөн видзөдлісны өта-мөд выланис да прыснитісны-серөктісны. Щөка увтіыс занавесьяссө кутөмөн мыччысис пачводзас пышйөм нывлөн юрыс да скөр видзөдласөн мерайтіс пырысьясөс.

— Ас йөз тай нө кажитчаннуд-а, речасяннуд?

— Ас йөзсыс нө эськө мый сэтшөм паника кыпөдіннуд, быттьө немецкөй автоматчикьяс тіян дорө пырисны?

— Сёрнитөны, Вочашорысь раничөм Педьө Веня гортас воөма да абу-ө сійө?

— Сідзи и эм, прамөй попадаение,— гажаа нюмъяліс Веня.— А тайө менам ёртьяс — Петя да Саша. Висьталісны, локтөмнуд пө Кырув сиктө да ёна гажтөмчаннуд. Вот ми и думыштім пыравны...

— Сө морөн лыйөмъяс, муртса эн

йөймөдөй. Катя, шыбитлы менсьым юбкаөс да ковтаөс. Ог жө вед гөстьяскөд занавес сайсянь кут сёрнитны.

Пызанладорас куйлысь нывкаыс восьтысьліс шебрас увсьыс пөшти морөсөдзыс, судзөдчыліс лабичас куйлысь көлуй чукөрөдз, тубыртіс сійөс.

— Кут,— шыбитіс тубрассө занавес вывтіыс, вак-вакөн серөктіс да бөр щөка улөдзыс дзевсис.

Занавес сайсыс ковта кизьсө княлігмоз зумьд воськовьясөн петіс гөгрөсіник ён тушаа том ныв, пыркнитіс кыкнан кинас лөз сатин юбкасө да нюжөдіс кисө Педьө Венялы:

— Здорово нө сідзкө, салдат Педьө Веня, би пыр ветлін-мунін... Медальөн гортө воөмөн тэнө,— мужичөйлөн кодь чорыд кабырөн кутліс трактористьяслөн том бригадир том салдатлысь сэтшөм жө чорыд кисө.— Төдмасямөй, сідзкө: ме Польши сиктысь Қирө Васьлөн Елена. Пуксьөй, шойччөй,— бур сьөлөма көзьяйка моз корис Вась Елена зоньясөс.

— А ми матысянь на да эг на мудзөй,— суйсис сёрниас Жонь Петыр.

— Дзонь вөлөк нин вуджөмнуд да... Позьө и шойччыштны миянын. Аттө, сө яндзимыд, гөститөднуд талун миян тіянөс нинөмөн... Зэв нин сөрөн думыштчөмнуд да...

— Да сы вөсна энө шөгсьөй,— гажаа вочавидзис Веня.— Ми эгөй гөститны, а вөлөстьө ветлыны тіянөс корны пырим.

— Кыдз нө сідз, сэтшөм ыджыд, война вывсянь локтөм гөсьт да... Мөдысь на, асьным дасьтысям да, быть ковмас пыравны. Сэтшөм абу лөсьыд,— некыдз эз вермы лөньны Вась Елена.

— А пыравнуд, дерт, позьө. Бурджыка төдмасям да, колөкө, ещө и не өтчыд. А талун корам тіянөс вөлөстьө петавны.

— Талун? Сөр нин да? Со нывьяс мудзисны да узыны нин водісны и...

— Ме тай шулі тіянлы, мися, гудөк да сьылөм шы кылө, петамөй... А ті...— суйсис сёрниас өтик куйлысьяс письыс.

— Вай чеччөй, чеччөй, томөсь на мудзнуд, нинөм шебрас улын йөж-

гылясьны,— Жонь Петыр кутчысис шебрас помас да лёсьодчис сійос кулыштны на вылысь. Нёльнаныс гораа чарөстисны да тшапкысисны шебрасас. А өтик би моз сюся пуксис да ырыштчис Петыр вылө кулакнас:

— Сөтана чужом, мый тэд колө, лэдзчысь!

Петыр лэдзис шебрассө.

— Ну вот,— нарошно вөчөм жугыль чужомөн шыасис Веня, а ачыс Вась Елена вылысь синсө эз лэдзлы,— а ми думайтём: өтвылысь йөктыштам, сьылыштам. А нолтө, Саша, паськөдлы гудөктө, да мед нывьяс шебрас увсьыс чеччыштисны,— шмонитөмөн корис Веня Олёксанос.

Олёксан разис гудөк топөдан кизьсө да думыштчис, мый эськө сэтшөмсө няжнитны. И заводитис бара шондibanөй. Сэсся джөмдыштлис да сувтлытөг вуджис «На сопках Манчжурии» ворсны. Нывьяс синьяссө эз вештывны гудөкасьыс вылысь. А кор сійө лөнис, Петыр вылө ырыштчылысь нывка юрсө бергөдис бригаирныслань:

— Ле-ена-а,— корана гөлөсөн да лывкйөдлөмөн жө шыасис сійө,— вай петаламөй... Татшөм гудөкасьөмсө сө во нин эг кывлөй...

— Вот, Сане гудөк шы кылис, өнi сэсся улыс дөрөм кежсьыс дась чеччыштны... А аски тракторьяс заводитигөн бара бөрдны кутан...— но гөлөсас бригаирлөн эз вөв чорыдуныс.

— Заведитам... Бара гезьястө көртавлам заводной ручкаас дай... Талун тай небось өдийө на тракйөдлим...

— Ме, ме вола тiянлы отсавны,— кыпөдис шамыртөм кулака кисө Веня.— Этайө киас тырмас на выныс ХТЗ-лысь заводной ручка бергөдлыны.

— Ле-ена-а...— корис тшөтш и Катя.— Муртса кежлө, гудөк шы улас ветлөдлыштам.

— Ладнө, сөмын аски эн элясьөй водз чуксалөмысь. Зоньяс, марш татысь ывлаас, мян пасьтасигкөстi виччысьыштөй.

— Вот это по-фронтөвому. Ну, ребята, кыш,— шевгөдөм кинас Ве-

ня коллялис ас водзтiыс Олёксанос да Петырөс.

Олёксанлөн сьөлөмас чужис радлун, аснас гордитчөм: сийө гырысь бурлак-зоньяскөд со вөлөстьө ветлөдлө ас коддьөмьяскөд моз. И нывьясыс нин сы вылө видзөдлисны эз дзоля вылө моз, узыны водлөм бөрын нин накөд вөлөстьө ветлыны көсийөны. Дерт, медсясө Веня вөсна, но... Сылөн гудөкасьөмыс, буракө, сьөлөм выланыс жө воис. Санеыс тай мый шуис... Сө во нин пө татшөм гудөкасьөмсө эг кывлөй. И кильчө вылас петөм бөрын Олёксан сяркнитис гудөк кизьяснас вылысьяныс улысөдзыс, бөсьтис ладсө аслас зөв кажитчана полькалысь, сьөлөмсяныс, гораа, ышөдана.

— Эк и, молодец тэ, Саша, кыпыда ворсан, менам и то кокьясөй гилялөны, йөктыны вөзйысьөны, а кытчө нин нывьяслы кутчысьны,— сшкыштис Веня.— Видзөд, кызди полошитчисны.

Ошиньясас вуджрасисны керкаас кияснас өвтчигтырйи котралысь нывьяслөн мыгөрьясыс. Ёна, тыдалө, тэрмасисны.

Первойөн кильчө вылө петис Сане, зөв пельк тушаа да визув нывка. Сы бөрся и мукөдьясыс петалисны, медбөрын бригаирныс.

— Вот, менам кокни руа нывьяслы тай эз ковмы дыр кевмысьны, гуляйтныд өдийө пасьтасисны, абу тракторьяс дөрө.

— Кор нин бара, Лена, ми и гуляйтнысө петавлим-а... Бубыляяс моз суткиөн-суткиөн трактор вывсьыд ог чеччылөй,— пыркнитис юрнас Катя, кузь тушаа ныв.— А танө со татшөм зоньяс асьныс локтөмаөсь да ог жө кутөй ышнясьны! Сидз вед, нывьяс?

— Сидз, сидз,— радлан гөлөсөн шыасисны пөдругаясыс.

— Чур, ме гудөкасьыськөд орччөн.— Сийө Олександр, а ме Олександра — буретш и лөсялө. Вай мыськыштам шондibanөйтө...

Веськыд гыррдзаас Санелөн инмөдчөмысь Олёксанос быдсөн пөсьөдис. Сийө ёна старайтчөмөн бара заводитис шондibanөй. А орччөн мунысь Сане мича гөлөсөн пыр жө и горөдис сывны:

Гудокась, гудокась,  
Гудокась гораджыка,  
Медым тайо пораясыс  
Колясны гажаджыка.

Накөд орччасисны и мукөд нывъясыс да кутісны отсавны Санелы. А Ольöksанлы шуйга ки вывтисыс орччөдчис Жонь Петыр. Веня да Лена колисны кыкөн да мунісны орччөн воськов-мөд бөрынджык. Лена отсаліс жө сывны. Сэссия видзөдліс Веня вылө да ачыс босьтис выль частушка:

Вы германцы-оборванцы,  
перестаньте воевать.  
Отпустите наших парней, девок  
некуда девать.

— Лөсьыда тай эськө мөдөдчим да, кодарлань мунам? Али вөлөсть кузяыс тадзи гуляйтыштам?— Лена бара видзөдліс Веня вылө.

— Эм идея,— Веня вескыд кинас кутіс Ленаөс коскөдыс да найө орччөдчисны водзын мунысьяскөд.— Войдөр Иван Гриша жытник водзын ёна гажөдчылісны, лудсө эг омөля гындылөй. Ветламөй.

Иван Гриша жытник дорө вотөдз вочасөн сибөдчалісны Кырувса том йөз. Жытник водзас Ольöksанөс пуксьөдісны шөрас, ськөд орччөн бара Сане веськаліс. Но Веня босьтис Ленаөс да пыр жө кутіс кадрилль йөктан параяс чукөртны. Санеөс босьтис Петыр, ещө өти Кырувса пара сувтис. А Катя корис Кырувса зонкаөс да сійө тушанас ёна нюгльсьөмөн вөсньыд гөлөсөн вочавидзис: «Ме ог куж йөктыныд». Катя увтыртана өвтыштис сы вылө кинас да кватитис асьыс пөдругасө, кодкөд вольпасяс орччөн куйлісны: «Лок, Марья, асьным йөктам»,— да сувтисны Кырувса паралы воча. Веня пыр жө горөдіс:

— А ну, Саша, русскую!

И заводитчис! Ставныс кутчысисны кияснас, сөмын Веняөс орчча йөктысьыс кутіс шуйга гыррдзаөдыс, да гумла выв кодь шылыд муас чорыда зымгигтырйи вөчисны кытшов, торйөдчисны параөн-параөн да топыда кутчысьөмөн швыркнитчисны места выланыс и зутш сувтисны паралы воча пара.

— Первая!— горөдіс Веня и Ольöksан ворсөмсө орөдлытөг вуджис мөд ладө, сэтшөм жө кыпыд да ышөдана вылө.

— И-эх!— Веня зымнитис кокнас, гоньгөдөм юра, вылө лэптөм морөса, кром сапөга кокъяснас муөдыс чарсйыштөмөн тшапа мөдөдчис сылань йөктысь Жонь Петырлы паныд. Воччасисны, өта-мөд вылас видзөдлытөг ещө кык воськов вөчисны, зымнитисны, бергөдчисны воча чужөм да өта-мөд гөгөрыс кытшовтөм бөрын Веня тшапа матыстчис Сане дорө, топөдіс веськыд кинас сійөс и бергөдіс ас гөгөрыс— Сане кокъяс улысь вошліс муыс, ыркмуніс сьөлөмыс. Жонь Петыр да Вась Елена кутчысьлөмөн жө пелька бергөдчисны места выланыс, кодйыштисны каблукъяснаныс чорыд му эжсө. Сэссия Веня да Петыр бара сідз жө тшапа паныдасьлісны нель параөн вөчөм кадрилль шөрас, бөр локтисны асланыс нывъяс дорө да топыда кутчысьөмөн швыркъялісны-бергалісны, радлісны бөр вочаасьлөмлы. Öчередьыс воис нывъяслы. Вась Елена туфли каблукъяснас дугдывлытөг зутшйөдлөмөн, став тушанас мичаа лайкъялөмөн, а Сане муртса паськөдыштөм да вылө лэптыштөм гыррдзаяснас, пельпомъяснас ворсөдчөмөн бытьтө му веркөстисыс кывтис, мича лэбач моз жбыркнитис Веня гөгөр да сідз жө кокниа, тшапа да мичаа бөр локтис аслас кавалер Жонь Петыр дорө. А асьыныс өчердьсө виччысисны нин мөд кык пара, лайкъялісны места выланыс, ворсісны кокъяснас, нывъяс мичаа дзирньөдлыштисны крут бекъяснаныс. Бандзібьясныс ыпъялісны өгырөн, синьясныс өзйисны шудлунөн... Мед көть и дзоля кад кежлө, а өні ставыс, ставыс вунөма: мый талун асывбыд бөрдмөн мучитчисны тракторьяс заводитігөн, кузь лунтыр дас сизим-дас көкъямыс арөса нывкаяслөн вөсньыдик киясыс жаявмөн кутісны бөрөздасыс пышйыны көсйысь тракторлысь рульсө, сёр рытөдз эз пөрчывлыны карасинөн йиджтысьөм сьөд юбкаяссө, ковтаяссө, пинжакъяссө...

Иван Гриша жытник водзө талун чукөртчөм нывъяслысь, зонъяслысь

муса гудок шыыс ворсодо том вир-  
яйсo, йоктодо кокъяснысo, сьылoдо  
сьолoмъяснысo... И мед, мед найo  
вунoдласны oни став лeксo, гашкo,  
аски кокниджык лo лeка кывзы-  
сьысь тракторъяснас веськoдлыны,  
му пластъяссo кьпoдны бур урожай  
вылo, мед этшаджык йoз тшыгъя-  
лысны...

И Oльoксан няръялис-ворсис... Ва-  
жoн нин кутшoмкo нывка гoгoрвоo-  
ма пуксыны сыкoд орчoн да пoсь-  
сo сылoн чужoм вылысь чышкалo.  
Тадзи сьолoмсяныс Oльoксан не-  
кор на эз ворслы. Сийoс ышoдис йoк-  
тысьяслoн гажыс, вуджис налoн  
шудлуныс.

Эштис, кадрий помасис. Йoктысь-  
яс кияснас, чышьянъяснас oвтчoмoн  
разoдчисны, матыстчисны жытник  
водзын пукалысьяс дoрo. Век на  
йoктан ярлуныс абу кусoма: синъ-  
ясныс oзйисны удаллунoн, тшoкыда  
ышлoлалисны. Кодкo чуйдис:

— Вай сeсся вoлoсьт кузяыс гу-  
ляйтыштамoй сьылигтырйи!

— Вайoй и эм!— ставныслы ка-  
житчис татшoм чуйдoмыс.— Мый нo  
сьылам?

— «Мича нывъяс, бурлак зонъ-  
яс...»

— Сийoс сьoкыд мунигмозыд.

— Сидзкo, «Пукала кoть ветлoд-  
ла...»

— Вот сийoс и сьылам.

Oльoксанкoд орчoн бара на Сане  
веськалoма, сийo видзoдлис гудoка-  
сьысь вылo и пoшти гудoк шыыскoд  
oттшoтш бoсьтис сьывны:

Пукала кoть ветлoдла,  
Уджала кoть oг,  
Кoть ме ворсoм видзoда,  
Пыр мем мыйкo шoг.

Санекoд орчoн — Петыр, а шуй-  
галадорсяныс — шуда чужoма Вась  
Елена, а сы сойo крукыштчoма Ве-  
ня. А eщo бoрынджык вoчoмаoсь  
вьель рад мукoдыс. И некод сьывтoм  
эз коль.

Менам том ныв сьолoмoй  
Висьo лун и вой.  
Oмoля ме узьывла,  
Абу важкoд збoй...

...Палялис том ань. Мый нo тайo?  
Каститчo али мый — быттьo сьылoм  
кылo?.. Туйдорса керка oшиньын  
вешйыштис занавес. Важoн кывлы-  
тoм сьылoмнас пальoдoм том ань  
видзoдлис пемыд ывлаас. Да, абу  
вoтын, а збыльысь том йoз чукoр  
туй кузя важ моз гуляйтoны да ми-  
чаа ливкйoдлoны сьолoм нормoдан  
сьыланкыв... «Прoщался... милый...  
до будущей весны...» Ок! Рeгид  
кежлo прoщайтчылысны, да со тулыс  
колис, бара нин ар воис, а прокля-  
тoй войнаыслoн и помыс оз тыдав...  
И выльысь ставыс дум вылас усис  
том аньлы: и кызд аслас мусаыскoд  
тадз жo гуляйтлысны да сьылысны  
тайo сьыланкывсo шoг тoдтoг ни сi-  
йoс виччысьтoг, пемыд пельoсьясын  
топoдчылoмъясыс да oкасьлoмъ-  
ясыс, и медбoръя прoщайтчoмыс...  
Вoлoмкo — век кежлo... Том ань бoр  
занавесалис oшиньсo, лaбич вывьсыс  
чеччытoг юр бoрнас топoдчис стен  
бердас: сьoкыд лунъясьыс да вой-  
ясьыс чорзьoм сьолoм небзис, мед-  
пьдисыс пычкис сир курыд синва-  
сo. Сийo пукалис вoрзьoдчывтoг, дыр,  
эз кoсoд бандзибъяс вывьсыс ва  
визьяссo, эз кыв морoс вылас вoча-  
сoн дoрoм кoтасьoмсo. Сoмын ка-  
дысь кадo нюлыштлывлис сола вoм  
дорьяссo...

Вoчашорса зонъясoс кольoдисны  
грезд помoдзыс. Сoмын сэн нин Пе-  
дьo Веня шыoдчис Петыр да Oльoк-  
сан дoрo:

— Ме нывъясoс асьнысo сeсся  
кольoдышта. Менo энoй виччысьoй,  
гашкo, асылoдзыс кольчыла нывъ-  
яслы тракторъяссo заводитны от-  
сала.

Нывъяс гажaa серoктисны:

— Кольoд, кольoд, Веня, а то  
век oтнaным да oтнaным мучитчам.

Сoмын Вась Елена юрсo копыр-  
тыштoмoн яндысьыштана нюмъялис,  
да сьолoмыс сылoн лишнoйджык  
радлана морoсас йoткасис.

— А Петыр да Oльoксан, аски  
волoй жo. Сэтшoм гаж мянлы та-  
лун вoчинныд,— корис Сане кык-  
наннысo, а видзoдис Oльoксан вылo.

— Асьныд сeсся, колoкo, волoй.  
Миян вед эм жo нывъясид. Лок,  
Oльoксан, мунам, — крукыштис

Ольоксанлысь кисö Петыр да нуöдiс гортланьыс, и пыр жö частушка сьывны горöдiс. Но кырувсаяс дорысь ылыстчöм бöрын лөнiс да чöв омыштöм бöрын бара шыöдчис:

— А-а, мича нывка Санеыс. Сюсь и, сiдз и чеччыштö, сiдз и чеччыштö,— быдсөн юрнас пыркнитiс нимкодъ казътылöмсьыс. Видзöдлiс Ольоксан вылö:— А казялiн, тэ гöгөр пыр гартчис?

— Мун сэтысь... ме дорын...— эз быттö казявлы татшöмторсö, шуыштiс Ольоксан.

— Эн али мый аддзыв! Весиг йöктiгас пыр тэ вылö зыркъялiс, видзöдан он, кызди сiйö жбыркъялö... Ме вед ёсь синма, эн думайт... Ак, менам тушаыд ичöтджык, весиг армияд оз босътны, сötана пызь... Кора, кора, а найö... Но тайö Сане дорас ме матыстчыла... Матыстчыла бара, мед Жонь Петыр кö.

Гортас Ольоксан пырис гусьöн моз: тюпеньяссö пöрчис кильчö вылас, зэв ньöжйөнiкөн кыскис öдзöсас писькöдöм розъ пыр öшöдöм көвсö, мед иганыс эз гольснит. Гудöксö колiс посводзас. Но гöбöч вылас узылысь мамыс садьмис.

— Зэв тай нö дыр ветлан кöнкö, Ольоксан?

— Педьö Веня Кырув сиктö нуöдлiс гудöкөн.

— Но, но... сöмын винанад эн балуйтчы...

Ольоксан водöм бöрас дыр на эз ланьт, дыр син водзас вежласисны рытъя серпасьясыс, кадрильыс... Сылөн гудöкасьöм улын гырысьяслөн первой кадриль. И пельк тушаа том трактористкалөн мелiа видзöдлöмьясыс... Вöлöмкö, йиджыштöма жö сьöлöмас, кöть и соссис Жонь Петырлы...

## 2

Ольоксан садьмис да весиг повзис: лөнъ, эз кыв вон гöгöрыс номъяслөн зыньгöмыс. Восьтiс синъяссö— син водзас абу вон дöра, а джуджыд да сöстöм, шыльыд керка йирк. Сiйö куйлiс гортас, мича джодж дöраясөн да паськыд гырничьясын цветъясөн гажöдöм пыдi

вежöсын, пу крöватьö вольсалöм небыд вольпасьын.

Унмыс Ольоксанлөн веськалöма нин, и сiйö кутiс кывзысьны мöдар вежöссияныс кылысь гөлöсьясö.

— ...Фельдшерыд нö мый шуö?

«Илья Марья пырöма удж вылö нарадитны»,— тöдiс кыз гөлöссö кывтыдпомса бригадирлысь, верöс сайö петаवлытöм том нывбабалысь.

— Сеталис эськö порошокьяс да оз тай личöд, картаö лысьтысьны öдва верма лэччывны... Ог тöд сэсся, Марьюшка, ог öд вермы муяс вылад уджавны, кöть мый сэсся кер...— норасис, кылö, мамыс.

Ольоксанлы лои зэв жаль мамыс. А мыйта на гортгöгöрса уджыс, да ещö мöснад... А мөссьыд лэччысьны оз позь...

— Кытчö висигад мунан,— кылö, Илья Марья сьöкыда ышлолыштiс.— Да ме тэнö ог ысты... Ме Ольоксаныдкöд көсья сёрнитыштлыны. Узьö на?

— Тöрыт сёрөн локтiс... Педьö Веня Кырулөдз нуöдлöма...

Илья Марья чöв ланьтлiс, но недыр мысти бара шыöдчис:

— Ольоксантö көсья машинаөн вундыны ыстыны, Иван Öдякöд. Сiйö öд мян ош кодъ да кураналас, некутшöм мужичöй оз ков. Машинаыс кузнеча дорын дась. Вöвьясыс Лыско да Бурлак, конюшняын жö ниг сулалöны, а машинистным Ольоксан кындзи некод абу.

Ольоксанлы эськö окота на вöли туплясьыштны, но чеччис.

— Но, сiйö тай ачыс нин чуксавтöг садьмöма,— казялiс Ольоксанöс петны лöсьöдчысь бригадир, сувтыштлiс öдзöс дорас:— Ме тэнö машинаөн вундыны...

— Ме кывлi,— эз сет висьтавны Марьялы Ольоксан. А сэсся содтiс:— Ме кö Педьö Вась моз велöдчыны жö мунi— мый бара эськö тэ метöг бригадаад керсин?

— Ог тöд, Ольоксанушка, мамыдлөн шань пи, ог тöд, матайтчи эськö тэтöг дзикöдз. Но висьысь мамтö вед он жö сэсся коль...

Арсяныс Ольоксанлөн заводитчис выль олöмкост. Заводитчис сiйö сиктö воом выль учительница Лия

Петровнакөд сёрнисянь. Выль учительница матыстчис Ёльёксан дорё чумалитчигөн да сёрнитыштөм бөрүн корис волены ритнас школаё, комсомольскöй собрание вылө.

— Ме абу комсомолец,— гөрдөдис Ёльёксан.

— Он кöсйы комсомолад пырны?— юалис учительница.

— Ме-е?— виччысьтөмысла весиг жар лои Ёльёксанлы. «Да мый йылысь нө сийö юасьö?! Кодкө мый оз кöсйы Павка Корчагин кодьөн лоны?! Либö Зоя Космодемьянская кодьөн?! Ёгорöс, гижö, примитөмаöсь жö нин. Сийöс, дерт... Найö нефть перйöны да фронтлы отсалöны... А тани Вочашорад мый вöчны, мыйысь комсомолад примитасны? Но примитасны кö эськө — мый тшöктасны, сийö и кутас вöчны!» Ме-е!— мөд пöv шыасис Ёльёксан, сэсся лөнъджыка нин, чорыдджыка вочавидзис:— Кöсья бара, примитасны кö!

— Примитасны. Школаад отличникөн вöлин, колхозад пö бура жö уджалан, ошкöны. Волы талун, сөтам комсомольскöй поручение. Ставыс кö бур лоö — сентябрын и примитам,— падъявтөг шуис Лия Петровна.

Кызди эз зиль Ёльёксан, а ас водзас пуктөм могыс — чумалитны талун нормаөн-джынийөн — сёрмөдис и гортас локтис пемдигас нин. Сы вöсна эз кут весиг ужнайтны. Öдийö пөрччис уджалан паськөмсö, коскөдзыс пөрччысьмөн бура, уфкайтөмөн да паськыда резйысьмөн мысис, пасьтасис да мунис школаё.

— О, ещö öти комсомолец,— шыасис школа дорö матыстчысь Ёльёксан дорö Педьö Вөня да гажа гөлөсөн содтис:— Мыйкө дышапырысь чукөртчаннуд. Эк, военнöй дисциплина тиянлы колö лөсьöдны бөр мунтөдз.

— А ме абу комсомолец,— правдайтчис Ёльёксан.

— Абу-у?!— нюжөдис Жонь Петыр.— Талун жö примитам. Сэки, небось, он кут боевöй трактористкаясöс гажөдöмысь пышьявны. Сидзвед, Вөня? Хи-хи-хи!

Сьөлөмсянныс горөктис-серөктис и

Вөня, но ёнджыкасö сийö, буракö, Петыр вылө. Жонь Петыр кöть и сералö быттьö, а Ёльёксан вылө скöралыштö. Педьö Вөня да Вась Елена вövсю пö мусукасьны босьтчöмаöсь, а вот Петыр кутчысьлөма Санесö колльöдны, а сийö юнас пыркнитöма да крапкөма: «Мен абу окота тэкөд колльöдчыны гудөкасьысьтөгьд». И мунöма. А Вөня да Петыр кыкысь на ещö нуөдлисны Ёльёксанöс трактористкаяс дорад, а сийö эз ветлы.

Школа кильчö вылын сулалысь Педьö Вөня öни друглы моз юөртис Ёльёксанлы:

— Кырулын гөрөм эштöма, боевöй трактористкаяс вөйдөрлун гортас мунисны. Между прочим, Санөйд тэныд привет тшöктис висьтавны. Ёна сьөлөмас йиджöма гудөкасьöмыд... Ха!.. Ачюд, буракö и. Корисны, волöй пö сэсся Польши сиктö. А мый, Сашка, дас кык верстыд мянлы, тьфу! Шутөвтлам коркө. А, Сашка?!

Ёльёксан эз кöсйы веськыда öтказитчыны, вочавидзис кытшлөдлөмөн:

— Позьö... Коркө...

Комсомолецъяслөн собрание вылө воисны тшөтш колхозса председател Миколай Матрен да милиционер Расов, сийö жö сиктсöветса партийнöй организацияса секретарь. Сёрнитанторйыс вөлөм öти: колхозын комсомольскöй отряд котыртөм йылысь, кодлөн могыс сюся видзöдны колхоз эмбур бөрся, видлавны войяснас складъяс, мөс картаяс да конюшняяс, чумалияса ыбъяс, гулла дорысь сёрөмъяс, мед эз вош öтувья овмөсысь öти чир, ньöти шеп. Расов кузя сёрнитис та йылысь, кöть и асногыс сьökыда, мытшьялөмөн, «тэкс» да «значит» кывьяс тшökыда шуалөмөн, сы понда мый колана, мөрччана кывйыс оз сразу сюр, кöть и портупеясö вешталö, и гимнастёрка водзсö нетшкө-лөсьöдлө, и пызанö котшнитлас чунь рөчнас Расов. Грамотаыс ичöt Расовлөн. Велөдчывлис öти во, сэсся казачитис купечлы, кынөмпöt перйис. Сёрөнджык, Сöветскöй власть воясö, вöv-

лі курсъяс вылын, но кыв озырлу-ныс өкмис ньөжйөн.

Көть и этша кывйөн сёрнитіс Расов, собрание вылын пукалысьяс бура гөгөрвоисны: мунө страшнөй война, фашистьяс писькөдчөны Сталинградөдз, мунө смертельнөй кось быд улича, быд керка, быд из вөсна. Ставсө фронтлы: нянь, вый, яй, медым өдйөджык пасьвартны фашистьясөс. Колө синмөс моз видзны быд кило нянь, быд шеп, шамыр турун! Некоді оз лысьт босьтны өтувъя овмөсысь тшөктытөг ки тыр тусь, өти шеп. Сэтшөмыс, коді лысьтас,— враг! Некутшөм жалитөм сэтшөмъясыс дорө. Та могысь и котыртчө комсомолецъясысь отряд, мед лөсьөдны стрөгысь-стрөг контроль.

Контроль нуөдысь отрядса командирөн индісны фронтовик Педьө Веняөс, сылы отсасысьөн Жонь Петырөс. Гижисны отрядө и томъясөс, кодъяс абу на комсомолецъяс: Игнатов Ольөксанөс, Пашнин Прокө-өс, Уляшев Иванөс, нывъясөс. Мед пө петкөдласны асьнысө комсомолө пырөм водзвылын. Делө вылын. И лоис тайө «делөбыс», кодөс Ольөксан Игнатов өдвакө коркө вунөдас, перйыны позьтөм жель моз сійө нэм кежлө колис паметяс, сьөлөмас.

Педьө Веня да Вась Прокө сійө луннас Ольөксан чумалитчанінө локтісны рытладорыс нин.

— Талун ми пемдытөдзыс таті ыбъяссө кытшовтам,— командир гөлөсөн юөртис Веня.— Видзөдлам эм абу военнөй пөрадокыс...

Ылысянь кө видзөдны ыбъяс вылас — чумалиясыс быттьө салдатьяс разөдчөмаөсь ыбъяс пасьталаыс да атакаө мунөны, а эстчө, буракө, враглөн пулемөтыс удитлөма резыштны: салдатьясыс пидзөсчань выланыс усьөмаөсь, мышкыртчөмаөсь. «Тайө Иван Одя, буракө, абу удитөма чумалитныс. Сө гөгөр поресь на кольөма»,— артыштіс ас думсьыс Ольөксан.

Му вылас некод нин эз вөв. Найө кытшовтисны ыб гөгөрыс да рөмдігас нюкыс пөлөн мөдөдчисны лэччыны гортас. Сөмын сэки казялісны бср пөлөн мунысь өтка нывбабаөс.

Сой крукас чышьянөн көрталөм ыджыд наберушка.

— Но-о, код, мися, и шаркйө тадзсө, а Марпа вөлөма,— суөдісны вель сюся лэччысь нывбабаөс да бөрсянныс матыстчигөн шыөдчис Веня.

Нывбаба виччысьтөмысла боквыв чеччыштіс да повзьөм синъяссө сувтөдіс том йөз вылө.

— Сө лешакъяс... весьөпөртан-ныд, мыш сайсянь шышьяс моз кы-йөдчөмөн матыстчаньыд да горзан-ныд,— Марпа ки мышнас чышкаліс чужөм вылас чепөсйөм пөсьсө.

— Комсомольскөй патруль, Марпа тьөт, абу шышьяс, и огө гусьөн ветлөй, а прөверяйтам колхознөй муяс,— тшапа висьтасис Прокө.

— Мый нө сөрмөдчөмныд, Марпа? Челядьныд, көнкө, өтнанныс,— юалис орччөн восьлалігмоз Веня.

— Отнанныс эськө да... На вөсна жө өд и лоө мырсьыныс. Вөрас пырыштлі тшак корсялыштны, мися, гашкө, картофельөн жаритөм вылө чукөртышта, а со сөмын куш ныв тшак сюри да некымын ягсер,— Вась Марпа өтар боксянныс восьтыштліс наберушкасө: лөзоват вылыса ныв тшакъясыс наберушкаас вөліны чукйөн.

— Но-о, сійөс солаланьныд да пөсь картофельнад добра жө лоө,— сьөлөм сетіс Веня майшасысь нывбабалы, довкнитіс юрнас том ёртъясы да содтіс:— Ми тэнө ордйөдам, тэрмасям да.

— Ордйөдөй, ордйөдөй,— гөлөсас Марпалөн кыліс радлөм.— Ті том йөз, чожа шуркъяланныд... Рытнас, колөкө, вөлөсьтө на бара мунан-ныд и...

Марпа дорысь ылыстчигөн Ольөксан вежөрө пырис майшасьөм — сійө тшакъяс пөвстысь казяліс шобді йики. Кысь чышьянөн вевттьөм тшак пиас чурвидзысь шобді йики-ыс? А тшак улас кө шепъяс? Мый сэки Расовыд шуліс: шепъяс пө му вылысь гусявлөны. Сы вөсна вед и котыртисны найөс, комсомолецъясөс, мед восьтыны гусясысьясөс. А найө со эз весиг прөверитны. Веня разведчик, а эз казяв. А Ольөксан весиг Марпалысь ёна повзьөмсө ка-

зяліс. А збыльсы кӧ шепъяс? Марпаӧс вермасны тюрмаӧ пуксьӧдны, закон пӧ сэтшӧм эм. Челядьсӧ сэки кытчӧ? Ленайс налӧн таво коймӧд класс на сӧмын помаліс, а Митрейыс весиг школаын на эз велӧдчы. Батыс война вылын. Судитасны кӧ мамсӧ — кыззи найӧ оласны? Но Ӧльӧксан асьсӧ пыр жӧ лӧньӧдіс: куш шепъяссыд оз судитны, сӧмын ӧлӧдасны, мед мӧдысь некод эз лысыт. Быттьӧ шепъяс кӧ набеушкаас-а. А прӧверитны бытть. Кутшӧм нӧ комсомольскӧй патруль лоӧ, мӧд ногӧн кӧ! Куш ветлӧдлӧмныс, а няньсӧ и муяс вылысь, и гумлаяс вылысь, и складъясысь кутасны новлыны. Быдлаын кӧ сэтшӧм комсомольскӧй патруль лоӧ, Гитлерыдкӧд тышкасысь красноармеецъяс тшыгӧн кольӧны. И Ӧльӧксан инмӧдчис командир сойӧ:

— Веня, а тшакъяс костсыс ме шобдӧ йики казавлі.

— И ме,— пыр жӧ шыӧдчис и Прокӧ, синъяссӧ вештывтӧг видзӧдіс Веня вылӧ.

Веня сувтіс да серъезнӧя видзӧдіс на вылӧ.

— Но едритвӧй кореньяс... Ті тай настӧящӧй разведчикъяс. А кыз нӧ ме ачым эг казав? Ай-ай-ай! — гыжйыштіс балябӧжсӧ Веня.— Всӧ, вай, сідзкӧ, виччысьламӧй сійӧс, видзӧдлам, збыльсы тшакъяс сылӧн али Вась Марпа военнӧй китрость мянлы паныд применяйтӧ.

Марпа казалис комсомолецъяслысь сувтӧмсӧ да надзмӧдіс жӧ воськовъяссӧ, матыстчигас ӧдва нин вӧрзис.

— Мый нӧ, шань пиян, сувтінныд? — сибдӧм гӧлӧсӧн шыӧдчис сійӧ комсомолецъяс дорӧ. Синъясыс котралісны ӧтарӧ-мӧдарӧ, эз вермыны дыр кежлӧ сувтлыны кодкӧ вылӧ.

— А ми вензыны кутім: Ӧльӧксан шуӧ кык пон тшак пӧ Марпа тьӧт набеушкаысь казали,— джӧмдывтӧг сӧрыштіс Веня, Ӧльӧксан весиг синсӧ лапнитны эз удитлы, нимкодясис Веня сюсьлунӧн.

— Мунӧй сӧтысь, пӧрысь-нӧмӧ пон тшакъяс ог жӧ кут ӧктыны...

— Ме тай налы сідз жӧ шуа, а

Ӧльӧксан оз сетчы,— водзӧ сӧрис Веня, быттьӧ сідз и колӧ.— Петкӧдлы выльсы, Марпа, да Ӧльӧксанӧс, том мортӧс, бура и янӧдам...

— Мунӧй, вай, ӧвсьӧй, некутшӧм пон тшак менам абу,— Марпа кӧсйис ордйӧдны зонъясӧс, но Веня эз лӧдзчысь.

— Петкӧдлы, петкӧдлы, Марпа, нарошнӧ петкӧдлы,— лӧвтіс сійӧ.

Марпа, буракӧ, гӧгӧрвоис, мый сідз сійӧ оз мын да бара набеушка ӧтар боксыс чышьянсӧ вештыштіс.

— На, сэтшӧма нин кӧ тиянлы ковмис...

— Этайӧс али мый, Ӧльӧксан, чайтін пон тшакӧн? — Марпа эз удит тупйыны набеушкасӧ, Веня суйис сэтчӧ кисӧ да перйис сӧтысь тшак... и тшакыскӧд тшӧтш йики йылас тонвидзис шобдӧ шеп. Повзьӧм нывбаба йӧжгыльтчис, бӧбмӧм морт моз видзӧдіс Веня ки вылӧ. Веня босьтіс набеушкасӧ Марпалысь, а сійӧ весиг и пыксыны эз думыштлы. Сӧмын стракӧн тырӧм синъяснас лапйӧдліс да видзӧдіс, кыззи разисны чышьянсӧ, кутісны ректыны набеушкасӧ. Тшакыс вылысас кык рад и вӧлӧма, а улысас — шобдӧ шепъяс.


— Мд-а-а, Марпида Васильевна,— ӧна дивитана нюзӧдіс Веня,— артмӧ, гусяянный колхоз му вылысь... А таысь вед судитӧны... Расов дорӧ кӧ лӧччӧдам...

Вась Марпа абу на ӧна и пӧрысь быттьӧкӧнӧсь, гашкӧ, ар комын вита, а сулаліс пӧрысь баб кодь, йӧжгыльтчӧма, юрсӧ быттьӧ пельпомъяс костас кӧсйис пыдӧджык суйныдзены, вомкӧтшъясыс калькмунӧмны, ныр бокъясас, син гӧгӧрыс гырысь чукуръяс сермуніны. Тіралан кинас тупйис вомсӧ чышьян помнас да тіралан, коньӧр гӧлӧсӧн шыӧдчис комсомолецъяс дорӧ:

— Энӧй, дитюкъяс, Расов дорад... Лӧдзӧй, прӧститӧй... Челядь ради... Ме эг гусясь, сӧмын бор пӧлӧныс талялӧм шепъяссӧ ӧктышті... Ок, господи, господи... Челядь гожӧмбыд няньсӧ эз аддзывны... Виль нянь воис и бара... — Марпа тьӧт шога бӧрддзис.

— Быдӧнлы сьӧкыд, Марпа, война... Война... А набеушканад кӧ

# УДМУРТЪЯСЛӦН МУ ВЫЛЫН



Няня ар.




Завьяловскӧй районьсь «Свобода»  
колхозса нянь быдтысь-ветеран  
К. А. Ряпалов.




Ижевскысь хлебозаводса пӧжасьысьяс.



«Ижстальса» прокат.



«Ижсталь» объединениеса цехын.



Нефть перйысьяс.



Автозаводса слесарь-сборщик,  
бригадир-наставник  
Г. П. Ощепков.



Ижевска бригадир-строитель,  
СССР Верховной Советса депутат  
Н. Н. Митрованова.




Малопургинской районьсы «1 Май»  
колхозса механизатор, Социали-  
стической Уджвысса Герой  
М. З. Орлов.



Завьяловской районьсы Азин нима  
колхозса нималысь доярка  
А. Т. Моисеева.



«Ижмаш» объединениеын  
уджалысь Нина Казанкина.



Большая Уга сиктса больничайн (Можгинской  
район).



«Ижмаш» объединение балетса самодеятельной артисткяс.



Удмуртияса народной писатель Т. Архипов



Удмуртской драматической театраса артисткяс (шуйгавивсянь): РСФСР-са заслуженной артист Борис Безумов, РСФСР-са заслуженной артистка Нина Бакишева, артистка Галина Владыкина, Удмуртской АССР-са народной артистка Вероника Садаева.

быдөн шердъявны кутам — нōшта на сьōкыдджык лоас, нинōмōн лоō вердны воуйтысьяссō, заводъясын уджалысьяссō...

— Ой, прōститōй менō, юр вежōрōй менам бергōдчōма, мутияс тойлōмаōсь... Ставыс челядь вōсна...

— Ладнō, мунамōй правлениеō. Сэн мый председатель шуас.

Марпа шога бōрдис.

— Вот вед, Марпа, кутшōм лēк гусясьныд, — юрнас доvkйōдлōмōн дивитис сийōс Веня.

Правлениеын некод эз вōв. Веня шеп тыра наберушкасō пунктис пызан вылас, ōзтис карасин лампа, пуксис счетовод пызан сайō, пызан йōрсьыс перйис бумага лист.

— Ладнō, — шлапкис Веня веськыд кинас, — час ми дзoляник акт гижыштам и лēдзам гортад, сōмын мōдысь тадзтō эн вōч.

— Сē пасибō, зарни пиян, — чыш-калис вом доръяссō Вась Марпа да тэрыба чеччис кōтшас лабич вывсьыс. — Сидзкō, ме котōрта челядь дорō. Сē пасибō... Сē пасибō...

— Энлы, первой акт улас кырымась.

Но эз удит Веня дзoляник актō гижны помавны, а Вась Марпа челядь дорас котōртны — керка ōдзōсыс паськыда вoссис и пырис Расов. Правлениеын пукалысьяс виччысь-тōмысла ставныс шай-паймунисны: некод эз казьявлы ни ōшинь увтi сылысь мунōмсō, ни кильчō вылō кайōмсō эз кывлыны. Веня дугдис гижōмсьыс да кинас зилис вевттыны сы водзын куйлысь бумага листсō, видзōдис Расов вылō.

— Тэкс. Комсомольскōй патруль командирыскōд, — нето юалис, нето тōдчōдис асьыс шуōмсō Расов, матыстчылис пызан дорас да шур-шар вōчис сэн сулалысь наберушкасō. — Колхознōй нянь гусялōмысь кутиньыд? Аттō. Мый кутам водзō вōчны? Акт либō протокол гижны?..

Зонъяс чōв олисны, эз лысьтны лолыштны ыджыдджыка.

Расов перйис полевōй сумкасьыс бумага, ручка, лōсьōдчис гижны.

— Расов ѓрт, сылōн посни челядь, оз ков протокол. Сийō мōдысь оз

кут, миянлы кыв сетис... — ньōжйō-ник шыōдчис Расов дорō Веня.

— Ог, ог... Ой, лэдзōй, сьōлōм-шōръяс, — сыркъялис-бōрдис, ōдва лолыс шедис, Вась Марпа.

Расов кузя видзōдлис Веня вылō. Гижис протокол. Пуктис ручкасō. Юрнас доvkнитōмōн индис ручка вылō: босьтōй пō ручкасō, кырыма-лōй протоколсō комсомольскōй патрульса ѓртъяс.

— Да сылōн жō гортас кык челядь, а верōсыс фронт вылын!.. — тōкōтьō эз горзы Веня.

— Вот именнō... Верōсыс фронт вылын, а гōтырыс мужикыслы паныд, позьō шуны. Оз позь, Карманов ѓрт, лоны слабохарактернōйōн, слабонервнōйōн. Война, Карманов ѓрт! Некутшōм личōд дисциплина торкалысьлы, гусясьысьлы. Некутшōм жалитōм оз вермы лоны!..

Марпа вылō, комсомолецъяс вылō зумыша видзōдиг, чōв олыштис Расов, сэсся бара доvkнитис юрнас протоколлань: — Кырымасьōй. Шеп тыра наберушкасō ме босьта кызд вещественнōй доказательство.

Некод места вывсьыс эз вōрзыы. Веня синсō пызан вывсьыс кыпōд-лытōг шамралис шуйга килутшсō, чуньяссō, Ольōксан ōшинь пырыс видзōдис ывлаас. Сылы сэтшōм жаль лон Вась Марпайс, сылōн челядьыо — дзик бōрдмōн, а со ещō бумага кырымавны тшōктōны, мед коньōр мамсō арестуйтны.

Расов вель дыр бара на кыв шутōг синкым увсянныс видзōдис комсомолецъяс вылō, ньōжйōникōн, пызан пōвьяс кыкнан кинас мыджсōмōн сувтис да шуис:

— Талун гусясьысьōс жалитаньыд, аски дезертирōс, так сказать, дзeбанныд! Комсомольскōй патруль шусьō... А Карманов ѓрт, между прочим, кōсийō выльысь фронт вылō мунны, а том зонъяс — комсомолō пырны. Тi кō кōсьянныд дорйыны колхоз нянь гусялысьōс, позьō-ō тi-янлы ѓружие дōверитны? Комсомольскōй билет?!

Веня бырс чеччис пызан сайсьыс, скōрысь видзōдис Расов вылō.

— Вась Марпа абу враг, — Расов

вылө видзөдөмөн негораа шуис  
Веня.

— Талун пока враглы отсасысь, Карманов ёрт!— Расов бара шлапкис паськыд ки лапанас пызанас.

— Ладнө, ме кырымала, но сөмын улиас содта, мый Марпалөн тайё лои несознательнөя, челядь вөснаыс шогсьөмла, войдөр сэтшөмыс сылөн некор эз вөвлы и мөдысь некор оз ло, и оз ков сийөс судитны. Тi тадзсө кырымаланнөд жө,— Веня видзөдліс Ольөксан да Прокө вылө.

Веня матыстчис пызан дорас, лыддис протоколсө да кырымасис, улысас содтөд гижыштіс да бара кырымасис. Ольөксан да Прокө кыклаө жө, кытчө и Веня, кырымасисны.

Вась Марпаөс тірөдіс, сийө частө пернапасасяліс да өтарө лөвтіс: «Ой, господи... Мый лоө? Ой, енмөй, кула ме, кула... И челядь кулөны... Тайё ставнымлөн помным...»

Колхоз правлениеын лои пемыд, гуын моз шы ни төв. И тайё гуыс быттьө быд здукө топаліс, ляпкаліс, вот ставнысө дзабөдас сэтчө веськалөмаясөс. «Пом воө. Со нин дзужа-дзажа кутіс кывны»,— думыштіс Ольөксан и, медым не пөдны гуас, крута веськөдчис, сатшкысис синъяснас пызан сайын сулалысь Расов вылө. Расов, гырысь лысера зэлапөм чужөма, зумыд да топыд, дзажгис-косявліс дженьыд гөгрөс чуньяснас өти пельө-кык пельө, куим пельө-нөль пельө, пыр унджык пельө зонъясөн сөмын на кырымалөм Марпа вылө протокол. Ольөксан эз көсий эскыны аслас синъясыслы. Видзөдліс ёртъясыс вылө: найө вомсө восьтөмөн, чуймөм чужөмаөсь видзөдісны сэтчө жө, кытчө и Ольөксан — Расов чуньяс костті пызан вылө посни чирөн усысь бумагаторъяс вылө. Кор нин кыис лоис тыртөм, Расов чышкыштіс найөс гимнастёрка бокас, кыз чукуръяс сайө вошөм чөд тусь кодь синъяснас өтпырйө ставныс вылө чорыда видзөдіс сы водзын пукалысьяс вылө, зэлыда лолыштіс, да эз шу — ружөктіс:

— Значит... Гөгөрвоиннөд?

Пукалысьяс нем эз вермыны шы-

асыны, нем на эз лысьтны гөгөрвоны, чөв олісны, сөмын Педьө Веня чорыда дзуртыштіс улөснас, кыпөдіс пызан вылө доя кисө, ньөжйөникөн сипталіс-восьталіс кабырсө, уджөдіс чуньяссө. Стен бердө юрсө пөлынтьөмөн, чужөмсө чышъяннас вевттьөмөн пыр на сырмунліс Марпа. Ставөн гөгөрвоисны: мынөны лөкысь, шуштөмысь, вот-вот ставөн кокныда лолыштасны, и мед көть война — лоасны вылысь шудаөсь, морт ногаөсь.

— А тэ, Марпа, гөгөрвоин, мый вермис и вермас лоны тэкөд?— горөдіс Расов, но горөдөмас кыліс эз сы мында лөк, мыйта мөд морт вөсна мөд мортлөн сьөлөм пессьөм-вийсьөм, тайё вийсьөмсө мый вынысь горөдөмөн ортсө йөткыштөм.

Марпа ёнджыка топөдчис стен бердө, топөдчис, быттьө дась вөлі лоны тайё лөсалөм стен кернас, мед сөмын згинитіс-вошис тайё страшнөй рытыс, шеп тыра тайё страшнөй чуманыс... О, господи!— ливөстіс нывбаба, и кык кусынь кусыньтчис, эз төд, кытчө воштыны-дзёбны асысь ловья на, дой да шог кылысь тушасө.

— Смотри, Марпа! Война! Война, Марпа!— мый вынсысь горзіс Расов.

Ольөксан синъяссө чашкөдөмөн видзөдіс да кывзіс Расовөс и төдлытөг восьтіс аслыс виччысьтөмтор: көть и портупеяа Расов, көть оружие сылөн кабураын — сийө сэтшөм жө морт, честнөя олөмөн сысысь нинөмла повнысө, өд сийө коммунист, медыджыдыс сиктса коммунистьяс вылын. И Ольөксанлөн шоналіс, небзис видзөдласыс: Расов мездө найөс — Марпаөс да зонъясөс — чорыд лэчкысь, сетө налы войналысь урок.

— Мунөй гортаныд,— дженьыда тшөктіс Расов.— Шеп тыра чумансө — гумла дорө, өттшөтш видзөдланнөд, кызди мый сэн. Конторасө ме игнала.

Зонъяс педзисны нин өдзөс дорын, а Марпа пыр оз вөрззы стен бердысь. И сәки кыліс содтөд тшөктөм:

— Марш гортад, Марпа! И смотри, Марпа! Война!

Вот сійо «делоыс», кодос Ольоксан Игнатов одвако корко вунодас, перыны позьтём жель моз сійо нэм кежлө коляс паметяс, сьолөмас...

Ольоксанлы сьолөм сертияс вөлі дөзьорнас ветлөдлөмыс. Пөшти быд рыт удж бөрас мыйсюрөөн нурьясьыштөм бөрын тэрмасис Педьө Вения дорө и дась вөлі көть асылөдзяс кытшлавны муяс вывті, гумляяс да складьяс прөверяйтны. Сылы кажитчис, мый найө, комсомолецьяс, кывкутысьясыс, мед некытысь нинөм эз вошлась.

Комсомолө примитигөн Расов ошкыштіс найөс, а Ольоксанлы яндзим. Расов шуө: большевистскөй характер пө да закалка колөны.

Сідзкө, Ольоксанлөн абу на сэтшөм характерыс, көть и примитисны комсомолад.

Сійо жө собрание вылас Ольоксанөс бөрийсны командирөн Педьө Вения чуйдөм серти.

— Ме аскомысь лэчча военкоматө комиссия вылө, кута вөйысьны фронт вылө,— ньөти падьявтөг висьталіс Вения.— Шуйга кий не сөмын нянь шөрөм кутө, но вила и чер нин вермө, кутас и автомат-винтовка, тырмас меным резина мач шамравны. А командирөн комсомольскөй патрульө позьө пуктыны Игнатов Ольоксанөс. Сійо өні комсомолец, принципиальнөй и сюсь синма.

*Водзө лоө на.*

## Анна ДОЛДИНА

Анна Григорьевна Долдина — коми-пермячка. Олӧ да уджалӧ Кудымкарын. Сылысь кывбурьяс мян журнал йӧзӧдліс нин и водзтӧджык. Неважӧн Анна Григорьевналы тырис 50 арӧс. Лыддысьсысяс нимсянь чолӧмалам коми-пермячка чойнымӧс юбилейӧн, сям тыр шуда олӧм, виль радлуньяс поэзия туй вылын.

\* \* \*

Чужан лунӧй бара воис,  
Локтӧй, гӧстьяс, керка тыр!  
Сыланкывсӧ панам збойӧс,  
Гажыс керкаысь эн быр.

Мед оз казав талун некод,  
Эм кӧ сьӧлӧм вылам шог.  
Бур йӧз гажӧдчӧны мекӧд,  
Сӧдзкӧ-й шуда ме на ног.

## Менам рӧд

Менам рӧд ылын йӧзас оз кывсысь:  
Эз вӧв рӧдас ни мельник, ни доктор.  
Ыбын мырсысь пӧль-пӧчьясӧй йывсысь  
Некӧн некор эз вӧйплыны лӧктор.

Сэк, кор поводдя дзескӧдны мӧдліс,  
Пуж да вой тӧв кор пыклісны збыльысь,  
Эз торк зільлунсӧ нем менам рӧдлысь,  
Гӧрис-кӧдзис сэк сы мында выльысь.

Эз тай дзесысьвны йӧз мышку сайӧ,  
Враг кор усъласис чужан му вылӧ.  
Мир да веськыдлун лӧптисны найӧ,  
Менам рӧдыс ӧд Пералӧн йылӧм.

## Лэбовтӧны вояс

Оз нин вочасьны олӧма вояс  
Раскӧ саймовтчӧм дозмӧрьяс моз.  
Шондӧ быд лун виль югӧрьяс кояс,  
Сӧмын ылысмӧм томлунӧй — оз.

Том дыр гажлуныс кылалис ылӧ,  
Кыз тай зэр бӧрын ӧддзылӧм шор.  
Тулыс томьяскӧд шпыннялӧ, кылӧ,  
Но, а ме дӧнӧ косавны сӧр.

Сӧмын весь татшӧм думъяснас ола.  
Эн вай повзӧдчы сэн, пемыд вой.  
Кӧть и жугыльнас корскӧр лӧла,  
Да ӧд ловнам ме зӧв на и збой.

Писькӧслунӧй эз кеж на ас туйысь,  
Быттӧ вӧлись на гӧрддзасьӧ нэм.  
Уна волас на меным тшӧтш тулыс,  
Шондӧ нумъялас унаысь мем.

С. И. ШИРОБОКОВ,  
Удмуртской государственной  
университетысь доцент

## Советской Удмуртиялы 60 во

В. И. Ленин да М. И. Калинин 1920 вося ноябрь 4 лунö кырыма-лисны ВЦИК-лысь да РСФСР-са Совнаркомлысь декрет Удмуртской автономной область котыртöм йылысь. Сэтчö пырисны вöвлöм Вятской губерниялөн Сарапульской, Глазовской, Елабужской да Малмыжской уездяс. А 1934 вося декабрь 28 лунсянь область лоис автономной республикаөн.

Революцияөдзса Удмуртия — сійö царской Россиялөн бөрö кольöм национальной район. Тані кызвыннас вöлі сöмын ичöt крестьянской овмөсьяса видз-му овмөс. Медсясö быдтылісны рудзөг да зөр. Но пу гөр да агас помсыд урожайяссö босьтлісны зев ичötöс. Технической культурыяс пöвстысь көдзлісны шабді да көнтусь. Крестьяна видзлісны скötöс, но продукцияыс вузалöм вылö эз лишавлы. Мөдджык серпасыс вöлі кулакъяслөн овмөсьясын. Налөн бурджык, паськыд муяс вылын быдмис мичаджык шобді и шабді, а уна юрлыда скöt век нин сетліс унджык продукция. Корысялысь крестьянской овмөсьясысь уна верстыö войтыр ветлывлісны бокö, нажötка вылö, медсясö вөр лэдзöм вылö.

Российской империялөн мукöд ылыс районъясысь Удмуртия торъяліс сійөн, мый сәні ёнджыка вöлі сөвмөма көрт руда перйöм да сійöс сывдöм. Та могысь эз ковмы ылысь вайны ломтас. Йöзыс сяммисны вöчны пу шом, велөдчисны сывдны көрт. Европалөн тайö асыввыв юкөнас кивыв вöліны ва туйяс. Став грузьяссö, сы лыдын и вөр, позис нуны Кама да мукöд юяс кузя. Та вöсна Удмуртияын кутісны кыптыны пу шомён ломтысян домнаяс, сөвмис металлургической промышленность. Воткинской да Ижевской заводьясын кутісны дорны якөрьяс, бöрын-джык вöчны ружьяяс, инструментьяс, а сәсся и пароходьяс, баржаяс, паровозьяс, видз-му овмөс машинаяс. Заводьяслы колана вöрсö пөрөдісны да кыскалісны Поволжьеысь. Медбур пуяссö бөрйылісны шом вöчöм вылö. Сәтысь жö дасьтылісны пес. Кварцевой лыа да Удмуртияса вөрьясын вöчöм шом вылын уджалісны Сюгинской, Сергиевской, Валамазской да мукöд стеклö сывдан заводьяс.

Удмуртияын, кызди и став Вятской губернияын, ёна паськалісны кустарной промысльяс. Но промышленностьыс тані сөвмис вывті нбөжйö, зев улын вöлі удж производительность, дона сувтліс товарыс. Öд унатор вöчлісны ки помысь, зев важ машинаясөн. Весиг Ижевской да Воткинской заводьясын первой империалистической войнаөдз да Октябрьской революцияөдз став оборудованиеыс вöлі ёна важмөма. Экономическая сөвмөм кузя Удмуртия ылö бөрö кольччис Россияса шөр районъясысь. 1913 воын Удмуртияса öти олысь вылö промышленностьлөн валөвой продукцияыс шөркодя воис кум пöv этшаджык мукöдлаын серти.

Революцияөдз татчöс йöз пövстысь унджыкыс вöліны пемыдöсь.

Этша вöліны школаяс. 1911 воын начальнöй школаясын быд тысяча мортысь велöдчисны сöмын нелямынön. Этшаön вермисны пырны среднöй учебнöй заведениеясö. Вузьяс эз вöвны. Вичкояс да трактирьяс восътавлісны унджык больничаяс серти. Удмуртия нималіс политзаключённöйяслön ссылка местаön. Та вöсна царизм эз сöвмöд тані экономика да культура, мырдön пыртіс йöз пöвстö роч кыв, öзтіс национальнöй лöглун.

Удмуртияса уджалысь войтыр ыджыд кыпыдлунön чолöмалісны Великöй Октябрьскöй социалистическöй революция. Октябрь 27 лунö (виль ног ноябрь 9 лунö) Ижевскын котыртісны Сöветскöй власть. Но вöлі гражданскöй война, мунісны чорыд тышьяс. Еджыдьяс жуглісны заводьяс, нуисны, бырöдісны сэтысь оборудованиесö. Унджык промышленнöй предприятиеяс сулалісны. А сійö заводьясыс, кодьясöс позис уджодны, сетісны вывті этша продукция. Видз-му овмöс кузя ёна кучкис 1921 вося кос гожом. Ичöt урожайяс вöсна мöд тулыснас коліс кодзтöг став муяслön кык коймöд юкöныс. Джынвийö чиніс вöвьяслön юр лыдыс.

Пикö воöмысь мездіс Сöветскöй правительство: удмуртъяслы мөдöдіс 566 тысяча пуд кöйдыс, 147 тысяча пуд нянь, 100 тысяча пуд картупель, сетіс 1,5 миллион шайт. Роч да мукöд народ-вокьяс отсöбön уджалысь йöз Коммунистическöй партия веськөдлөм улын вочасön венісны разруха да 1928 воын зумыд кокьяс вылö сувтöдісны народнöй овмöс.

Индустриализация воясö вуж выйön вильмөдісны да паськөдісны важ предприятиеяс, сы лыдын Ижевскöй да Воткинскöй заводьяс, ёнмөдісны налысь вынйöрсö. Ижевскöй заводын сувтöдісны странаын витöд блюминг. Кутісны уджавны ТЭЦ да газогенераторнöй станция. Заводьяс кутісны лэдзны виль пөлöс продукция: Ижевскын — медводдза сöветскöй мотоцикл, Воткинскын — медводдза экскаватор, зарни да платина шедöдан промышленностьлы — медводдза драга. Сöветскöй правительстволön торья заказ серти Воткинскöй заводын вöчисны земснарядьяс, кодьяс отсалісны стрöитны Волго-Донскöй да Москва нима канальяс. Вөрön озыр районьясын воссисны леспромхозьяс, стрöиталісны вөр обработайтан заводьяс (Можгаын, Уваын). Шабді быдтан районьясын кыптісны кудель вöчан фабрикаяс, воссялісны вый вöчан заводьяс...

Виль социалистическöй подув вылö лои сувтөдöма видз-му овмöс. Крестьяна öтутчалісны колхозьясö. Государство сетіс артельяслы тракторьяс, комбайньяс да мукöд машинаяс. Карьяс гөгөр котыртчисны совхозьяс, картофель да град выв пуктасьяс вөдитөм, йöv да яй вöчөм кузя подсобнöй овмөсьяс.

Сельскöй районьясын промышленностьлön сöвмөмыс да колхозьяс котыртöмыс ёна вежис сиктъяслысь да грездъяслысь чужöмбансö. Вöвлөм заводскöй посёлокьясысь быдмисны карьяс, вильön овмөдчөм местаясö сувтісны посёлокьяс.

Великöй Отечественнöй война öзйөм бöрын пыр жö Удмуртскöй АССР-лысь народнöй овмөссö лои веськөдöма социалистическöй отечество дорйөм вылö. Öдйö кутісны кыптыны виль заводьяс, тшöтш и сэтшөмьяс, кодьясöс разисны да вайисны фронтладорысь. Ломтаснас вöліны республикаса вөр да торф.

Ыджыд öдөн кутіс сөвмыны Удмуртскöй автономнöй республикалön экономикаыс война кусөм бöрын. Революцияөдз 160 воён Удмуртияын вöлі стрöитöма сöмын 93 неыджыд промышленнöй предприятие, а Сöветскöй власть воясö — öти тысяча да джынйысь унджыкös. 1940 воын валөвöй продукция лэдзöмыс содіс 1913 воын серти 21,2 пöv, а 1979 воын — 1100 пöv. Öні республикаса промышленнöй предприятиеяс öти уджалан

лунён вöчöны 4 пöв унджык сы серти, мыйта революцияöдз сетисны став заводьясыс да фабрикаысыс во чöжөн.

Сöветскöй власть воясö республикалөн экономикаыс кыптö социалистическöй государстволөн öтувья план серти. Артмис страна са мукöд областьяскöд да республикаыскöд öткодья сям, но аслас туй визия территориально-производственной комплекс, Уралса экономическöй районлөн торйöдны позьтöм юкөн. Удмуртиялөн производственной комплексын подувнас лои чёрнöй металлургия, нефть перйöм, машинаыс стрöитöм, металл обработайтöм, вөр лэдзöм да обработайтöм, лесохимическöй промышленность, скöт видзöм, шабдй вöдитöм.

Республика öнй тöдчымöнья вермö могмöдны асьсö стрöитчан материальясөн, няньён, картофельён, град выв пуктасьясөн, кöм-паськöмөн да мукöдторйөн. Экономикалысь тайö юкөнсö веськöдöма сы вылö, медым комплекснöя вермис сöвмыны Сöветскöй Удмуртия.

Республикалөн индустрияын медыджыд места босьтö металлургия. Водзтй Удмуртияын вöли некымын металлургическöй завод. Но ас рудатöг, из шомтöг, нефтьтöг, газтöг да мукöд ломтастöг эз вöв коланлунысы сы мында ичöт предприятиеяссö уджöдны. Сы вöсна сталь сывдан став заводьяссö вöли öтувтöма да паськöдöма Ижевскын. Сэтчö вайöны Уралысь чугун да матысса областьясысь важ кöрт.

Революцияöдз домнаяс ломтысисны вöрын вöчöм шомён, бöрья кадöдз — пу сотöмысь артмöм газён, а öнй — кельыдлöз ломтасөн да мазутён. Бöрья дас воён «Ижсталь» объединениеын заводитис уджавны цех, кöнй кöртсö сывдöны электричествоён. Сувтöдисны сйдз жö вылын стöчлуна прокат вöчан стан «250». Объединение нималö бур качества, легированной да электростальясөн, сортövöй прокатён да с. в. Вылын качества стальсö танй пуöны производствö медся выль технология пыртöмөн — кизьöр синтетическöй сорасьяс содтöмөн, кисьтöны формаясö улын давлениеа сынöд пыр. Та дырйи металлсö вöчöмыс сувтö донтöмджык, сййö лöк крепыдджык, оз кольчыгырысь домнаясса электрическöй пачьясын сывдöм стальысь. Сэк жö металлын кольöны этшаджык сера да мукöд ковтöм сорасьяс. Сйдзкö, мартенын лэдзöм стальысь сййö чорыдджык да сэк жö нюдзджык, шыльыдджык веркöса.

Прокатной, кузнечно-прессövöй да штампуйтчан производствöысь кындзи машинаыс стрöитöм вылö стальсö сетöны литейщикьяс. Специализуйтöма металлургическöй да машинаыс стрöитысь заводьяслысь литейной цехьяс. Ыджыд стöчлунон вöчöм формаясö кисьтöм стальысь детальяс тöчитöгөн этша усьö стружкиыс, вöчны сййöс лöк ёна регыдджык, а сйдзкö и донтöмджык. Тайö сетö позянлун ёна содтыны удж производительность. Ижевскöй механическöй да Держинский нима Сарапульскöй заводьяслөн цехьясын кисьтöм детальяс сэтшöм стöчöсь, мый найöс оз весиг ков тöчитнысö. Татшöм жö машина частьяс кутасны лэдзны «Ижмаш» объединениелөн предприятиеясын. Кöрт сывдан ыджыд цех востöма «Буммаш» Ижевскöй заводын.

Машинаыс стрöитан да металл обработайтан Удмуртияса заводьяс кызвыннас уджалöны Ижевскын сывдöм кöрт вылын. Листьяса да мукöд вöсни прокатьяс, цветной металльяс вайöны Уралса предприятиеясысь, Новосибирскысь, Украинаысь. Татшöм йитöдьясыс лоисны позянаён сы вöсна, мый Удмуртия куйлö страна шöрын. Мукöд областьяскöд автономной республикаöс йитöны Киров — Пермь — Свердловск, Казань — Сарапул — Свердловск кöрт туйяс, уна ваа Волга юлөн вож — Кама. Удмуртиясянь матынöсь Урал да Сибирь.

Автономной республикаса предприятиеяс лэдзöны металльяс обработайтан, нефть перьян, вөр лэдзан, целлюлозно-бумажной да химическöй промышленностьлы оборудование, вöчöны мотоцикльяс, автомашинаыс, вöралан ружьяс, подшипникьяс да уна мукöдтор.

Металл обработайтõм кузя важ центръясын — Ижевскын, Воткинскын вõчõны станокъяс да инструментъяс, кодъясõс мõдõдõны СССР-са став экономическõй районъясõ да уна странаясõ. Воткинскын стрõитõма радиотехнологическõй приборъяс да инструментъяс вõчан специализируйтõм предприятие. «Ижмаш» объединение водзтї мõдõдлїс сõмын некымын пõлõс станокъяс. Сэтчõс предприятиеяссõ выльмõдõм бõрын кутасны лэдзны полуавтоматическõй да автоматическõй оборудование, а Воткинскõй машиностроительнõй заводуын мõдасны вõчны программнõй управлениеса фрезернõй станокъяс.

Удмуртиясянь матын Поволжьеса, Уралса да Рытыввыв Сибирса нефть. Сьõд зарни перъян да обработайтан промышленностьлы оборудованиесõ сїдз жõ вõчõны тайõ республикаса предприятиеясын. Дзержинский нима Сарапульскõй да «Нефтемаш» Ижевскõй заводъяс мõдõдõны нефтяникъяслы скважинаяс писькõдан кõлуй, му пõtшва улысь ломтас качайтан насосъяс да мукõд пõлõс механизмъяс.

Странаса уна леспромхозъясын пõрõдчõны Ижевскын чукõртõм электрическõй пилаясõн. Камбарийскõй завод мõдõдõ вõр лэдзсыяслы векни кõлеяа кõрт туйвывса тепловозъяс, платформаяс, лым весалан машинаяс, пассажирскõй вагонъяс. Кык во сайын тайõ предприятиеяс кутїсны стрõитны паськыд кõлеяа кõрт туй вывтї вõр кыскан техника, вõр обработайтан заводъяслы пилорамаяс. В. И. Ленин нима Ижевскõй заводуын вõчõны паро-силõвõй да теплõвõй установкаяслы редуكتورъяс.

«Буммаш» Ижевкска завод мõдõдõ бумага вõчан зэв ыджыд, вынйõра машинаяс. Сы йылысь, мый тайõ машинаяссыс збылысь зэв гырысьõсь, вынйõрайсь да ыджыд õдаõсь, висьталõ некымын лыдпас. Газетнõй бумага лэдзан «Б-15» агрегатлõн сьõктаыс 3500 тонна, кузьтаыс — 120 метр сайõ, электромоторъяссылõн вынйõрыс õтлаõдõмõн — 11 тысяча киловатт, õти минутõн машина лэдзõ 6270 миллиметр пасьта да 850 метр кузьта бумага лист, а суткйõн — 330 тонна. Татшõм машинасõ, медся выльяс пõвстысь õтиõс, сувтõдõма Карельскõй АССР-са Кондопожскõй целлюлозно-бумажнõй комбинатõ. Но заводса конструкторъяс пыр выльмõдõны машинаяссõ, содтõны сылысь вынйõрсõ, õдсõ.

Страна пасьта нималõны Ижевскõй заводъясын вõчõм мотоциклъяс, автомобилъяс, вõралан ружьеяс. 1978 воын сэтчõс конвейеръяс вылысь петїсны 5 миллионõд мотоцикл, миллионõд автомашина. Стрõитсьõ мотоциклъяс чукõртан выль механическõй корпус. Серийнõя лэдзигкежлõ дасьõсь выль сикас мотоциклъяс да автомобилъяс.

Õдйõ сõвмõ радиотехническõй промышленность. Сарапулын да Ижевскын вõчõм радиолаяс да радиоприёмникъяс — «Урал», «Сириус», «Кама», «Агат» окотапырысь ньõбõны страна пасьта. «Урал» радиолалы сетõма первой класс, а «Орленок» да «Космос» микроприёмникъяслы — качествомысь государственнõй Знак. Тайõ жõ заводъясас вõчõны «Шлюп», «Плот» да мукõд портативнõй спасательнõй радиостанцияяс.

Металл обработайтан промышленностьлõн предприятиеяс вõчõны да мõдõдõны страна пасьта электрокаръяс, керка жыръяс шонтысь радиаторъяс, вентиляторъяс, никельõн вевттьõм юрводза крõватъяс, пясасян машинаяс, газõвõй плитаяс да йõзлы колана мукõд тõваръяс.

КПСС XXIII съездлõн решениеяс серти выль промышленнõй строительство нуõдсис шõркодъ да ичõt каръясын. Õдйõ кыптїсны заводъяс Глазовын, Воткинскын, Можгаын, Сарапулын, Камбаркаын.

Вõр да вõр обработайтысь промышленность — автономнõй республикалõн производственнõй комплексын медся тõдчана юкõнъяссысь õти.

Водзті вöрсö пöрдлісны сöмын тöлын, а тулыс-гожöмын кылöдлісны юяс кузя. 1954 восянь леспромхозьяс заводитісны пöрдчыны во гөгөр чöж. Сортавка лэдзысьяс кö тöдлісны сöмын чер да кык воропа пила, öні быд пöрдчысь кыин — бензомоторнöй да электрической пилаяс. Пуяс увйöны машинаяс, петкөдöны вöрсö вынйöра тракторьяс, автомашинаяс да көрт туй вывтi — тепловозьяс. Став сьöкыд уджьяссö лесопунктъясын механизируйтöма. Содіс удж производительность, страналы вöрыс кутіс воны ёна унджык. Вежсис и пöрдчöмын технологияыс. Водзті вöрö кольлісны уна лөп-өг, увьяс, пу йывьяс. Бөръя воясö дялянкаяс вылысь вöрсö кутісны нуны ставсö. Медым эз жуглась понöльыс, пöрдчöны векныд лентаясөн. Республикаса леспромхозьяс мөдөдöны продукциясö странаса стройкаяс вылө, шахтаясö. Найö жö сетöны уна пес, тшöтш и промышленностьлы. Сідз, места вылысь заптöм ломтас вылын 1969 воөдз уджаліс Ижевскöй металлургической заводса газогенераторнöй станция.

Вөр обработайтан промышленностьын медся ыджыд юкөн босьтö вөр пилитöм да керкаяс стрöйтöм. Иргаса комбинатын вöчöны мебель, лыжи да мукөдтор, а вөр колясьясысь — цементно-фибrolитöвöй плитаяс. Сарапулын лэдзöны древесностружечнöй плитаяс. Коз, бадь да дуб кырсьясысь Можгаын вöчöны кучик дубитан вещьвоаяс. Тайö жö заводыс переработайтö Коми АССР-ысь вайöм кырсь.

Удмуртияын вöчöны уна кирпич, көртысь да бетонысь плитаяс, силикатнöй кирпич. Ыджыд вынйöра кирпичнöй заводьяс стрöйтöма Ижевскын, Воткинскын, Сарапулын. Факелын, Валамазын сывдöны стеклө. Можгаса стеклө вöчан заводысь продукция мунö химической промышленностьлы. Сэтчöс стеклöысь вöчöны стрöитчан материал.

Пыр сөвмö да паськалö Удмуртияын видз-му овмөс, лөгкөй да пищевой промышленность. Шабдi быдтан районьясын стрöйтöма кудель вöчан фабрикаяс. Сарапулын дубитöны кучик. Ижевскын уджалöны трикотажнöй, художественнöй тöварьяс вöчан да мукөд фабрикаяс, паськөм вуран производственнöй объединение.

Ломтас пыдди Удмуртияын водзті пöльзуйтчисны медсясö пескөн. Надым — Пермь — Ижевск — Москва газопровод стрöйтöм бöрын ёна этшаджык кутіс ковны пес, донтөмджык лои көрт. Республикаса рытывыв, шөр да войыв районьясысь перйöны уна торф. Предприятиеясса энергетической овмөсьяс вочасөн вуджöны мазут вылө. Теплоэлектроцентраляссö природнöй газ да мазут вылө вуджөдөм бöрын ёна этшаджык кутіс ковны Кузнецкса из шом.

1969 воын Увинскöй да 1971 воын Якшур — Бодьинскöй районьясысь нефть аддзöм бöрын Удмуртия пырис нефть перьян районьяс лыдö. Öні республикаын котыртöма нефть да газ перйöм кузя нель управление. Öні учёнöй-геологияс тöдмалöны республикалөн лунвылысь Прикамскöй из шом бассейнлысь запассö.

Промышленнöй центрьясын стрöйтöма электростанцияяс. На пөвстын медся ыджыдыс — Ижевскöй ТЭЦ. Сійö уджалö торф да природнöй газ вылын. Удмуртиялысь народнöй овмөссö электрифицируйтöмын ыджыд пай босьтö Воткинскöй ГЭС. Сійö йитіс «Удмуртэнерго» системаөс Уралсакөд. Лоис позянлун электрифицируйтны став колхозьяс да совхозьяс. Но электроэнергияөн пöльзуйтчöмыс пыр содö. Медым мөмөдны электричествоөн став овмөсьяс, стрöитсьö ИЖ ТЭЦ-2. Сылөн первой öчередьыс сетö нин ток.

Удмуртиялысь пöшти джын муяссö сетöма колхозьяслы, совхозьяслы да мукөд овмөсьяслы, көні вөдитöны видз-му, быдтöны скötöс. Гөран муясыс медсясö лунывыв, асывыв районьясын, войвылын Чепца ю бассейнын. Видзьяс шылькнитчöмаөсь медсясö ойдлан местаясын — Кама, Чепца, Вала да мукөд юяслөн берегьяс пöлөн.

Колхозъясын да совхозъясын öнi уджалöны 15,4 тысяча сайö трактор, 5 тысяча сайö комбайн, 7,4 тысяча автомашина да уна мукöд техника. Видз-му овмöсса предприятиеяс электрифицируйтöм да механизмируйтöм ёна кыпöдö удж производительность, чинтö продукциялысь донсö, кокньöдö йöзлысь удж.

Став кöдзаяслöн куим витöд юкöныс — зернövöйяс. Няньлöн урожайыс бөрья воясö тöдчымöн содiс. Но странаса мукöд областъясын серти ичöтджык на. Öд гектар вылысь босьтöны сöмын на 12—13 центнерöн. Технической культурыяс пöвстысь медся уна быдтöны шабдi. Сi-йöс кöдзöны войвылын и рытыввылын, васöдджык муяс вылö. Быд районын вöдитöны картофель. Мукöд пöлöс град выв пуктасьяс кызвыннас быдтöны карьяс бердын. Став муяслысь нельöд юкөнсö босьтöны öти да уна вося турунъяс. Бура быдмö кукуруза, подсолнечник. КПСС ЦК-лөн майской (1966 во) пленумлөн постановление бöрын республикаын ёна кутiсны бурмöдны изöрмöм важ муяс. Сэтчö ваялöны да разöдöны торф, органической да минеральной удобрениеяс, известь. Муяс «томмö».

Унджык кöрымöн вердчöм да скöтлысь пöрöдасö бурмöдöм отсалiсны содгыны йöв да яй вöчöм. Бөрья воясö ёна содiс порсьяслөн юрлыдыс. Скöт видзöм пыр паськалö, вуджö индустриализация пöдув вылö. Стрöйтсьöны скöт видзан гырысь комплексьяс. Көть абу ыджыд тöдчанлуныс, но быдлаын видзöны ыжъясöс да чипанъясöс. Карьяс дорö стрöиталöны чипан быдтан фабрикаяс.

Удмуртияын видз-му овмöс öдийö кутiс сöвмыны КПСС-лөн XXIV да XXV съездьяс да партия ЦК-лөн мартовской (1965 во), июльской (1978 во) пленумьяс бöрын.

Республикаын ыджыд тöдчанлуныс көрт туйяслөн да юяслөн. Көрт туй кузя пассажирьяс вермöны мунны страналөн быд областьö. Сидз, «Удмуртия» фирменной поезд ветлö Ижевсксянь миян Рöдиналөн столица Москваö. Кама кузя нуöны суднояс вылын вөр, стрöитчан материал, нефть, нянь. Кама посёлөкын, Сарапулын, кытчö воö көрт туй, Кама юлөн берегын стрöитöма ыджыд перевалочной базаяс. Юяс важысянь вöлины йöзлы медся донтöм туйөн. Сэтi кылöдлiсны вөр. Но öнi юяс сöстöмөсь. Вөр кылöдöм Удмуртияын дугöдöма.

Республикаса автомобильной туйяслөн кузьятыс 6,3 тысяча километр. Автотранспортөн медсясö новлöдлöны грузьяссö республика пытшкын. Найö йитöны районьяс, карьяс.

Сöвмö авиация. Удмуртиялөн столицаянь самолётөн позьö веськавны странаса быд карö, рубеж сайö, республикаса медся ыли районьясö.

1979 воын Удмуртской АССР-ын олiсны 1,5 миллион морт — 1 квадратной километр вылын 36 морт. Революцияöдз Россиялөн тайö пельöсын лыддыссылыс сöмын кык кар — Сарапул да Глазов (В. Г. Короленколөн шуöм серти абу збыль кар). Заводской посёлөкьяс пöвстын медся ыджыдьяснас вöлины Ижевск да Воткинск. Сöветской власть воясö сöвмысь индустрия быдтiс и рабочейй посёлөкьяс, содiсны йöз. Öнi Удмуртияын 6 кар да 15 рабочейй посёлөк. 1926—1979 воясö карьясын олысьясыс содiсны 7 пöв. Став йöз лыдысь 67 процентыс öнi олö карын.

Сöветской власть воясö вежсис карьяслөн чужöмбананс. Сэни быдмисны промышленной предприятиеяс, пу стрöйбаяс пыдди кыптiсны кирпичысь да бетонной плитаясысь уна судта олан керкаяс.

Пыр öтарö мичаммöны и сиктьяс. Сэтчöс войтыр пöвстысь ставыс лоисны грамотнойöсь. А öд 1911 воын удмуртъяс пöвстын муртса сямисны лыддысьны да гижны сöмын 7 процентыс. Öнi республикаын востöма 873 школа, сы лыдын 340 средней, 26 профессионально-технической училище, сы мында жö техникум, 5 вуз.

Удмуртъяс пöвстысь петiсны страна пасьята нималана учёнöйяс, пи-

сательяс, поэтъяс, композиторъяс. Тайӧ профессоръяс С. И. Ворончихин, А. И. Перевощикова, Ф. Ф. Сысоев, А. А. Тронин, В. В. Туганаев, гижысьяс М. Петров, М. Лямин, Г. Архипов, Г. Красильников, А. Клабуков, композиторъяс Г. Корепанов-Камский, М. Шкляев, уна артист, художник.

Экономика да культура сӧвмӧдӧмын ыджыд вермӧмъясысь, Удмуртиялӧн Россияӧ пырӧмсянь 400 вося юбилейкӧд йитӧдын республикаӧс 1958 воын наградитисны Ленин орденӧн. 1970 воын автономия котыртӧмсянь 50 во тырӧмкӧд йитӧдын республикалысь Знамясӧ мичмӧдис Октябрьскӧй Революция орден, а СССР-лы 50 вося юбилей дырйи — Дружба народов орден.

Сӧветскӧй власть воясӧ Удмуртия да Коми АССР костын лӧсьӧдӧма топыд культурнӧй йитӧдъяс. Учӧнӧйяс волысьӧны вузъясӧ, лыддьӧны студентъяслы лекцияс, ӧтвыв нуӧдӧны конференцияс, конгрессъяс, симпозиумъяс да мукӧд научнӧй аддзысьлӧмъяс — торйӧн нин финно-угроведение, языкознание да народнӧй фольклор кузя. Ӧд коми да удмуртскӧй народъяс коркӧ сӧрнитлӧмаӧсь ӧти кыв вылын. Ӧнӧя грамматикаясын ӧткодъ кывъясыс зэв уна. Эмӧсь йитӧдъяс и художественнӧй литература юкӧнын.

Удмуртияса промышленнӧй предприятиеясысь уна сикас продукция воӧ Коми республикаса лесхозъясӧ, леспромхозъясӧ, вӧр обработайтан предприятиеясӧ.

Удмуртияын вӧчӧм радиоприёмникъяс, радиолаяс, вӧралан ружьеяс, сьӧрысь новлӧдлан радиостанцияяс, автомобильяс, мотоциклъяс — ставсӧ тайӧс позьӧ аддзыны талун Коми республикаысь.

Коми АССР миянлы мӧдӧдӧ нефтепродуктъяс, дубитчан кырсь да с. в. Воркутаса из шомысь Череповецын вӧчӧны странаын медся бур кокс. Сы вылын Удмуртияса заводъясын сывдӧны бур сталь. Но кык республика костын йитӧдъясыс тырмытӧмӧсь на. Найӧс ёна на колӧ паськӧдны, сӧвмӧдны. Тайӧ лоас позянаӧн, кор Коми республика йитчас Удмуртиякӧд веськыд кӧрт туйӧн. Ӧд ӧнӧи вӧр обработайтан Сарапулса комбинатӧ сырьӧсӧ вайӧны Кама кузя Пермскӧй областысь, а керкаяс стрӧитысь Иргаса заводӧ — кӧрт туй кузя Свердловскысь. Тайӧ сырьӧыс сувтӧ дона. Ыджыдджык выгӧдаыс, вӧрсӧ кӧ вайны Коми АССР-ысь.

Удмуртскӧй Автономнӧй Сӧветскӧй Социалистическӧй Республика пасйӧ ассыс 60 вося юбилейсӧ экономика да культура юкӧнын ыджыд вермӧмъясӧн. Ӧдйӧ, гырысь воськовъясӧн сӧвмӧ Сӧветскӧй Удмуртия, народ-вокъяслӧн чужан му.

Сергей МОРОЗОВ

# Тима Вень ордын

## ОЧЕРК

— Мыйсянь заводитчө Рөдина?— юалисны кө Пожөг сиктса дас көкъямыс арөса учитель Вениамин Чисталевлысь 1908 воын, вочавидзис эськө тадзи:

— Рөдина заводитчө миянӧс кытшалысь вөр-васянь, сылӧн помтӧм мичлунсянь да уна пӧлӧс озырлунсянь. Сійӧ заводитчө чужан сиктӧс кытшалысь, нәмсӧ шувгысь пармасынь да лӧня шывгысь Эжвасынь.

Природа помтӧг радейтӧмыс, сы йылысь мича серпасъясыс тӧдчисны поэтлӧн дзик быд воськолын. Тайӧ шуӧмсӧ поэбӧ вынсьӧдны кӧть нин татшӧм примерӧн.

Кызьӧд вояс шӧрын быдмысьсӧвмысь коми писательяс чукӧрлы кутис ковны аслас печатнӧй орган. Та кузя писательяс шыӧдчисны ВКП(б) Коми обкомӧ, кодӧ пыр жӧ могмӧдӧс налысь корӧмсӧ: вӧли шуӧма заводитны лӧдзны 1926 вося октябрь тӧлысьянь общественно-литературнӧй журнал.

Кутшӧм ним сетны выль журналлы?

Вӧли юӧртӧма писательяс, журналистъяс да лыддысьысыяс пӧвстын та кузя мыйкӧ конкурс сямаӧс: кодӧ вӧзъяс медся мича да лӧсялана ним коми писательяслӧн сӧмын на чужысь журналлы.

Тайӧ конкурс вылас медводз шыӧдчис Помӧсдинсянь Тима Вень. Сійӧ йӧзӧдӧс «Коми сикт» газетлӧн июнь 5-ӧд лунся номерын нейджыд гижӧдтор: «Кутшӧм ним журналлы пуктыны?» И вӧзйис «Ытва» ним.

Тима Веньлы, кодӧ чужис-быдмис

Эжва юдорса коми сиктын, уна кӧджӧсь ичӧтик Помӧс ю заводитчанинын паськыда ылькнитысь ытваыс йиджліс сьӧлӧмӧдзис. Сылысь мичсӧ да вынсӧ поэт бӧрынджык сывліс-ыдждӧдліс уна аслас гижӧдын. Медводдза стенгазет, кодӧс лӧдзӧм кетыртис Тима Вень, бара жӧ нимтіс «Ытва» нимӧн.

Ытва — битва!

Олӧм — ытва,

Олӧм — битва,

Битва — чорыд кось!

Татшӧм шуткаӧн Тима Вень вынсьӧдӧс выль стенгазетлысь нимсӧ. «Ытва» нимысь мичаджыкӧс сійӧ эз кӧсйы корсьны и коми журналлы. Мед кӧть и журналлы сетисны «Ордым», а эз «Ытва» ним, но Тима Вень аслас вӧзйӧмӧн кутшӧмакӧ отсалис журилы чужтыны мӧвп журналлы ним бӧрйӧм кузя. Орчӧдны кӧ кык тайӧ нимсӧ, абу сьӧкыд казьяны: символическӧй подулыс налӧн пӧшти ӧткодь: «Ордым» да «Ытва» кутасны чуксавны да отсавны пармаса олысь коми йӧзлы петны шуда выль олӧмӧ.

Ми Помӧсдинса школалӧн краеведческӧй музейын. Кӧть и сійӧ шусьӧ краеведческӧйӧн, но медся озыра да радейтӧмӧн лӧсьӧдӧмны В. Т. Чисталевлы сийӧм стендыяс, ӧд школа новлӧдлӧ сылысь ним. Музейлысь экспонатъяс озырмӧдӧм-бурмӧдӧм вылын мудзлытӧг уджалӧны писательлӧн нылыс, коми кыв да литература велӧдысь, Коми АССР-са заслуженнӧй учитель Муза Вениаминовна Чисталева, племянникыс, учитель-пенсионер Иона Васильевич Игнатов, музейӧн заведуйтысь географ-биолог Лидия Васи-

льевна Кучева, а колана фотоснимокъяс вöчö писательлөн пиыс Вокан Вениаминович Чисталев.

Стендъясөн бура да пыдисянь тöдмасьöм бöрын медводз чужö сэтшöм мөвп: збылысь мича поэзиялөн, ссстöм чувствоясөн йиджтысьöм гижöдъяслөн нэмыс век ёна кузьджык авторыслөн олöм туй серти.

Вениамин Тимофеевич чужліс 1890 воö, крестьянин семьяын. Сылсн бать-мамыс Тимофей Иванович да Анна Григорьевна быдтисны вельыджыд позтыр: вит ныв да куим пи. Чся-вока пиыс Веня вöлі нельöдөн, а Иона вокыс (Жан Морöс) витöдөн. Талун кежлö Чисталевъяслөн көкъямыс чоя-вока котырысь ловъя сöмын Вера Тимофеевна, коді Вениамин воксыс ичöтджык öкмыс всөн. Сійö воськовтис нин 80 вося олöмлысь тагöс, но кыпид сьölöма на, тölка да варов нывбаба. Вера Тимофеевна казътывлö налөн бать Тимофей Иванович йылысь. Помöсдин вöлөстын Тимофей Иванович Чисталев вöлöма тölка, пöчитайтана морт, мукöд крестьяна серти грамотнöйджык, 1903 воын гижлöма

докладнöй Усть-Сысолюкса земскöй собраниелы, көні корис восьтыны школа Бадьельйив сиктын (Помöсдинсянь 12 верст), көні эз велöдчыны школьнöй арлыда 60 нывка да зонка. Но Тимофей Чисталевлсн зильöмъясыс вошины весьшөрö: сылөн гөлöсö эз кывзысьны.

Оз позь не пасйыны Чисталевъяс семья олöмын и татшöмтор. Помöсдинö кыкысь воліс 1902 да 1903 воясö революционер, учёнöй-исследователь В. А. Русанов, и кыкнанысьсö сувтліс-оліс Тимофей Иванович ордын. Сэки Тима Веньлы вöлі сöмын 12—13 арöс, но В. А. Русановлөн волöм йылысь сійö помнитис нэмсö.

Вокъяс Вениамин да Иона Чисталевъяс первой велöдчисны асланыс сиктса начальнöй школаын, сэсся Вениамин муніс Деревянскса двухкласснöй школаö. Сійöс помалöм бöрын заводитліс сдайтавны экзаменъяс Тотьмаса учительскöй семинарияö, но эз вермы.

Сьöкыдпырысь сійö лоис начальнöй школаса учительлөн Пожög сиктын, а сэсся вуджис гортас, Помöс-



Тайö керкасö стрöитліс Тима Вень ачыс.

дінö. Вит во чöж том учитель велö-  
дiс крестьяналысь челядьсö. Уна  
вын пунктiс сы могысь, медым велöд-  
ны челядьöс ас коми кыв вылын. Ве-  
сиг гижис налы лыддьöм вылö  
«Быдманторъяс» коми книга (вөр-  
пу йылысь), кодöс, дерт, сэкса кадö  
эз вöв печатайтöма, гижöма вöли ки  
помысь, сöмын аслас школалы.

Ыпъяліс империалистическöй вой-  
на. Страшнöй война шырис верстыö  
йöзöс. 1915 воö война вылö нуисны  
и Тима Веньöс, воуйтiс кык во чöж.  
Салдатскöй олöм йылысь, новобра-  
нецъясöс муштруйтöм йылысь сійö  
висьталö «Шойна» повестыын. Фев-  
ральскöй революция Тима Веньöс  
суис Украинаын, Киевын, көні сійö  
велöдчис военнöй училищеын. Но  
сійö, сьöкыд тышъяс пыр прöйдитöм  
бöрын, эз көсйы лоны офицерөн,  
синнас эз вермы аддзыны война. Та  
йылысь гортас öти письмöын сійö  
гижис: «Мыйта шог да синва? Код-  
лы тайö колö? Ме жö медводдза  
лунсянныс да кувтöдз кута ёрны та-  
йö войнасö, ме сійöс синмөн ог вер-  
мы аддзыны». А бöрынджык импе-  
риалистическöй вир кисьтана война  
йылысь гижис чорыд кывъяс «Му  
вежандыр» поэмаын:

Куим во чöж  
сидзи мунiс  
царскöй бойня...  
Уна вир-яй  
сёйис-юис  
буржуй шайка...  
(Будь тi проклят,  
кырныш чукöр,  
му нэм кежлас!)

Ёна радлöмөн, став сьöлөмянь  
Тима Вень ошкис Великöй Октябрь-  
скöй революция. Сійö жö «Му ве-  
жандыр» поэмаын поэт веськыда  
шуö:

Сидзи уна  
джаггөрöда  
кöртöд  
Октябрь разис.  
Посни нима  
олысь йöзöс  
увтыртöмысь  
бертiс...

**Миян öни  
муыс-мирыс  
вексö  
лоö  
том.**

В. Чисталевöс 1918 воын демоби-  
лизуйтöны армияысь и сійö воö рöд-  
нöй Помöсдинö, көні пыр жö сунiс  
дзулькйысь-пуысь общественнöй  
олöмö, став вынсö пунктiс сыö, ме-  
дым ызйöдны коми войтырöс выль  
олöм вöсна тыш вылö.

Помöсдинын Тима Вень паныда-  
сьö коми поэзияын ассьыныс перö  
видлысьяскöд, грамотнöй том коми  
ёртыяскöд, кодъяс сидз жö öзйисны  
көсйöмөн сюртчаны сиктын куль-  
турно-просветительнöй уджö. На  
лыдын А. А. Маегов (Варыш), учи-  
тель А. И. Шомысов да Тима Вень-  
лөн ичөтджык Иона вокыс, кодi кы-  
рымавлiс ассьыс кывбуръяссö Жан  
Морöс псевдонимөн. Иона Чисталев  
лөн не сöмын поэтөн, но и Коми об-  
ластын просвещение да культура  
кузя учреждениясса веськöдлысьөн.

А. А. Маеговöс жö, көть и образо-  
вание сертиыс вöли учитель, карсянь  
Помöсдинö ыстiсны судьяавны  
(1918), а сэсся гражданскöй война  
воясö сійö быдмис полкса командир-  
рöдз. Краснöй Армияысь демобили-  
зуйтчöм бöрын вöли мыйкö дыра об-  
лоноса заведующöйөн (1921), по-  
малiс Краснöй профессура инсти-  
тут, 1935 воын сетiсны философскöй  
наукаысса кандидатлысь ним.

Помöсдинын тайö грамотнöй водз-  
мöстчысь йöзыс, учитель В. Чиста-  
лев юрнуöдöм улын, котыртiсны  
художественнöй самодеятельность-  
лысь группа-кружок. Найö кутiсны  
сувтöдавны коми спектакляс, лö-  
сьöдалiсны да сьылiсны коми рыть-  
яс вылын частушкаяс, сералiсны-  
дивитiсны важ олöмысь лекторъяс-  
сö, нелючкияссö. Илля Вась шуö,  
мый частушкаяссö гижалис поэт  
А. Маегов (Варыш). Сылы пö, кы-  
дзи народнöй судьялы, бура тöдса-  
öсь вöлины йöзкостса нелючкияс.

Кутшöм мог сувтöдiс ас водзас  
Помöсдинса самодеятельнöй кру-  
жок — та йылысь висьталö ачыс Ти-  
ма Вень:

«Заводитчис мян удж йозӱс садьмӱдӱм могысь. 1918 вося февраль. Ме гижы «Скӱр энька» пьеса. Вӱчӱма медводдза воськов. Мартын сылӱм йӱз пӱвстын коми сылан-кывъяс. Апрельын ми: Варыш (А. А. Маегов), Жан Морӱс (Чисталер И. Т.), Шомысов А. И. да ме лӱсьӱдӱм план (программа), кыдзи коми йӱз пӱвстын уджавны, революция паськӱдны...»

Гражданскӱй война бушков муӱӱ и Помӱсдӱн сикт пыр. Та кузя И. В. Игнатов висьталӱс:

— Помӱсдӱнӱ Усть-Сысольскыс 1919 вося август тӱлысьын воис краснӱйяслӱн караулнӱй рота, кӱнӱ вӱлӱ 250 гӱгӱр морт. Налӱн вӱлӱ ӱти пулемӱт, а винтовкаяс эз тырмыны пӱшти сӱ мортлы.

Ноябрь 7-ӱд луӱӱ сиктын вӱлӱ Октябрьскӱй революция 2-ӱд годовщи-налы сиӱм торжественнӱй собрание, кӱнӱ Тима Веньлӱн самодетельнӱй кружок да тшӱтш и караулнӱй ротаса красноармеецъяс вӱчисны гажарыт. А вежон бӱрын Помӱсдӱн вылӱ кутӱс наступайтны Печораладорсянь белогвардеецъяслӱн батальон, кодъяслӱн вӱлӱ кык орудие да пулемӱт. Помӱсдӱнса рота да партизаньяс чорыда тышкасисны белогвардеецъяслы паныд Вӱльдӱн сикт дорын, но враг вӱлӱ вынаджык и караулнӱй роталы ковмис бӱрынътчыны. Рота воштӱс куим мортӱс виӱмаӱн да вит боец веськалӱсны пленӱ.

В. Т. Чисталев, кор Помӱсдӱн вылӱ кутӱсны зыртчыны белогвардеецъяс, пыр жӱ лои краснӱйяслӱн караулнӱй ротанын боецӱн. Аскӱдыс тшӱтш кыскис сэтчӱ добровольецъясӱс. Кор лои приказ бӱрынътчыны, Тима Вень, сиктса коммунистъяскӱд да партизаньяскӱд ӱтлаын, бӱрынътчис Краснӱй Армиялӱн главнӱй вынъяслань. Та йылысь сӱйӱ гижӱ «Сартаса биӱн» очеркын.

Помӱсдӱнын белогвардеецъяс ыджыдалӱсны нӱль тӱлысь чӱж. Найӱ сӱнӱ грабитӱсны 127 овмӱс сы вӱсна, мый танӱ дыр сулалӱсны советскӱй частьяс да олысьяс вӱлины на дор. Белӱй бандитъяс, Вера Тимофеевна висьталӱм серти, волӱмаӱсӱ и Чисталевъяс ордӱ.

— Кӱнӱ тӱян кык краснӱй рӱзбойник?— вӱлӱ первой лӱк горшысь горӱдӱм мян мам вылӱ, а сӱсся керкаысь, сарайысь и амбарысь пузвӱтисны ставсӱ, косявлӱсны стенись снимокъяс Венялысь и Ионалысь.

Белӱйяс арестуйтисны сиктын 35 мортӱс, на пиысь сизимӱс нуӱдӱсны Троицко-Печорскӱ, но туяс жӱ и лыйлӱсны... Дыр издевайтчисны да зверскӱя виисны караулнӱй ротаса боецӱс, Тима Веньлысь другсӱ да ӱртсӱ учитель А. И. Шомысовӱс. Талун сылӱн рӱднӱй сиктын, Скӱрӱдумын, сылӱн гу вылын сулалӱ обелиск.

Матысса другӱн да ӱртӱн Тима Веньлы вӱлӱ и Степан Петрович Игнатов. Сиктса сход вылын, кор кутӱсны бӱрӱыны комбедса председателӱс, Тима Вень медводз шуис сылысь нимсӱ. Но Помӱсдӱнӱ белӱйяс волӱгӱн, Степан Игнатов сюри бандитъяс гыж улӱ. Школнӱй краеведческӱй музейын С. П. Игнатов фотоулын эм татшӱм гижӱд:

«...Сӱйӱс дыр мучитисны, тешитчисны сы вылын, допрос вылын юалӱсны:

— Кодӱ тӱнӱ, ротаса паськӱмаӱс, индӱс кутшӱмкӱ комитетӱ?

Степан Петровичлы вӱлӱ тӱдса, мый комбед йылысь декрет кырымалӱс Ленин. Сӱйӱ ассыйыс олӱмсӱ йитӱс Ленин нимкӱд, и белобандитъяслы збоя вочавидзис:

— Менӱ комбедӱ индӱс Ленин.

Та бӱрын белобандитъяс С. П. Игнатовӱс ещӱ нин ӱна мучитисны. Нуисны Печора ю вылӱ да сӱнӱ и сюйисны йи улӱ...»

Тима Веньӱс зӱв ӱна вӱрзӱӱдӱс Степан Игнатовлӱн трагическӱя пӱгибнитӱмыс да сы йылысь бӱрындыжык гижис шогсьӱмӱн йиджтысьӱм, сьӱлӱмтӱ чеплялан кывъяса «Юкмӱсӱ» кывбур.

1920 вося март медводдза луӱнъясӱ Краснӱй Армиялӱн наступайтысь частьяс вӱтлӱсны белӱйясӱс Помӱсдӱнысь. Сиктса йӱз ыджыд радлунӱн встретитисны мездысьясӱс.

Сӱк жӱ воис аслас сиктӱ и Тима Вень. Сӱйӱ вылысь босытчӱ уджӱ, вылысь заводитӱ учителявны первой ступеня школаын. Но 1921 вося

январын сійо лэччө Сыктывкарö, кытчö корöны отсасьны коми книга-яс лöсьöдöм могысь. И сійо сэни, Коми госиздатса редактор, воён-джын-йöн чöж вöчö зэв ыджыд удж. Дась-тö да лэдзö сійо кадö коми школа-ясын зэв тöдса «Шондi югöр» да «Выль туйöд» книгаяс, отсасьö «Парма ёль» да «Гöрд пöлян» сбор-никъяс лэдзигöн. Тима Вень редак-ция улын вöли лэдзöма 16 книга.

Илля Вась (В. И. Лыткин) изда-тельствоын Тима Венькöд öтув уджалöм йылысь казтылö зэв сьö-лöмсянныс:

«Вениамин Тимофеевичкöд ми вö-лим бур другъяс. Сыкöд ме тöдмаси 1921 воын Сыктывкарын. Сэки сійö локтiс уджавны Коми издатель-ствоö, кытöн ме уджала нин вöли. Но сы йылысь, кызди прогрессивнöй мöвпа морт йылысь, ме тöдлi нин 1918-öд воын, кор «Зырянская жизнь» газетын кутiсны гижлывлы-ны культурно-просветительнöй удж йылысь.

Сэки Тима Вень кодь бура некод вöли оз тöд коми кывсö. Сійö вöли тöдö ёна бура коми йöзкостса сёрни-сö: поговоркаяс, пöслöвичаяс да с. в. Коми учебникъяс гижигöн ми пыр вöли сылысь юасям, консультируйт-чам. Сійö уна выль кыв вайис мян литературнöй сёрниö, шуам кöть, колипкай (соловей), мöвп (мысль), мезд (свобода) да с. в. Татшöм кывъяссö ми, дыр вензьöм бöрын, дерт, босьтiм литератураö. Тима Вень сэтшöм пöся да сьöлöмсянныс дорйис татшöм колана кывъяссö — и некызди ми эгö вермöй сылы па-ныд сувтны, шуны.

Тима Вень вöли Коми издатель-стволöн сьöлöмыс и мывкыдыс!»

Октябрьскöй революция бöрын медводдза воясас Тима Вень да Нёбдинса Виттор быттö заводитiсны ордйысьны коми йöз пöвстын «революция паськöдöм» удж кузя. Первойыс — Помöсдинын да сы гö-гöрса сиктьясын, а мöдыс Сыктыв-карын, кöни котыртö коми театрын ворсысьяслысь чукöр («Сыкомтев-чук»).

В. Чисталев да В. Савин костын революция бöрын воысь воö ёнмö

творческöя ёртасьöм. Композитор Прометей Чисталев, писательлöн племянникыс, аслас öти статьяын гижö: «В. Савин, В. Чисталев да А. Маегов комиöдiсны да 1920 воö «Удж» газетлöн август 7-öд лунся номерын печатайтiсны «Интерна-ционал» гимн. В. Савин да В. Чи-сталев вылö донъялисны народнöй музыкальнöй творчество. «Менам вöли алöй ленточка...» сьыланкыв Тима Вень шулис «коми народнöй поэзияён», тайö сьыланкывсö сійö вуджöдiс роч кыв вылö».

Вениамин Тимофеевич ыджыд тöдчанлун сетлис устнöй народнöй творчестволы. Сиктьясын сійö ги-жалiс коми народнöй сьыланкывъ-яс, бöрдöдчанкывъяс. Тайö интерес-нöй да пöлезнöй делöö учитель В. Чисталев кыкис тшöтш и асьыс велöдчысьяссö. Накöд неöтчыд вет-лисны Вöльдинö да мукöд коми сиктьясö. А тайö писательöс нöшта топыджыка йитiс аслас рöднöй на-родкöд. Коми фольклор вылын уджалöм эз вош весьшöрö. Сійö ку-жöмөн инсценируйтiс важся коми свадьба. Гижис либретто «Ныв се-тöм» музыкально-драматическöй ин-сценировкалы да ачыс жö сійöс пук-тiс сцена вылын.

1936 воын Коми автономиялы 15 во тырöм кузя художественнöй олимпиада вылын, кöни участвуйтi-сны быд районса самодеятельнöй коллективъяс, Помöсдинса «ар-тистъяслы» коми народнöй свадьба театрализованнöя петкöдлöмысь жюри сетiс первой премия. Видзö-дысьяслы ёна сьöлöм вылас воис «Ныв сетöм» инсценировкаын ми-чаа да лöсьыда петкöдлöм: и кора-сьöм, и ки кутöм, и бурсиöдчöм, и свадьба лун эпизодъяс. Видзöдысь-яс гора аплодисментъясөн да ова-цияён эз öтчыдысь корны петкöдлы-ны-ворсны кыкысь торъя сценаяс-картинаяс.

Помöсдинын талун на олöны вит-ö-квйт морт, кодъяс ворсiсны 1936 воын Сыктывкарын «Ныв сетöмын». На лыдын писательлöн чой Вера Тимофеевна да сэкса том учитель Иона Васильевич Игнатов, а сiдз



Тима Веньлөн чой  
Вера Тимофеевна Игнатова.

Тима Веньлөн племянник,  
учитель-ветеран  
Иона Васильевич Игнатов.

жō Пелагея Степановна да Домна Ивановна Кармановаяс. Найō ставныс öни Помöсдинын медся почётной ветеранъяс лыдын.

— Карын, «Ныв сетöм» пьеса ворсöм бöрын, матыстчисны мян дорö драмтеатрса артистъяс да юалöны: «Кымын во ми дасьтм тайö спектакльсö? «Ревизор» ми гөтöвитм куим во, а тайö мича коми свадьбасö тi кымын во лöсьöдинныд? — казътылö Вера Тимофеевна, а эссся содтiс: — А ми сийöс гөтöвитм эг куим во, а сöмын страдуйтан да вундан кадö олимпиада вылö лэччытöдз. Луннас ытшкaм-куртам, вундам-йиасям, а рытнас, кор пуксяс сьöд вой — репетируйтчам. Сэки öд вöлим томöсь да вынаöсь, а Вeня вокöй, кажитчö, эз узьлы ни шойчыв — век вöли кок йылын: ачыс режиссёр, артист, ворсысьясöс чу-кёртысь. Сыктывкарсянь вöли ыстöны Москваö олимпиада бöрын да кутшöм ми Москваö мунысьяс. Дерт, ставöн öткажитчим: öти-кö, полiм ылö муномысь, а мöд-кö, некор, гожся уджалан кад.

— Ме вои гортö отпускö июль тöлысьын, — висьталö вöвлöм учитель Иона Васильевич Игнатов. — Первой рытнас жö муни репетиция вылö. Нуöдiс репетициясö Вениамин Тимофеевич. Ме кывзи боксянь. Тöдчö вöли, мый ворсысьяслөн унатор

оз артмы. Öд «артистъясыс» вöлины омöлика велöдчöм йöз, колхозница-нывбабаяс. Сцена вылö некор на абу кайлöмаöсь. Мем зэв ёна кажитчисны сьылöмъяс. Тайöторыйс бура артмис хорлөн.

Дыр эз сюр невесталысь роль ворсысь. Некымын томиник нывъясöс корлiм, но эз лöсьявны. Лун-мöд мысти воис гортас шойччыны мамыс ордö Öпрöсь Юля (Юля Оботурова). Кывлöма, мый гөтöвитам постановка юбилей кежлö и локтiс мамыскöд (мамыс тшöтш вöли ворсö) ре-

петиция вылö. Муртса на пырис нылыд, Вениамин Тимофеевич аддзис сийöс и пыр жö шуис:

— Вот тайö воис мян невестаным!

Сийö жö репетиция вылас пробуйтiм Юля Оботуроваöс невеста рольын. Вениамин Тимофеевич лои зэв дөвöлен, кор Öпрöсь Юля ворсiс медводдза действиеын мöс корсьöм эпизод, сэни сьылiс аслас мича гө-лөсөн первой сьыланкывсö. А кор бöрдöдчыны кутiсны, уна ворсысь нывбабаяслөн синваыс тюрöбөн тюрöбтiс.

Та бöрын самодеятельной коллектив ещö сьöлöмсянь босьтчис уджавны рольяс вылын.

Сэкся учитель Иона Васильевич Игнатов, Тима Веньлөн племянник, лои «Ныв сетöм» постановка дасьтöмын медматысса отсасысьöн.

Вениамин Тимофеевич Чисталев, кызд писатель, сьöлöмсяныс радейтлiс устной народной поэтической творчество, кужлiс котыртны прöстой йöз пöвстын художественной самодеятельность, а сiдз жö сяммис аддзыны народной талантъяс, кодъяс казътылöны да нэмсö кутасны казътывны писательöс медся пöсь, медся мелi аттьöалана кывъясөн. Со на лыдысь öти:

«Став съёлёмён да мөвпён ме Помёсдинса войтыркөд, кор талун пасйёны Вениамин Тимофеевичлысь чужан лунсянь 80 во. Тима Вень ме-нам олөмын абу бокөвөй морт, сы-лөн ясыд вежөрыс индїс меным ар-тисткалысь туй.

Мүөдз копыртчыла Вениамин Ти-мофеевич память водзын — ыджыд писатель-поэт да пось съёлёма морт водзын. Сиа сылөн челядьыслы да внукъясыслы кузь нэм да бур шуд.

РСФСР-са заслуженной  
да Коми АССР-са народ-  
ной артистка Ю л и я  
Т р о ш е в а.

Помёсдинсалы тайё чолөмалана телеграммасө ыстис дас во сайын коркөя невестаөс ворсысь Юля. Юлия Ивановна Трошеваөс талун төдөны Коми республикаса быд сик-тын.

Отувъя овмөс Помёсдинын ко-тыртчис 1929 воын. Колхозникъяс пуктисны чужысь колхозлы граж-данскөй войनावывса легендарной герой В. И. Чапаевлысь ним. Заво-дитчис олөм выльмөдөм. Дерт, мед-воддза председатель В. В. Игнатов-лы, Тима Веньлөн племянниклы, отувъя овмөс кыпөдны эз вөв кокни. Став «техникаыс» вөлі пу гөр, пиня, вила, чарла, коса, вартан, вөла-дод-дя. Но став пөлөс съөкыдлунъяс ве-нис йөзлөн выль нога олөм стрөитны көсйөм.

Чапаев нима колхоз пасйис 1934 воын вит вося юбилей. Буретш воис Москваысь писательяслөн 1-й Всесоюзной съезд вылысь Тима Вень, көні вөлі коми писательскөй организациясянь делегатөн. ШКМ-са учитель В. Чисталев некор эз су-лав бокын рөднөй сиктса колхоз олөмысь. И торжественной собра-ние вылын председатель бөрын пер-вой кывсө сетисны радейтана зем-ляклы, писатель Тима Веньлы, кодї шыөдчис йөз дорө прөстөй, но съө-лөмянь петысь кывъясөн:

— Төварышъяс, мужикъяс, баба-яс, поздравляйта ставныдтө Чапа-ев нима колхозлы вит во тыран лунөн. Торйөн поздравляйта-ыдж-дөдла первой подув тэчысьяссө:

Егор Михайлө Вась Степанөс, Тима Ондрей Мишөс, Тима Иван Ливе-рийөс, Митрей Зосимөс, Петыр Люд-милаөс, Валентинөс, Михайлөос, Ольөксанөс, Трипан Опрөсьос, Иван Сидөрөс... Ті вөчинныд өти вежөс асланыд олөмын, ті кокньөдыштін-ныд өні ассыныд ловзыштөм съө-лөмтө тайё съөкыд воськов вөчөм-нас. Төда ме крестьяналысь чувст-во, кылөмсө, нэмысь нэмө пуксьөм съөкыд привычкасө аслас овмөс бер-дас. Талунсянь дойыс сійө тиян во-часөн пондас бурдны и бурдны, и ву-нас. Мукөдыс эськө, колөкө, водз-джык нин пырис колхозө, не сійө төждысьөмыс кө: аслас чибөыс, тай-төыс, видзторйыс, муыс, потшөсыс. Кутшөма пө өд ме радейтлі, трудит-чылі сы дінын. Дона колхозникъ-яс, да өд сэн аслад жө лоө ставыс и сідз жө муса лоө, пондан кө съөлөм-сяньыд уджавны сэн.

Тадзи шуис Тима Вень рөднөй сиктса колхозникъяслы накөд отувъя праздник вылын, висьталіс сы бөрын, кор сылысь «Трипан Вась» висьтсө сэкса критикъяс чо-рыда кулитисны. И мыйсө сөмын сэк эз шулыны найө: Тима Вень пө абу пролетарскөй писатель, а на-родник, өтка олысь крестьянаөс дор-йысь, кулакъяс вөсна бөрдысь, кол-хозной олөмысь сө верст сайын бо-кын сулалысь...

А «Трипан Вась» висьт век жө пырис миян коми литература клас-сикаө, писатель сійөн колис ас йывсьыс вунөдлытөм память кы-дзи прозаик.

Вениамин Тимофеевич лунысь-лун велөдіс колхозникъясөс не сө-мын радейтны ассыныс рөднөй колхоз,— велөдіс тшөтш и радейт-ны книгаяс, овны сөстөма да куль-турнөя, пуис-оліс өти думъясөн.

Вильмис кад, вильмис олөм, вильмисны йөз. «Помоздинскөй» совхоз, кодї быдмис Чапаев нима колхоз подув вылын, талун бура механизируйтөм, грамотной, квали-фицированной кадръяса ыджыд овмөс.

Москваысь воөм бөрын Тима Вень дыр на оліс съезд йылысь мөвпьясөн. Писательяслөн 1-й Все-

союзной съезд йылысь сийо гижис статья, кодос вӧлі медводз йӧзӧдӧма «Вӧрлэдзсысь» газетын. Со сэтсысь ӧткымын пасйӧдъяс:

«Ог на вермы ставсӧ сывйыштны, мыйяс аддзылім ми. Ог на вермы сюркнитны ставторсӧ, мый муніс син пыр да пель пыр. Оз судзсы кывйыс-краскаыс, медым тыр-бура висьтавыны сийӧс. Сӧмын кыла ас пытшкын: кӧнкӧ пыдын-пыдын кисьмӧ-сӧвъяммӧ сы йылысь оз сёрни ни висьт, а музыка, гимн...

Но вот зал кузя муніс кутшӧмкӧ шы: «С-с-с!» И лӧнис зал. Чӧв, кыдзи чардби костын, лои син лапнитӧм дыра шемӧс, лӧнь. И друг став залыс поті: гораа школӧптис ӧтпыр сюрс кос ки... Зарни ӧгыр флагыас сайсянь котырӧн петӧны морт комын — оргкомитетса членьяс. И на пӧвстын медбурыс — Максим Горький.

Саридзӧн гыалӧ, чери кельӧб моз гыбалӧ зал, пӧртмасьӧ-ворсӧ, шенасьӧ киясӧн, цветгыасӧн, книгаӧн, кодлӧн мый веськалі киас.

— Максим Горький! — гымакылӧ горзӧ зал. И помтӧг киссьӧ, жекӧначасьӧ-гизыгӧ ки пыдӧсӧ воча ки. А йӧлӧгаыс йиркын, стенин дизыгӧ...

Коркӧ лӧнис жӧ медбӧрти зал.

— СССР-са сӧветской гижысыяслысь съезд лыддя вӧсьӧмӧн!

И бара шувгӧ море прибойӧн Колонной зал.

Съезд ӧмӧй нӧ Алексей Максимович, ыджыд пролетарской гижысь, вӧсьтіс? Ыджыд собрание ӧмӧй нӧ вӧсьӧмӧн шуис?

Дзирья ӧдзӧс тай, жемчуг-зарниа ӧдзӧс мирыслы вӧсьтіс!»

Помӧсдін сикт Сӧвет власть воясӧ ӧна вильмис. Шыбитчӧны синмӧ гырысь да мича пу керкаяс леспромхозлӧн, «Помоздинской» совхозлӧн, колоннаяса культура керка, больничалӧн ӧтчукӧрын сулалысь зданиеяс и, дерт жӧ, школалӧн корпусяс. Пожӧм да сус пуяса паркын лунланьӧ банӧн кыпӧдчӧма кык судта школа, кодлӧн арлыдыс артавьӧ 1913 вӧсянь. Буретш тані уна во чӧж учителяліс Вениамин Тимофеевич Чисталев.

— Миян средной школалӧн, коді вӧссис Великой Отечественной война сьӧкыд воясӧ, тайӧ 39-ӧд выпуск. Кольӧм во помалисны 10-ӧд класс 120 велӧдчысь, а таво — 104, — висьталіс школаса директор Владимир Николаевич Ракин. — Школа новлӧ писатель В. Т. Чисталевлысь ним. Тайӧн ми гордитчам. Писательлӧн чужан лунсянь 90 во тырӧмкӧд йитӧдын нуӧдам уна мероприятие, медым быд школьникӧс бура тӧдмӧдны сылӧн олӧмӧн да творчествоӧн. Таысь кындзи, Сыктывкарса художественной мастерскойын школа закажитіс вӧчны писательлысь бюст. Надейтчам, юбилей кежлӧ тайӧ дона пӧдароксӧ школа пӧлучитас.

Тима Вень велӧдчигӧн миян вӧлӧстын велӧдісны Старовскийяс — гозья, кыкӧн. Миян учительской коллективын талун кежлӧ 55 морт, на лыдын Коми АССР-са куим заслуженной учитель: писательлӧн нылыс М. В. Чисталева, А. В. Уляшева да К. И. Базова. А. В. Уляшевлы да Г. С. Игнатовалы сетӧма старшой учительлысь ним, — а сӧсся Владимир Николаевич тӧдчӧдіс: — Усть-Куломской районын старшой учительлысь нимсӧ сетӧма сӧмын кык учительлы и кыкнанныс велӧдсны миянын, В. Т. Чисталев нима средной школаын.

Школа гордитчӧ аслас вӧвлӧм воспитанникьясӧн, кодгыас велӧдчисны водзӧ да босьтісны уна профессия, лоины республикаса нималысь йӧзӧн. Лоины на пиысь и писательяс — тӧдчана поэт Иван Михайлович Вавилин, кӧть и ачыс рӧдинанас Позтыкерӧсысь, но ШКМ-ын велӧдчис да помалис сийӧс 1932 воын Помӧсдінын. Сылӧн учительлӧн вӧлі Вениамин Тимофеевич, сий жӧ веськӧдліс литкружокӧн. Литкружок лэдзис ки помысь гижӧмӧн «Подув вӧр» нима журнал.

«Тима Вень ӧна радейтіс коми кыв, сылысь мичлунсӧ, радейтіс татчӧс вӧр-васӧ. И тайӧ ыджыд радейтӧмыс тшӧтш вуджис и миянлы, сылӧн велӧдчысыяслы. Велӧдіс сий миянӧс и гижны, и кыпӧдны гижан сямлун», — казгытіс бӧрынджык

И. Вавилин аслас пасйӧдъясын.

Кӧть и Тима Веньӧс эз нин су школаын прозаик Михаил Игнатов, но сійӧ писательлӧн земляк, Помӧс-динса среднёй школаын велӧдчис сизим во.

Писательлӧн творческӧй туй — сійӧ сылӧн книгаяс. И быдӧн, кодӧ радейтӧ Тима Веньлысь гижӧдъяс-сӧ, кӧсйӧ нӧшта и нӧшта писатель-код «во гӧгӧр кытшовтны», тӧд-масьны «вӧрын быдманторъяскӧд», «кайлыны да видзӧдлыны» рӧднӧй муяс вылӧ, любуйтчыны «эзысь тув-сов войясӧн». Вот та вӧсна и ас до-рас кыскӧны стендывса книгаяс, кодъясӧс лӧдзӧма разнӧй воясӧ да разнӧй нимъяс улын: пьеса «Изкар» (1926), «Чисталев Тима Веньлӧн гижӧдъяс» (1928), «Сарпасторъяс «Ыджыд висьт» гижӧдысь» (1926), «Олӧм вояс» (1936), «Олӧм вояс» (1957), «Во гӧгӧр кытшовтӧм» (1959), «Во гӧгӧр кытшовтӧм» (1978).

Тима Веньлӧн книгаяс серти по-зӧ кокниа туявны и поэтлысь, и прозаиклысь, и драматурглысь прӧйдитӧм творческӧй туйсӧ. Мый жӧ медводз шыбитчӧ Тима Вень гижӧдъясын? Тайӧс ӧдйӧ казялан, кор тӧдмасын сылӧн кывбуръясӧн да висьтъясӧн. Наысь ясыда кылан ас вӧр-вакӧд, ас чужан мукӧд, сьӧ-лӧмлы матысса крестьянскӧй быт-кӧд писательлысь йитӧдъяссӧ.

Лӧсьыд, гажа зӧв  
Ӧні му вылын.  
Долыд сьӧлӧмлы  
Овны тулысын.

«Т у в с о в ъ я».

Шондӧ ёна пӧжӧ,  
Нюкыртчӧма кор.  
Ытшкӧм турун косьмӧ,  
Дзыкӧдз ямӧ шор.  
Гож сайясӧ челядь  
Сайласьӧны пыр.  
Черияс моз гӧптын  
Сялькӧдчӧны дыр.

«Г о ж с я л у н ӧ».

Кӧдзыд нин... Му эжсӧ  
камгӧма,

Кӧрт кодъ — дзык кын.  
Улӧник кымӧрыс ӧшйӧма,  
Рудіник пуксьӧма лун.  
Лӧбӧны медбӧръя пӧткаяс,  
Горзӧмныс налӧн зӧв нор.

«А р».

Пемыд. Кӧдзыд. Лымйӧн  
тыртӧ

Ывла вылын ыджыд тӧв.  
Лымсӧ посводзясӧ пыртӧ,  
Помся камгӧ ӧдзӧс пӧв.

«Т ӧ в с я т у р ӧ б в о й ӧ».

Кывбуръясын, кодъясӧс сійӧма коми вӧр-валы, Тима Вень тшӧтш ошкӧ-кыпӧдӧ уджалысь мортӧс, кодӧ вежӧ, выльмӧдӧ сійӧс. Кызди гимн зиль мортлы юргӧны «Кайла, видзӧдла», «Гожӧм пом» да мукӧд кывбуръяс.

Чукӧрмӧ бур йӧзлӧн  
Ывла выв уджъяс:  
Эштӧма турун,  
Воӧма нянь.  
Долыдмӧ сьӧлӧмыс  
Уджалысь мортлӧн,  
Личалӧ морӧссыс шог;  
Кокниджыкпырысь  
Тӧрмасьӧ эштӧдны  
Ӧтитор, мӧдтор...

Крестьянин пи Тима Вень некор эз кӧсйив миритчыны важыскӧд, ёрис сійӧс аслас гижӧдъясын. Учитель Вениамин Чисталев чолӧмалӧ учителяслысь первой съезд 1921 воын. Поэт чолӧмалӧ учителясӧс, кодъяс югдӧдӧны вежӧрсӧ крестьяналысь коми сиктъясын. «Чукӧст-чӧм» — тадзи нимтӧ кывбурсӧ Тима Вень, кӧні чуксалӧ учителясӧс паськӧдны йӧз пӧвстын культура да тӧдӧмлунъяс.

Поэт перӧ улысь петісны кык поэ-ма: «Ленин гу дорын» да «Му ве-жандыр». Тайӧ кык поэмаыс писа-тельлӧн лӧдзӧм книгагасын кутісны босьтны медтӧдчана, почётнӧй ме-ста. Сэні сетӧм серпасъясыс йидж-тысьсӧмаӧсь революционнӧй тради-циясӧн.

«Ленин гу дорын» поэмалы эпи-графын поэт гижӧ:

Кольӧм во, ӧкмысӧд арӧ<sup>1</sup>,  
Волі ме Москва карӧ...

<sup>1</sup> Ӧкмысӧд арӧ — Великӧй Октябрскӧй революциялы ӧкмысӧд воӧ, 1926 воӧ.

**Вольты и Октябрьдз татчө,  
Но кутшөма вежсьомыс төдчө!  
Москва — сьолөмыс СССР-лөн.  
Кремль нөрыс — Москва карлөн.  
Ленин гу — став мушарвывса  
уджалысь йөзлөн.**

Краснөй площадь, Кремль, Ленинлөн Мавзолей чужтисны поэт вежөрын уна гырысь мөвпьяс, кодьясө сийө пыртис «Ленин гу дорын» поэмаө. Ставсө, дерт, великөй Ленин йылысь висьтавыны-шуны абу вынъяс сертиыс коми поэтлы ичөтик поэмаын, но век жө сийө, мый вермис да кутшөма сяммис, петкөдлис В. И. Ленинлысь йөз дорө радейтөмсө, на вөсна төждысьомсө. Тайөс сийө петкөдлис народлөн, став мувывса пролетариатлөн великөй вождьөс аттьөалөм да помтөг радейтөм пыр. Сылөн Мавзолей дорө орлытөм гез моз вооны и вооны йөз!

**Ньөжйөник,  
Воськолысь воськолө  
Мөдөдчис гу дорлань  
Визувтны йөз.  
Лөнныштлам...  
— Куйлө тан миян  
Медыджыд ёртным...**

Мый поэь дженьыда шуны В. Чисталевлөн проза йылысь?

Тима Веньлөн прозаыс: висьтъяс, очеркъяс, серпасторъяс, пасйөдьяс чужисны коми йөз пөвстын олигөн, уджалиг-бергөдчигөн, на бөрся сюсь синмөн видзөдигөн, В. Чисталевлөн висьтъясыс йиджтысьөмаөсь мортөс радейтөмөн, гуманизмөн.

Аслас висьтъясөн, повестьясөн, очеркъясөн Тима Вень восьлалө революцияөдзса вояссянь да аслас олөм помөдз. И оз прөста олөм веркөстис восьлав, а унаын сийө петкөдлө уджалысь йөзлысь курыд судьбасө, висьталө налөн трагическөй олөм йылысь. Некор оз вош төдчанлуныс «Тшыг во» да «Шог асыв» висьтъяслөн, көни сетсьөны гражданскөй война кадся ярьюгыд серпасъяс; «Шойна» повестьын автор мөвпалө прөстөй коми зонъяс йылысь, кодьясө ыстөмны фронт вылө, медым лоны пушечнөй яйөн. А «Коми сиктъясөд» историческөй

пасйөдьяс (1936 во) сиөма Вөльдін сиктлөн историялы.

М. П. Минин «Чисталев Тима Веньлөн гижөдьяс» статьяын 1928 вөсө «Ордым» журналын гижө:

«Тима Вень кужис петкөдлыны коми кывлысь озырлунсө, мичлунсө дай ассьыс ыджыд гижан сямсө, талантсө. Лыддян сылысь гижөдьяс дай невөляысь шуан: «Аттө дивө, кутшөм небыд, лөсьыд, вына, гора, озыр вөлөма коми кывйыд». Тадзи вермө гижны сөмын ыджыд художник».

«Вениамин Тимофеевичөс ме төдлі 1923 вояссянь — аддзысьлывлім кенференцияс да собраниеяс вылын, но бурджыкасө төдмалі 1928 воын, — казтылө Н. Попов (Жугыль). — Аслас творчестволы вынсө сийө гумлалис фольклорысь, төдис поэзия, радейтис сийөс, бөрйис на пиысь медмичасө. Та вөсна и Тима Веньлөн кывбурьясас и прозаас мича кывьяс, бура гөгөрвоанаөсь, вөрзьөдөны сьолөмтө».

Нөбдинса Виттор творчество кузя аслас друглы сетис кывбура донъялөм:

**Веня ёрт!**

**Тэ эськө уджалысь крестьянин  
пи жө да,**

**Мыйлакө сям абу өтмоза вичмөма:**

**Видзөдлан коми художествоа  
гижөдад —**

**Тэнад өд быд фраза лолалө**

**мичлунөн.**

**Төдан тэ комилысь олөмсө,**

**мөвпсө.**

**Тэныд и ывла выв мөднога өвтчө.**

**Быд гижөд серпаса, ловья —  
Веркөсөд кывнад он довъяв.**

**Тэнад поэзия —**

**Саридз кодь джуджыд,**

**Тэнад и прозаыд —**

**Дзоридз кодь мича.**

А көни жө писательлөн лыддысьысылы төдтөм произведениясыс? Писательлөн ныв М. В. Чисталева да И. В. Игнатов висьталөм серти, Тима Вень 1937 воын лөсьөдөма торья книгаөн лэдзөм могысь ассьыс коймөд том, а дась рукописьсө сийө жө вояс сентябрь төлысьын писательлөн гөтырыс — Алек-

сандра Семеновна — лэччодас Сык-  
тывкарö и сдайтас Коми книжной  
издательствоö. Кöни тайö рукопись-  
ыс, öнöдз некод оз тöд. Вошис туй  
помыс и 17 общöй тетрадьлön да  
20 папкалön.

Тима Вень нэмсö гижлис мича  
кывбуръяс, сцена вылын ворсöм мо-  
гысь народнöй мотивъяс серти лö-  
сьöдöм пьесаяс, интереснöй висеть-  
яс сы могысь, медым выль поколе-  
ниеса йöз лоины бурджыкөн, мича-  
джыкөн, öта-мöдсö гөгөрвоысьясөн  
да радейтысьясөн. Гижис миян Ко-  
миын тувсов ытва моз выль, шуда  
олöм ыльнитöм вöсна. Таысь ми сй-  
йöс пöчитайтам, и медым коми йöз  
быд пöрйö пасйисны сылön чужан  
лунсянь гөгрöс датаяс.

Помöсдин — писатель Тима Вень-  
лön чужан сикт. А позьö оз шуны  
Помöсдинöс историческöй сиктön,  
местаön, кызди, шуам, Куратовоöс,  
кöни чужис коми литература подув  
пуктысь И. А. Куратов, либö Кулöм-  
дйöс, кöни 19-öд нэмын вöли коми  
крестьяналön восстание, либö Изь-  
вайылöс, кöни гражданскöй война  
воясö героическöя тышкасисны бел-  
лöй бандитъяслы паныд гөрди парти-  
занъяс?

Ми ногön позьö. Помöсдинöс исто-  
рической местаön медводз вöчöны  
сййö йöзыс, кодъяслön нимыс пырис

нин миян Коми республика исто-  
рияö да кодъяс кутшöмкö ног йит-  
чöмаöсь сиктыскöд. Найöс ми ун-  
джыксö казтыштим нин асланым  
очеркын, но эг на ставнысö. 1905  
воын Помöсдинын учитель Старов-  
скийяс семьяын чужис Владимир  
Николаевич Старовский, кодй Сö-  
ветскöй власть воясö лои СССР  
ЦСУ-са начальникön, КПСС ЦК-са  
членön да СССР Верховнöй Сöвета  
депутатön. Краеведческой музейын  
эм портретыс и РСФСР-са заслу-  
женнöй да Коми АССР-са народнöй  
артист П. А. Мысовлön, кодлön чу-  
жан сиктыс сйдз жö Помöсдин.

Сйдзкö, Коми республикалön ис-  
терияö пырöм йöзлön дзонь галерея:  
либö найö чужисны-быдмисны, либö  
уджавлисны сэни, либö волисны не-  
дыр кежлö сэтчö, кызди ученöй-ис-  
следователь В. А. Русанов, профес-  
сор-доктор, писатель В. И. Лыткин  
(Илля Вась). Лыткин волис сэтчö  
1971 воын, пыралис Тима Вень кер-  
каö, сьöлöмсяныс сёрнитис писа-  
тельлön ныв-пийскöд, та бöрын ги-  
жис «Кузя визувтö вынйöра Эжва»  
кывбур, кодöс Тима Веньлы да Нёб-  
динса Витторлы сиис.

И, дерт жö, Помöсдинöс медся ёна  
вöчö историческöй местаön нимыс  
В. Т. Чисталевлön, кодй тайö сиктас  
кыпöдис аслыс литературнöй памят-  
ник.

# ЫЛІ ЙӖЗ МУСЯНЬ АС ЧУЖАН МУ ЙЫЛЫСЬ

(ГАЖ БЫРӖМ)

Тима Веньлысь тайӧ гижӧдсӧ позьӧ шуны чужан му йылысь сьыланкывйӧн. Буретш тайӧ гижӧд йывсьыс, буракӧ, висьталӧ Тима Вень аслас олӧм йылысь казтылӧмьясын. Со кызди сійӧ гижӧ та йылысь: «Киевын олӧгӧн 17-ӧд во тулысӧ ме первой збыльысь тыр сьӧлӧмӧн заводитчи гижны ас кывйӧн. Вӧлисти менам инасис сьӧлӧмӧй, вӧлисти ме ассьым шуд-таланӧс адзи... Восси. Садьми.

Мича муса Украиналӧн ывла вылыс мена сьӧлӧдӧс поэзия олӧмӧ...»

«Ылі йӧз мусянь ас чужан му йылысь» гижӧдсӧ Тима Вень печатайтліс сӧмын ӧтчӧд. Петалис сійӧ 1923 воын школаясса велӧдчысьяслы лыддысян «Виль туйӧд» книгаын. Та вӧсна ми и печатайтам прозаӧн гижӧм тайӧ кывбурсӧ журналын. Висьтыс пырӧ и Тима Веньлӧн виль книгаӧ, кодӧ петас таво.

«Тырмас!» — шуи ме аслым. Сӧмын ӧг тӧд, мый йылысь сійӧ менам шусис. Гораа сідз шуи и быттӧ узанынысь садьми. Ышловзи, чеччи. Видзӧда: пукала ме кыр йылын, джуджыд кыр йылын — Днепр ю дорын.

Вылын зэв пукала. Быттӧ дзик кӧк улын визувтӧ Днепр. Кывтӧны-катӧны ю кузя пыжас, пароходъяс. Кывтӧны ва вывтӧ пуръяс... Ю вомӧн вез моз нюжӧдчӧмаӧсь постъяс.

Уна пос! Ӧти ме весьтын — пода пос, пу пос; катыдынджык — вӧла пос; кывтыдынджык — кӧрт пос, кӧрт туй пос. (Йиркӧдӧ, гымалӧ, кылӧ, — вуджӧ сэт поезд.)

Ылын ва сайын тыдалӧ вӧр. Кывтыдын зэв ылын лӧзалӧ слуда юр (Гора ведьм).

Тӧла... Шоныд, весь оньгъялӧ, довгъялӧ. Ставыс быттӧ тшын пыин.

Тӧв паньд пукала лӧсьыда: чужӧмӧс ыркӧдӧ, ачым гож сайын, пу улын. Кар — бокин, бӧрвылын. (Мустӧм, буса оланін!) Зыкыс сылӧн оз нин кыв татчӧдз, оз дӧзмӧд менӧ. Ёна жӧ нин мустӧммис сійӧ, пель сьӧдмытӧдз лон. Сы понда сӧсса и пышйи сӧтсыс, локті татчӧ ва дорас шойччыштны, сьӧлӧмӧс личӧдны. Лӧсьыд жӧ тані! Локті да медвойдӧр пӧттӧдз куйлі, вӧрзӧдчытӧг пукалі дыр. Зэв лӧсьыд кажитчис кар бӧр-ын. Нимкодъяс ёна ыджыд, паськыд ваӧн,

васайса сад пыин мича керкаясӧн, ю кузя пароходъяс ветлӧмӧн...

Шондӧс югыд, шоньд шондӧс сьӧлӧмӧс шонтӧс, небзьӧдӧс. Тӧлыс, асыв-вой тӧлыс ыркӧдӧс, пожъяліс чужӧмӧс менсьым!

Сійӧ жӧ думъяс мем вайис, чорыда юрӧ пукталіс. Асыв-вой тӧлӧй! Тӧ ӧд миянладорянь локтан, майбырӧй! Менам чужан мусянь, Коми мусянь!.. Висьтав жӧ меным, висьтав, мыйяс нин миян гортладорас вӧчсьӧ-керсьӧ?!.

Сьӧлӧмлы эз ло долыд. Кынӧдӧс сійӧ кыськӧ мӧдтор, пыдысь пытшкӧсьыс кырыштӧс, — лон мем гажтӧм, зэв шог. Жугыльтчис чужӧмӧй, доймис сьӧлӧмӧй... Да, сідз! Заводитчис пурьянь. Кер пур кывтӧмыс дум вылӧ вайӧдӧс, син вылӧ уськӧдӧс Эжва юнымӧс ассьыным.

Ӧти пур кывтіс... Мӧд, коймӧдыс ме весьтӧ ва шӧрас сибдӧс. Кутӧ видзӧдны — керъясыс вӧсныдыдӧсь, чуکلӧсь да дӧнышӧсь. Думыштчис гортсыс кер кылӧдӧм, кер лӧдзӧм. Сӧ майбырӧй, миян пурьясид да керъясыд сись кодбӧсь: веськыдыдӧсь, кузьӧсь да кызбӧсь. Кӧть и тані вӧліны мукӧд пур вылас бур керъяс, да меным эз сӧтшӧм мичаӧсь кажитчыны. Артасыны кутӧ да уна жӧ нин и вӧр нуисны миянысь: быд тулыс ю тырӧн оравлытӧг кывтӧ... Уна, уна мукӧдтор дум вылӧ уси. Ӧнія дырйи, ӧнія кадӧ!.. Ӧні эськӧ гортын овны, уджавны да велӧдны том йӧзӧс водзӧ овны. Кор нин и помасяс тайӧ тышыс (войнаыс)!? Кор нин и волас гортас коми войтырыс?!

Видзӧда ва вылӧ: кутшӧм гудыр, нюйтӧ зэв визувтӧ, пемыд. Миян Эжва юным! Майбырӧй, кутшӧм югыд да сӧстӧм сэн ваыс! Кутшӧм кӧдзыд, абу небось тані кунва кодъ шун. Сӧ майбырӧй, коркӧ бара адзывла ӧг нин тӧнӧ-а, Эжва юӧй, вердысӧй-удысӧй? Сюрлӧ оз нин тӧнад кыпид морӧс вывтӧ пыжӧн ветлыны-а, югыд видзӧдчан кодъ ванад нимкодъсыштны, синва кодъ сӧстӧм ватӧ юыштлыны; сюрлӧ оз нин коркӧ черитӧ кыйыштлыны, сюсь комъясбӧ вугырӧн кыскавлыны?! Ок, кор нин бара сӧтшӧм шудыс лолӧ миянлы?!

Видзӧда сӧсса: ылын ва сайын тыдалӧ вӧр. Но кутшӧм нӧ сэн вӧр! Сӧмын кышыс

вөрүслөн: гөгөр кузь съод трубаяс вөр-пу йывтыс тыдало сярвидзё, да дугдывтөг съод тшын сэтыс петё. Казытыштчис горт-ыс мича гажа рас, югыд, гора яг нёрыс, съод пемыд парма вөр, көні өні ыркыд и лонь, шы ни ру, некод тэнё оз лөгөд, некод тэнё оз дөзмөд.

...Лөсьыд жё нин миян вөръясын, ваясын. Ме мөвпала да думөн казтывля Эжва катыд пыжөн катём. Аддза и кыла ставсё — быттьё син водзын сулалё. Поводд мича: шондіа, лонь. Сөмын пелыс дугдывтөг тольскё да гольскысё изъя ю пыдөсё. Быд зібйыштчөмыс пыжыд чепөсйё, тувгысё водзё, шкорөбөн ва нырсё ородө, доръясөдыс сялгө. Уна көдж нин коли. Кымын катыд — сымын гажаджык.

Ставыс син водзын. Со тоно вомын кузя утка котыр шпарөдіс... Лонь. Весиг өти кор оз вөрзы. Шонді сөмын шлянгө. Нөрөм пу увті катам, косыт вывті гыжъясям, пыж-нымөс миянлыс нөбалё бөр, кывтыд нырсё бергөдө. Кашкам, пөсялам, зібъясям зіля; көрта пелыс толькё зяткысё изйё.

Гажа вомын кузя катам. Юр весьтын слуда кыпөдчө вылө. Нияяс сэн из вылын быдмөны. Ок, гырысёсё жё быдмөны! Кыз-өсь, кузьөсь, веськыдөсь, мичаөсь!..

Ниабй, ниабй! Мича муса пуөй! Аддзыв-ла ог нин ме тэнё коркө? Мукөд пуясөй, менам чужан муын быдмысъясөй! Аддзыв-ла ог нин коркө тиянөс, майбыръясөс, пуяс-өй? Быттьё ловъяөсь сулаланныд менам син водзын, кыла ас костаныд вашкөдчөм-нытө тиянлыс.

Виж кырся пожөмөй! Веж лыска пуөй, гажайнын быдмысөй, шонид гожөмын, кос-лыа вылын пөжсөсьсөй!

Гажа ягөй, тэнад оланіной! Коркө бара лолө оз нин мунлыны меным тэнад еджыд джодж дөра кузяыд, лым кодь еджыд яла вывтыд! Көтөрта эськө яла вывтыд да тэнё, мича ён пожөмөй, тэнсыд кыз кырся дінтө сывтырйөн дзигөда...

Тэ нө, пемыд лыска козйөй, жугыль чу-жөма пуөй, мый нө тэ сэтшөм гажтөма су-лалан? Лапъя өшйөм увъяснад, съод, чорыд кырснад кажитчан зэв пөрысөн... Сула-лан — быттьё пыр дугдывтөг тэ ыджыд дум думайтан юртө өшөдөмөн, быттьё пыр тэнё кутшөмкө шөг личкө.

Коньөрөй, козйөй! Ме тэнё гөгөрвоа, тө-да ме тэнсыд ыджыд думъястө, кыла тэн-сыд шытөвтө, кор төла дырйи тэ дзоньнад копрасян, лысъяснад шуштөма шувган, увъяснад нораа дзуртан... Ме гөгөрвоа тэ-нө, раминик пуөй. Тэн он корсь гажа (син-мө чеччан) оланін; он радейт син ёранін; он шыблась, он ускөдчы йөз син водзё. Дзебсаян сөнъясын, увтасын, пемыдінын, ньөжйөнникөн быдман воыс воө. Водз мө-

дөдчан дзормыны, подувсяньыд тошсявны-ройсявны. Подулөдыд тэнад небыд веж-нитш вольсасё, быттьё шонид вольпасё пөрысьмигкежлад тэныд лөсьөдө.

Ёна ме тэ улын овывли-ворслывлі дзо-ля дырйи чөмйөн да ур кыйөмөн. Унаыс тэнад лэб улын сайөдчывлі зэрыс да кө-дзыд вой төлыс.

Аттьё жё тэныд, бур пуөй!

Бурөн казтывлө тэнё став вөралыс: өд-кымын ур вердчө тэнад кольясөн. Кутшөм тэ мича төв шөрын овывлан, кор көдзыд дырйи коръя пуяс, тэкөд орччөн быдмыс-яс, пасьтөмөсь сулалөны да кынмөны. Тэ быттьё паркаөн пасьтасөмыд шонид да зэв мичаа вөт вөталан вугралігырйи. Тэ-над тшөкыд увъяс вылад кыза өшйөма-лым. Төлыся югыд войө мичаа вөрсө, пөрт-масөб зарниөн, эзыс кодзулөн дзирдалө-лым чиръясыс лысъяс йылад. Вежа дыр-йиыд тэнө мый оз ыджөдлыны! Тэнө вайө-ны, пыртөны керкаө, сувтөдөны горнича шөрө; тэнө вөччөдөны-баситөны зарниөн да эзысөн, өшлөны мича чачаясөн, югдөдөны сисьясөн... Челядь котралөны тэ гөгөр да сывлөны-вөрсөны гажаа.

Уна пу пөвстыс тэнө бөриймаөсь өтнад-тө, сы вылаө пуктөны тэнө аслад рамлун-ыд кузя да ичөт туйө оломыд понда, көн-кө...

Тані уна пөлөс жө пуыс эм: мичаөсь, джуджыдөсь быдмөны, сөмын абу войвы-лын быдмысъяс кодь мусаөсь. Мыйла нө сэтшөма ме радейта тиянөс? Мыйла сэтшө-ма гаж бырө тияныс?...

Важөн нин эг аддзыв сускөс ни ньывйөс. Мичаа, озырапырыс быдмыс пуөй, чөс-кыд сус колля сускөй!

Небыд сөдов веж лыска пуөй, чөскыд сир дука ньывйөй, муса пуөй!

Абу прөстө тэнө коми йөз шуөмаөсь «ныв» пуөн. Аслад мича пөртмасын шөвк кодь небыд лыснад, чөскыд дукнад, лөсьыд тушанад — дзык тэ сөстөм ань кодь, мича муса ныв кодь.

Эг на вунөд и кыддзөс, еджыд лым кодь эзыс сямөда паськөма, веж турун кодь коръя пүөс.

Уна буртор тэыс вөчөны. А мыйта ко-рөсь төв кежлө лөсьөдөны. Кымынөс тэ пывсьөдан-небзьөдан, мудзөм ки-кок бур-дөдан, йирмөгсө (прөстудасө) лы пиыс вөтлан.

Сө майбырөй корөсьөн пывсьөмөй, муса коми пывсянын пывсьөмөй!

Посни пөлөс пуясөй: пипу, льөм пу, гөрд пелыся сөспу. Тияныс тшөтш менам гажөй бырөма ёна.

Пипуөй, пипуөй! Меным тэ зэв жаль: пыр тэ тірзян, полан кодыськө, коньөрөй...

Кутшөм тэ мича аръяыв чим гөрд зар-ни коръяснад! Медбөръяыс тэ сідз коръяс-гылавтөдзыд пасьтасялан.

Тә нө, льом пуёй, паськыд кустаной!  
Мыйон тә абу мича?! Лым кодъ еджыд дзоридзнад тулысын коді нө тэысь мичаыс, сөстөмыс эм?

Пелысьой, пелысьой! Гөрд юра, тугья вотоса пелысьой, гежөм пом висьта-лысьой!..

Мөдөдчылам водзө...

Енэжыс рытйө нин: шондыс увтасмө... Ыркнитіс. Көдзыдкодь уль руөн өвтыштіс чужөмө. Номьяс рытладор өддзисны, курчасьоны. Ме номдөра пестерысь перья.

Лөнь, шоныд ва вылын. Көнсюрө чери чеччыштілө: комьяс варскөны ва вылын — гагьясөс куталөны. Синмой унаысь усь-лывлө вугыр шать вылө, но терпита, — колө катны талун Чер вомөдз.

Шонді саялі нин. Руаліс нин, регыд воам, сөмын өти вомын нин коли! Со өд и воим нин! Пыж зутшкысис кыр дорө. Голь-өдчигтырйи чеччам пыжысь. Биасим, пес-тысим, чайник өшөдім.

Ме пыж дорө котөрта, босьта вугыр шать да пыж бөжсянь чөвтася. Медвойдөр чөвтө-мас жө вугыр табйөй сунгысис, воши. Кыс-ка чериөс ва паныд. Кийй тіралө, шатбөй синсьө мегыр моз... Пыж дорөдз воис да друг быркниті — вель ыджыд ком шеді. Бара чөвтася, комьясөс кыскала ва пытш-кысь дугдывтөг. Лөсьыд жө нин.

Өртөй менам чуксалө кыр йывсянь: «Эновт нин! Лок чайтө ю, көдзалө». Өдва убөліта эновтны вугырөс, кая би дорө.

Рытыс! Кутшөм лөсьыд! Лөнь, лөнь... Сөмын Чер ю бузгө мельнича пруд моз Ермил керка весьтасянь. Ваыс сәті чөй бөр косьт кузя гөнечөн ләччө, быгья ырөш моз Эжваө усьө.

Көнкө сөртас жыдач герчкө да истан гежөдик корсюрө чипөстлас унйивсьыс дышиника: «и-ис, и-ис, и-ис-иссе...» аслас вөсни гора гөлөснас. Бара лөнь.

Ми вон зэвтам, водам. Дыр на менам оз узьсы, думайтчө быдтор йылысь. Сәтшөм лөсьыд сьөлөм вылын!.. Номьяс вон гөгөр сөмын сільгөны, пырны пьськөдчөны. Не-кысь! Он босьт мянөс! Тырмас, рытив-быд нин вильөдінныд.

«Чеччы чай юны», — кыла кытыськө гө-лөс унйылысь моз, но бөр унмовся. Бара недыр мысти кыла: «Чеччы нин...» Вочас-өн садьма, но дыр ог кыпөдчы, зэв лөсьыд куйлынысө.

Нурьясьыштім, сөйыштім, сәсся пыжөн бара водзө мөдөдчим. Лөсьыд, долыд сьөлөм вылад! Ки-кок шойчөма, зумыд. Зібьясян зіля. Пыжыд сөмын тьувгысьө ньөв моз. Ывлаыс гөгөр кутшөм гажа! Шонді вылө нин кайис. Неыджыд төв кыпөдчис. Кок-ныңыд лолавны морөсыдлы — быттө ул-льөв юан... Дукыс, дукыс! Кутшөм чөс-

кыд, морөсад оз төр... «Асылө каян» вомы-нөд катам.

Кутшөм гажа гөгөр! Кык бөкөдыс джу-джыд слудаа гажа яг. Водзө. Регыд нин воам. Медбөрья чом кост. Со «Визув ёль-дор» нин. Ва дорас пыж. Керка дорас ты-далө кодкө ноксьө. Керка гөгөрыс зэв гы-рысь нияас сулалөны. Вөр керкаыс зэв ичөтик на дінын кажитчө...

Водзө катам. Видз вылө воим. Ректысям. Катлысям. Поздысям. Ытшкыны заводит-чам. Ок лөсьыд жө ытшкыныд ю йыв ту-рунтө!

...Муса ас чужан сөрниой, коми кывйөй!  
Ёна жө нин менам тэысь гаж быри, сө майбырөй. Коркө нө кывла ог нин тәнө ас пельөн, шула ог нин ас вомөн тәнсьыд, коми сөрнилысь, дона кывьястө?.. Сөрнит-ныд окота, сьөлөмтө бурөдныыд; окота висьтавыны ассьыд шөгьястө, думьястө да некодлы. Колө сөрнитны да некодкөд. Вет-лөгөн-мунгөн пыр корсьысян, кывзысян ас мөртөс. Пельтө торгөдөмыд да пыр надейт-чан — оз-ө кодкө ас сөрниа мөрт сюр. Оз тай. Некодкөд тай шыасьныыд, некодлы тай висьтавыныд курыд шөгьястө, некодкөд тай нимкодьясьныыд нимкодьторьяснад.

Өні гөжөм. Көдзыд төв бөрын да зәра-лымья тулыс бөрын лөсьыд жө өні мян войвылын гөжөмыс! Июнь — лөддза-номья төлысь. Медся гажа кадыс во гөгөрнас, мед-ся донаыс видз-му уджалысьяслы. Тувсов уджьяс эштөма: гөрсөма и көдзсьөма, йөрьясө пуктысьөма. Видз вылө водз на петны. Медся эштан дырыс! Ставыс быд-мө: пуяс, туруньяс, вотөс дзоридзалө... Оз кисьмө (регыд челядь вотны нин кутас-ны).

Дзолядырсяыд дум вылад усьө. Вет-лывлам вөлі ми оз вотны «Джуджыд сөнө». Кайлывлам вөлі челядь чукөр вотчыны выль сямөд туисьясөн, мича краситөм тасьтиясөн... Ыб вомөн... Нюр вуджасөд... Помөс юөд келам... котөрөн. «Джуджыд сөнөдз» сувтлытөг каям... Пуяс костті, ту-сяпу пөветті ветлөдлан-кытшлалан, гора-лан, сылан кузь лунтыр. Шондыс, югыд шондыс енэжас! Му пасьталаыс зарни югөрьяснас тыр...

Синваыд петас казтыштан да. Дзоля-дырсяөй, сө майбырөй! Ылө тай тә колбө-мыд! Вөт моз олөмой, райын моз вылөмой, ылө тай тә кольөмыд! Некор нин оз бергөд-чыв... Горшыд гөрдзасяс, синваыд пөдтө казтыштан да. Быдлаө волан думнад, быд пельөс казтыштан гортладорсьыд: видз вылад и, му вылад и, маті төдса вөрьясөд ветлөдлан, быд пу кост видлалан... Быдла-ті думыд ләбалас, быд пу костө синва войт уськөдас... Дона ас чужан муын иньясөй! Ёна жө ме радейта, ёна гажтөмтча тіянысь, некыз ог вермы тіянос вунөдны...

## Ф. В. ПЛЕСОВСКИЙ — ФОЛЬКЛОРИСТ


СССР-са наукаяс Академиялөн Коми филиалысь старшый научной сотрудник Федор Васильевич Плесовскийлы тайö вояся октябрь

воис 1944-öд вояся апрельын. Слаб дзоньвидзалун вöснаыс сийö первой уджаліс «Плесо» колхозса счётоводён. Сэсся редактораліс

йылысь СССР-са наукаяс Академиялөн член-корреспондент Д. К. Зеленин гижис, мый Ф. В. Плесовскийлөн диссертацияö пырöм выводьясыс «выльöсь да аслыссикасöсь, найö кутöны ыджыд тöдчанлун не сöмын коми мойдьяс, но и мукöд йöзлысь фольклор тöдмалігөн».

1952-öд вояся май тöлысьын Федор Васильевич вуджö СССР-са наукаяс Академиялөн Коми филиалса кыв да литература отделö младшый научной сотрудникөн, а 1962-öд воясянь — старшый научной сотрудник. Фольклорист пунктö ыджыд вын коми йöзкостса произведениеяс чукöртöмö да 1956-öд воын лэдзö «Коми мойдьяс, сыланкывъяс да пословицаяс» сборник. Такöд öттшöтш сийö уджалö литературоведьяскöд öтвыв «Коми литература историялөн очеркьяс» книга вылын, кытчö гижö коми фольклор йылысь да войनावодзвывса коми советской литература йылысь. Мукöд изданиеясын сылөн петöны «И. А. Куратовлөн мировоззрение» да «Н. А. Фроловлөн творчество» нима статьяяс. Бөрьясö гижöма А. Ванеевкöд öтвылысь. Литературоведениеысь кындзи сийöс интересуйтöны языкознание, история, этнография вопросьяс, мый йылысь висьталöны сылөн йöзöдöм статьяяс: «Коми АССР-са öткымын юяс, сиктыяс да грездьяс нимьяслөн чужöм да артмём», «Важ коми кыв тэчасьяс», «Мыйла комиясöс шулöмаöсь зырянаөн», «Исторической да фольклорной памятникьяс серти коми да роч йöз костын öта-мöдкöд йитöдьяс йылысь».

1956-öд воясянь Федор Васильевич уджалö «Асыввыв финно-угрыяс пермской группаса йöзлөн фольклор» тема вылын. Уна статья да



тöлысьö тырис 60 арöс. Сылөн йöзöдöмторьясыс да конференцияс вылын юöртöмьясыс висьталöны учёнойлөн паськыд интересьяс йылысь. Но ёнджыкасö сийö тöдса кыдзи фольклорист.

Федор Васильевич чужис 1920-öд вояся октябрь первой лунö Коми АССР-са Прилузской районын, Плесо сиктса крестьяна семьяын. 1937-öд воын Объячевоса шöр школа помалём бöрын сийö пырис велöдчыны Коми пединститутö, кодöс помаліс 1941-öд воö да босытис роч да коми кыв да литература велöдысьлысь специальность. Великöй Отечественной войнa пансян воö том учитель кык вежон и удитис уджавны Нювчимса шöр школаын. Сентябрь мöд джыныйн сийö нин вöлі Рабоче-Крестьянской Красной Армия радьясын, а 1941-öд вояся декабрь тöлысьын муніс фронт вылö. Бойясын участвуйтігөн Федор Васильевич кыкыс чорыда ранитчыліс. Чужаніö бөр

Объячево сиктса радиовещаниеын, уджаліс районной газет редакцияса секретарён.

И сэки нин сылөн вöлі коми йöзкостса поэзия да коми художественной литература бурджыка тöдмавын кöсйöм. Тайö ыджыд кöсйöмнас сийö 1945-öд воын локтис овны Сыктывкарö да заводитис лöсьöдчыны аспирантураö пыригкежлö. 1945—46-öд воясö уджаліс «Вөрлэдзысь» газетса сотрудникөн, Коми республиканской библиотекаса библиотекарён. 1946-öд воын сийö пырис велöдчыны СССР-са наукаяс Академиялөн Коми филиалбердса аспирантураö. 1951-öд воын Коми книжной издательствын художественной литература редакторён уджалігөн нин Федор Васильевич дорыис Ленинградын «Коми йöзлөн мойдкывьяс» тема вылö диссертация да кутис уджавны Коми пединститутын коми кыв да литература кафедраса преподавательлөн. Сылөн диссертация

тезис гижис да йӱзӱдӱс сӱй тайӱ вопрос кузя. На лыдын «Коми да удмуртъяслӱн космогонической мифъяс», «Коми да удмуртъяслӱн олӱмын да фольклорын би культ йылысь», «Коми да удмуртъяслӱн семья сӱвмӱм йылысь вопрос дӱнӱ (рӱдвуж терминъяс серти)», «Коми да удмуртъяслӱн сыланкывъяс сӱвмӱм йылысь вопрос дӱнӱ», «Коми-пермьцӱй сыланкывъяс», «Коми да удмуртъяс фразеологияын параллелизмъяс йылысь» да мукӱд. Тайӱ статьяс вылас тшӱкыда ыстысьбны да кутасны ыстысьны исследователъяс, и не сӱмын фольклористъяс, но и этнографъяс да историкъяс.

1968-ӱд воын Ф. В. Плевосовский йӱзӱдӱс «Коми народлӱн свадьба» нима ыджыд монография, кӱнӱ озыр фактической материал подув вылын висьталӱ, кыдзи комияслӱн сӱвмисны да быдмисны свадебной обрядъяс, мыйын налӱн аслыспӱлӱслуныс да кутшӱмӱс коми йӱзлӱн бӱрдӱдчанкывъясыс. Бӱрынджык аслас научной результатъяс

подув вылын Коми АССР-ын социалистической обрядъяс пыртӱдӱм кузя комиссия корӱм серти сӱй гижис «Комияслӱн свадебной обрядъяс йылысь» докладной записка.

1971-ӱд восянь Федор Васильевич дасьтӱс «Коми литература история» медводдза томӱ, кодӱс сӱма коми фольклорлы да кодӱ петӱс печатъсь 1979-ӱд воын, таштӱм нима главаяс да раздельяс: «Мойдъяс. Преданиеяс», «Шусьӱгъяс да кывйӱзъяс. Нӱдкывъяс», «Йӱзкостса театральной представлениеяс» да «Свадебной бӱрданкывъяс». Тайӱ уджыс Кыв, литература да история институтын вӱлӱ пасӱма первой степень дипломӱн. Бура донъявсис сӱй и миян республикаса печатъын.

Гаралӱм уджъяс кындзи Федор Васильевич йӱзӱдӱс сизим фольклорной сборник. На лыдын «Коми мойдъяс да сыланкывъяс», «Коми шусьӱгъяс да кывйӱзъяс», «Коми йӱзкостса нӱдкывъяс». Важӱн нин тӱдмалӱ учӱной и коми фразеологизмъяс. И со таво Коми книжной издательство дасъ-

тӱ йӱзӱдӱм вылӱ сылысь «Коми фразеологизмъяс» сборник.

Ыджыд вын пуктӱс Федор Васильевич волшебной мойдъяслысь социальной подувъяссӱ тӱдмалӱм. Тайӱ исследованиеас сӱй кывкӱрталӱ, мый волшебной мойдъяс асланыс вужъяснас пырӱны медводдза социальной революция кадӱ, кодыр матриархатӱс лӱи вежӱма патриархатӱн. Тайӱ темасӱ фольклорист кӱсӱй видланы водзӱ на. А ӱнӱя аслас медшӱр могнас Федор Васильевич лыддӱбӱ коми мойдъяс водзӱ тӱдмалӱм, кодӱ эськӱ сетӱс позянлун лӱсьӱдны да йӱзӱдны коми мойдъяссӱ ыджыд книгабӱн. И кӱть учӱнойлы тырис квайтымын арӱс, ми эскам, мый сылӱн судзяс на вын и сӱй унатор на вермас вӱчны коми фольклористикаын. Сьӱлӱмсянь сям миян ӱртлы да коллегалы бур дзоньвидзалун, научной уджын выль творческой вермӱмъяс, кузь нӱм да бӱршуд.

В. МАРТЫНОВ,  
филологияса кандидат.

Виктор КУШМАНОВ

## НЭМДЖЫНСЯ СӨВМАН ТУЙ

Странаса театровед-специалистъяс пöвстын Коми республиканской драматической театр медводз тöдса сыөн, мый татчöс коллектив кужö уджавны драматургъяскöд. Миян проффессиональной театр быд во пунктö местной авторъяслысь öти либö кык пьеса. И Москваын асланыс медводдза гастрольяс вылын, кодъяс мунисны кольöм вося сентябрын, театрöн петкöдлöм квайт спектакль пöвстысь куимыс вöлины коми драматургъяслöн пьесаяс серти. Важъя роч сцена вывсянь — Государственной Академической Малой театр филиаллöн сцена вывсянь — первойысь кылис коми сёрни. Сийö вöли медводдза коми поэт Иван Куратовлöн, театр котыртысь да медводдза драматург Виктор Савинлöн, Россияса войвыв народлöн мича кыв.

Видзöдысьяс аддзисны кольöм кадся коми крестьянинлысь керка пытшкöссö — пельöсын ен-öбразъясöн да чусалысь сартас биён... Та йылысь Виктор Савин гижис «Шондi петигöн дзоридз косьмис» пьеса, кодi лоис талун коми классикаөн. Катаргаысь пышйö висьöмла да неөляын олöмла эбöсысь усьöм Григорий Сигеров. Локтö чужан деревняс мöд нимöн, көни сийöс некод эз тöд, весиг мамыс. Григорий кувсьö кызди революционер, и сылысь делöсö водзö нуöдö ичöтджык вокыс... Спектакль пансьö сысянь, кызди коми зонка сартас би дорын слогъясöн лыддьö роч букварь: «Оккотн-ик стре-ля-ет... Пе-ту-к по-ет... Пти-ца ле-та-ет...»

Кольöм нэм помын дзик жö тадзи

Виктор Савин велöдчылис роч грамотаö. Комилöн эз вöв сэки аслас письменность. Октябрь вайис коми войтырлы медводдза букварь, медводдза книга, медводдза профессиональной театр. И сийöс котыртысьён лоис медводдза коми советской поэт да драматург Виктор Алексеевич Савин, кодын петкöдчисны аслас народлöн медбур чертаясыс: вежөр, шаньлун, юмор. Савин ёна пыдди пунктiс театрсö, öд сылөн сцена вывсянь позис сёрнитны коми войтыркöд сьөлöмтö вөрзьöданторъяс йылысь.

Драматической театрлöн чужöмыс лон ыджыд событиеён эз сöмын Комиын, но и став Войвылын, — öд татчöс народъяслöн культураыс Октябрьской революцияöдз вöли зэв жебиник. 1930 вося октябрь 28 луно ВКП(б) Коми обкомлöн секретариат примитис Коми передвижной театр йылысь постановление. Сэни висьтавис: «Ошкыны Коми передвижной театр котыртöм кызди художественной уджлысь тöдчана юкөн. Передвижной театрлы колö водзö сөвмöдны областын театральной делö. Воливлыны районьясö да медводз могмöдны вөр лэдзсысьсöс, рабочöйясöс да колхозникьясöс гöрд пельöсыасын, вөр делянкаясын да сиктса изба-читальняасын. Пыртны талунья лунлы лöсялана репертуар, көни эськö вöли петкöдлöма партиялысь да правительстволысь могъяссö...»

Профессиональной театр чужтöдз на, гражданской война воясö, Виктор Савин веськöдлöм улын вöли кстыртöма агитбригада. Сийö волив-

ліс крайса деревнясö, ышöдіс йö-зс белогвардеецъяскöд да интер-вентъяскöд тыш вылö. ВКП(б) Ко-ми обком секретариатлысь поста-новлениесö пöся примитисны мед-воддза профессиональнöй актёръяс. Дерт, найö вöліны этшаöнöсь. И зэв ёся сувтіс национальнöй кадръясöс дасытан проблема. Регыд мысти Ле-нинградса театральнöй училище бердын вöлі котыртöма коми сту-дия, кöні позис дасытыны местнöй йöз пöвстысь актёръясöс. 1932 воын Коминысь сэтчö муніс медводдза группа. Ленинградын сэки велöд-чисны Н. М. Дьяконов, П. А. Мы-сов, С. И. Ермолин, А. С. Русина, А. Г. Зин, И. Н. Попов, И. И. Авра-мов. Налöн дипломнöй спектакль-ясöн лоины А. Н. Островскийлöн «Лес», М. Горькийлöн «Егор Булы-чев и другие», Ф. Шиллерлöн «Ко-варство и любовь», К. Гольдонилöн «Слуга двух господ» пьесаяс. Писа-тель Константин Фединöс шензьö-діс том коми актёръяслöн сэкса вор-сöмыс и сійö гижис «Правда» газе-тö ыджыд статья, кöні вылö донъя-ліс студия помалысьяслысь мастер-ствосö.

Сійö кадсянныс театр вöчис мур-тыштны вермытöм воськов. Лои пет-кöдлöма роч да рубежсайса класси-калысь, сöветскöй драматургъяс-лысь уна-уна спектакль. И оз позь не казтыштны сэтшöм пьесаяс йы-лысь, кöні ми аддзам образсö В. И. Ленинлысь. Медшöр местаын Пого-динлöн Лениниана: «Человек с ружьем», «Кремлевские куранты» да «Третья патетическая». Великöй вождьлöн образа медводдза спек-такльсö вöлі сувтöдöма Отечествен-нöй война пансытöдз на 1941 воын, а медбөръясö — М. Шатровлöн пье-са серти «Синие кони на красной траве» — 1980 воын. Сідзкö, матö нелямын во нин Коми театрлöн сце-на вылысь ми аддзам Ильичлöн об-раза спектакльяс. Вылынджык ин-дöмъясысь öтдор вöлі петкöдлöма «Ленин в 1918 году», «Семья», «Между ливнями», «Вечный источ-ник» пьесаяс. В. И. Ленинлысь роль-сö первойысь ворсысьöн вöлі РСФСР-са заслуженнöй да Коми



В. Распутинлöн «Последний срок» спек-такльысь сцена. Старухалысь рольсö ворсö РСФСР-са да Коми АССР-са народнöй артистка Г. Сидорова.

АССР-са народнöй артист Панте-леймон Ануфриевич Мысов. «Чело-век с ружьем» спектакльын (1941 во) сійö петкöдліс Ильичлысь реа-листическöй образ. А спектакльыс ставнас нöшта öтчыд тöдчöдіс те-атрлысь озыр творческöй позян-лунъяссö. П. А. Мысовлысь уджсö водзö нуöдіс СССР-са народнöй ар-тист Иван Иванович Аврамов, коді В. И. Ленинлысь рольсö ворсö и та-лун.

Театрлöн репертуарын тöдчана места босьтісны М. Горькийлöн, В. Вишневскийлöн, В. Ивановлöн, А. Корнейчуклöн, Д. Фурмановлöн, А. Фадеевлöн, М. Шолоховлöн да мукöд авторъяслöн пьесаяс. Коми сцена вылын вöліны Пушкин и Го-голь, Толстой и Чехов, Островский и Тургенев.

Национальнöй театрлы коліс тшöтш и национальнöй репертуар. Виктор Савинлöн медводдза пьеса-ясянь босьтöмön театр да коми драматургия пыр шыödчылісны та-лунъя проблемаяс вылö. В. Савин бöрын национальнöй репертуар лö-сьöдöмö ыджыд пай пунктисны С. Ер-молин да Н. Дьяконов. Дыр кад сцена вылын петкöдлісны налысь «Домна Каликова» пьеса. Торъя нин ыджыд выныс вöлі сылöн Оте-чественнöй война лунъясö. Домна-лысь рольсö ворсігöн ярьюгыда пет-кöдчис талантыс том актриса Г. П. Сидоровалöн. Ветымынöд воясö

странаса театрjасын паськыда нималис Николай Дьяконовлөн «Свадьба с приданым» комедия, мыйысь авторыслы сетöма СССР-са Государственной премия.

Коми драматургия сөвмөдөмө ыджыд пай пунктис Василий Леканов. 1954 воин сылөн петис «Сиктса рьтjяс» пьеса, и öти воөн спектакльсö вöли петкөдлöма Сыктывкарын, республикаса районjасын да мукөд областjасын сёысь. Ловjя, ярjюгыд образjяс дасьтисны тайö спектакляс Аврамов (Прокопий Беляев), Сидорова (Ульяна), Трошева (Дарjя), Мысов (Митрöй), Леканова (Наташа). В. Лекановлөн паськыда төдсаөсь и мукөд пьесаяс — «Джуджыд потшöс сайын», «Олöмын бужöдjяс», «Йöлöга».

Странаса уна театрын мунис Александр Ларевлөн «Льöм пу дорын аддзысьлөмjяс» пьеса. Коми театрлөн репертуарö зумыда пырисны Геннадий Юшковлөн пьесаяс. Коми драматургjяслөн пьесаяс серти театр ставсö сувтöдис нелямын сайö спектакль. Коми АССР-лы 60 во тыригкежлö театр öни дасьтö кык спектакль — Иван Тороповлөн «Туй вылын паныдасьöм» да Петр Шаховлөн «Кыпид ловлөн гаж» пьесаяс серти.

Ленинградскöй театральнöй училище первойөн помалысьяс динь быдмисны томджык актёрjяс, кодjяс велöдчисны 1938—1942 воясö Москваса ГИТИС-лөн коми студияын. На пöвстын РСФСР-са да Коми АССР-са народнöй артистка, В. Савин нима Коми АССР-са Государственной премия лауреат Г. П. Сидорова, РСФСР-са заслуженнöй да Коми АССР-са народнöй артистка, В. Савин нима Коми АССР-са Государственной премия лауреат Ю. И. Трошева, Коми АССР-са народнöй артистка С. С. Ростиславина, Н. Н. Турубанов, В. Н. Рассыхаев, Коми АССР-са заслуженнöй артист А. К. Рыжков.

Великöй Отечественной война воясö уна артист мунисны фронт вылö и сетисны асьыныс олöмсö мян Рöдиналөн мездлун вöсна. Но



В. Астафьевлөн «Прости меня» спектакльын Лидалөн рольын артистка Т. Плихта, Мишалөн рольын — М. Смолев.



Челядьлы «Люська дочь Льва» спектакльыс сцена. Люськалөн рольын артистка Г. Мамонтова.

Снимайтис В. Титов.

театр водзо дасьтис творческой кадръяс. 1943 воын Коми театр бердын воли котыртома студия, и нель во мысти сийос помалоны комын актёр. На повстын они Коми АССР-са народной артистъяс Г. П. Лыткина, К. М. Леканова, М. А. Красильников, Э. А. Попов, Л. Ф. Ильчуков, Коми АССР-са заслуженной артист Г. Д. Горчаков.

1957 воын Ленинградской театральной институтлысь коми студия помалисны актёръяс В. Пельмегов, М. Данилов, С. Лыткин да мукодъяс, кодъяс велодчисны РСФСР-са искусствояс кузя заслуженной деятель Н. Е. Серебряков дорын. Ярославса театральной училище помалисны Л. Мальцева, С. Горчакова, А. Трибельнгорн да мукод. Борындыжык сцена выло воисны Г. Микова, Л. Оборина, Л. Цивилева, Т. Плихта, В. Исаков, В. да М. Смоленъяс, кодъяс помалисны Москва-са ГИТИС. Педагог, профессор Гладков найос велодис столицаса театрълон медбур примеръяс вылын, и медводдза театральной сезонъяссянь том актёръяс петкодличны асьнысо сяммысь войтырон. Томъяслы пыр сетличны и сетоны творческой отсөг сценавывса нималысь мастеръяс.

Коми артистъяскод орччон театрлон коллективын уна во нин уджалоны и роч актёръяс. Республикаын бура тодсаось нимъясныс РСФСР-са заслуженной да Коми АССР-са народной артист И. Кривошеинлон, Коми АССР-са народной артист З. Локтионовлон, Коми АССР-са заслуженной артист Э. Вербинлон да мукодлон.

Коми театрлон режиссурао ыджыд пай пунктисны Семячков, Выборов, Дьяконов, Мысов, Аврамов. Накод орччон уджалисны роч режиссёръяс Милославский, Мирский, Мордвинов, Калининский, Лаппа-Старженецкий да мукод.

Борья кадö театрö локтисны том нывъяс — Сыктывкарса искусствояс кузя училищесь актёрской отделение помалысьяс. Актёрской мастерствоо найос велодис режиссёр В. П. Себекин.

Театрлы кадръяс дасьтом кузя ыджыд отсөг сетоны КПСС-лон обком, Коми АССР-са Министръяс-лон Совет да республикаса культура кузя министерство. И тайö тождлуныс ярьюгыда петкодчис Москваын Коми театрлон творческой отчёт дырйи, кодос воли сийома театрлон нэмджынся юбилейлы. Столицаын зэв पोся примитисны Комиысь воом гостьясос. Москва-са центральной пресса — «Правда», «Советская культура», «Советская Россия» да мукод газетъяс выло донъялисны Сыктывкарса актёръялысь спектакльясос. «Литературная Россия» газет пасйылис: «Коми народлон судьбаыс, сълон кольом да ония кадыс, сълон косьомъясыс да эскомъясыс, аския лун йылысь думъясыс петкодчисны спектакльясын, кодъясос сувтөдис театрса глывной режиссёр СССР-са народной артист И. Аврамов». Да, тайö гастрольясыс збылысь лонсны миян Родиналон столицаын ыджыд праздникон. Гастрольяс тупком водзвылын театрон веськодлысьясос примитис КПСС ЦК-ысь культура отделса заведующийос вежысь З. П. Туманова. Сийö ошкис театрса коллективлысь творческой отчётсö, снис коми искусствоса представителялы выль вермомъяс. «Тундра-са ксин» спектакль борын театрса коллективкод аддзысьлис РСФСР Министръяс Советса председательос вежысь В. И. Кочемасов. Сийö корис паськыджыка петкодлыны сцена вылын ония кадлысь героикасö.

Коми театр восьлалö олөмыскөд. В. И. Ленин чужан лунсянь 110 во тыригкежлө сийö сувтөдис М. Шатровлон пьеса серти «Синие кони на красной траве» спектакль. Содержание сертиыс сийö зэв талунъя и шыодчö миян лунъясся том йоз динö.

Великой Победалы 35 во тыригкежлө режиссёр Анатолий Головин сувтөдис В. Астафьевлысь пьеса «Прости меня». Спектакльсö сийома Отечественной войнаын Родинаосдорйысьяслы. Аслас нравственной проблематика боксянь сийö топыда йитчöма миян лунъясся проблема-яскөд. Тайö кык спектакльыслон

идейно-художественной уровенъс тырвуйо вочавидзо оня требова- ниеяслы, висьтало коллективлон гы- рысь творческой позянлунъяс йы- лысь.

Но век жо коло шуны, мый театр эз на аддзы да эз сувтод сэтшом пьеса, кони эсько тырвуйо да яръ- югыда воли петкодлома коми йоз олмын, Коми муын зев гырысь вежсьомъяссю. Сэтшом пьесаыс да сэтшом спектаклыс водзын на.

Локтан сезона репертуаро театр пыртис тодса советской писатель П. Проскуринлысь «Имя твоё» пьеса, кони петкодлысьо миян Родина- лон олмын медтодчана вежсьомъ- ясыс. Театр тайо уджсо сию партия- лон XXVI съездлы.

И сидз, В. Савин нима Коми рес- публиканской драматической театр пасию асьыс нэмджынся юбилей, пасию гырысь творческой вермомъ- ясон.

СССР ВЕРХОВНОЙ СОВЕТ ПРЕЗИДИУМЛОН  
УКАЗ

**Г. П. СИДОРОВАЛЫ «СССР-са народной артист»  
ним сетом йылысь**

Советской театральной искусство совмодомын гырысь вермомъясысь сетны «СССР-са народной артист» почетной ним Глафира Петровна Сидоровалы — В. А. Савин нима Коми республиканской драматической театрса артисткалы.

СССР Верховной Совет Президиумса  
Председатель Л. БРЕЖНЕВ.  
СССР Верховной Совет Президиумса  
Секретарь М. ГЕОРГАДЗЕ.

Москва, Кремль.  
1980 вося октябрь 8 лун.

*«Войвыв кодзув» журналлон редколлегия став коми ги- жысьяс нимсянь, а сидз жо журнал лыддысьяс нимсянь пося чолломло Глафира Петровна Сидороваос тайо ыджыд звание- нас.*

Техн. редактор И. Оплеснин.

Адрес редакции: 167610 г. Сыктывкар, Дом печати, комн. 26.

Телефоны редакции: 2-47-52 (гл. редактор), 2-51-52 (отв. секретарь).

Сдано в набор 23/IX 1980 г. Подп. к печати 16/X 1980 г. Формат 70×108<sup>1/16</sup>. Печ. лист. 4+0,25 п. л. вклейка. Приведенных печ. листов 5,6. Тираж 6045 экз. Ц03939. Заказ № 7330. Цена 20 коп.

Республиканская типография Государственного комитета Коми АССР по делам издательств, полиграфии и книжной торговли. 167610, г. Сыктывкар, ул. Коммуни- стическая, 20а.



Удмуртка.

Синмайтис М. Егоров.

# „ВОЙВЫВ КОДЗУВ“

## БЫД ТӨЛЫССЯ КОМИ ЖУРНАЛ

Карын и медылі сиктын, вөр лэдзанинын и газ корсянінын уна сюрс морт судзөдөны да лыддьөны сійөс. Виль-өн чужөм бурджык коми гижөдьяс медводз петөны «ВОЙВЫВ КОДЗУВ» журналын.

Ветымын витөд во кутас воны журнал коми лыддьысь-ысыяслы. Виль повестьяс талунъя олөм йылысь вөзйөны журналлы Геннадий ЮШКОВ, Иван ТОРОПОВ, Михаил ИГНАТОВ, Юрий ВАСЮТОВ, Петр ШАХОВ, Виктор НАПАЛКОВ, Альбина АНУФРИЕВА; Иван Куратов йылысь романлысь бөръя юкөнсө дасьтө Геннадий ФЕДОРОВ.

Поэмаяс, кывбурьяс, висетьяс вылын уджалөны ИЛ-ЛЯ ВАСЬ, Серафим ПОПОВ, Альберт ВАНЕЕВ, Иван ИЗЪЮРОВ, Владимир ПОПОВ, Александр ЛЬЮРОВ, Василий ВЛАСОВ, Нина КУРАТОВА, Александра МИШАРИНА, Егор РОЧЕВ, Владимир БЕЗНОСИКОВ, Владимир ТИМИН, Василий ЛОДЫГИН, Василий ТОРОПОВ, Евгений АФАНАСЬЕВ, Вячеслав БАБИН да мукөдьяс.

Виль пьесаяс йөзөдас журнал Николай ДЬЯКОНОВ-ЛЫСЬ, Василий ЛЕКАНОВЛЫСЬ, Николай БЕЛЫХ-ЛЫСЬ.

Коми художествоа гижөдьяс йылысь статьяс йөзөдасны критикьяс Анатолий МИКУШЕВ, Вера ЛАТЫШЕВА, Дмитрий КОНЮХОВ, Геннадий БЕЛЯЕВ да мукөд.

Во кезлө журнал вылө гижсян доныс 2 шайт 40 көп.

Судзөдөй да лыддьөй

„ВОЙВЫВ КОДЗУВ“ журнал!